



PROSECUTIO DISSERTATIONIS  
THEOLOGO - CANONICÆ.

I.



Diversus assertam probatamque in mea dissertatione veritatem, seu adversus *celeberrimam*, prout eam vocat Benedictus XIV. pont. max. lib. 6. de synodo cap. 4., Innocentii III. decretalem, toto orbe catholico receptam, constanteusu ecclesiæ firmatam, opponit dissertationis nuper editæ clarissimus author pag. 3., (nunc 52.) quod sententia, quam tueor, non sit *ulla ecclesiæ doctoris interpretatione suffulta, sed sententia sit tantummodo privatorum aliquorum doctorum.* Sed in ipso limine non parum offendit, & duplici quidem ex capite.

II. Primo, quia afferit sententiam illam esse *tantummodo privatorum aliquorum doctorum.* Si sit *tantummodo aliquorum*, quinam ergo sunt alii doctores, qui oppositam sustinent, & quare illos non producit, ut sententiam, de qua agitur, ostendat non esse omnino certam? Breviter dicam, quia nullum habet, quem producat, cum in hoc puncto unanimis sit, & semper fuerit, omnium opinio, ad illud usque tempus, quo nuper in Gallia sententiam hanc nonnulli revocare cœperunt in dubium: ut proinde gratis afferuerit, quod sit

*sententia tantummodo privatorum aliquorum docto-  
rum.* Imo , etiam si ante illud tempus unum alter-  
rumve singulariter sentientem reperiret , non ideo  
sententia nostra dici posset *tantummodo privato-  
rum aliquorum doctorum* , sed adhuc dici deberet  
*omnium* , si non *physice* , saltem *moraliter* , sicut  
dicitur quispam omnia amississe , nihil amplius  
habere , dum vix aliquid retinet.

III. Secundo , quia dicit , quod nostra senten-  
tia non sit *ulla ecclesiæ doctoris interpretatione suffulta* . A quo igitur tempore S. Thomas desit  
esse doctor ecclesiæ ? ipse tamen est , qui præ-  
dictam sententiam sua interpretatione suffulcit ,  
ipse , inquam , est , qui in casu Apostoli afferit  
matrimonium dirimi. Textus ejus produxi disserta-  
tionis meæ pag. 22. & 23. , ut proinde non sit  
necessæ illos denuo reproducere , seu actum  
agere. Quid ad hæc respondebit dissertator ? An  
forte , quod non agnoscat nisi quatuor ecclesiæ  
latinæ doctores , & totidem Græcæ , & ideo S.  
Thomam ab ecclesiæ doctorum numero exclu-  
dat ? Sed ideone S. Th. non erit ecclesiæ doctor ,  
quia ut talem ipsum non agnoscit ? Hoc certum  
arbitror , quod , si S. Th. ejusdem cum ipso esset  
sententia , illum non diffiteretur *ecclesiæ docto-  
rem* , sed , tamquam talem , prout a parte rei est ,  
miris laudibus extolleret. Ab illis itaque non sat  
considerate dictis , pergamus ad alia.

IV. Subdit dissertator : non est " temerarium ...  
,, multo minus illicitum examinare , an re ipsa  
doctores illi ( scilicet privati ) genuinum  
,, apostolici textus sensum fuerint assoluti , &  
,, simul ostendere contrariam sententiam certis  
,, & ineluctabilibus rationibus esse subnixam. ,,  
Alludit ad ea , quæ scripsi dissertationis meæ pag.  
20. ubi de S. Chrysostomo agens , dixi : „ Ipsum  
„ non errasse ( in casu de quo agitur ) novimus

„ ex SS. pontificum decretalibus; ex particu-  
 „ larium ecclesiarum ritualibus, ex S. scrip-  
 „ turæ interpretum, theologorum & canonis-  
 „ tarum toto orbe dispersonum unanimi confen-  
 „ su. Afferere autem omnes illos in errore ver-  
 „ sari, & penes pauculos quosdam, *heri* exortos,  
 „ residere veritatem, videtur, ut mitissime lo-  
 „ quar, valde temerarium. „ Itaque

V. R. Cum adversus veritatem nullo unquam tempore præscribatur, nec illicitum dici debet nec temerarium, sed potius laudabile, quod ad eam propugnandam certas & ineluctabiles rationes quispiam producat. Sed cum constans & universalis ecclesiæ praxis in re tanti momenti obnoxia esse non possit errori, non possunt dici certæ & ineluctabiles rationes, quæ ad eam erroris redarguendam allegantur. Nemo nescit, quod quilibet suas rationes facile arbitretur certas esse & ineluctabiles: at si hoc prætextu liceat ecclesiæ praxim arguere &c., quid tandem non licebit? Videamus interim, quænam sint illæ rationes, quas ipse vocat *ceteras & inelu-*  
*ctabiles.*

VI. Objicit primo, quod „ octo prioribus ec-  
 „ clesiæ fæculis SS. patrum constans fuerit do-  
 „ crina matrimonium, etiam infidelium, na-  
 „ tura sua ac institutione divina esse insolubi-  
 „ le, atque ratum ac firmum manere apud in-  
 „ fideles, etiam post conversionem unius par-  
 „ tis ad fidem, nullaque tunc in ecclesia inva-  
 „ luisse exceptio, quam insinuari credunt multi  
 „ in textu supra adduclio „ nimirum ex I. ad  
 Cor. 7.

R. Si a dissertatore peterem, utrum tunc tem-  
 poris major invaluerit exceptio pro casu profes-  
 sionis solemnis, matrimonium ratum non con-  
 summatum dissolventis, quam pro casu Aposto-

li, & utrum SS. patres istorum saeculorum unum  
præ alio docuerint dissolvi, certus sum, quod  
pisce mutior haeret, ut proinde vel ex hoc  
capite pateat, quod ratio ista non tantum non  
sit ineluctabilis & certa, sed potius straminea.  
Interim hallucinatur dissertator, dum ait *nullam tunc in ecclesia invaluisse exceptionem &c.*, vi-  
deturque oblitus historic illius, quæ Usbicio  
præfecto contigit, & quam resert author saeculi  
secundi S. Justinus martyr in apologia prima  
pro Christianis, in qua exceptionem illam in-  
valuisse ostendit.

VII. Verba ejus sunt.,, Mulier quædam viro,  
,, qui libidini deditus erat, nupserat. Ea, cum  
,, antea libidinosæ vixisset, posteaquam Christi  
,, præcepta & disciplinam cognita habuit, se ad  
,, meliorem frugem mentemque convertit, vi-  
,, roque, ut idem faceret, suadere conabatur....  
,, Ille autem, qui in eadem libidine perstaret,  
,, factis suis uxorem a se abalienabat. Nefas e-  
,, nim & impium rata mulier deinceps cum vi-  
,, ro habitare, qui contra legem naturæ & con-  
,, tra jus viam libidini ac voluptati, omni ex-  
,, parte, patescere studeret, a conjugio disjun-  
,, gi separarique constituit: cumque ab eo pro-  
,, posito abduceretur a suis, qui ei etiam ma-  
,, nendum suaderent, quod spes esset, fore, ut  
,, aliquando vir ejus vitam moresque mutaret,  
,, vim sibi inferens, invita mansit. Postea vero  
,, quam vir Alexandriam profectus graviora &  
,, indigniora scelera admittere renuntiatus esset,  
,, ne focia & particeps ejus scelerum flagitorum-  
,, que fieret, si in conjugio maneret, vièstisque  
,, communi uteretur, & in eodem lecto cuba-  
,, ret, dato eo, quod apud nos repudium dici-  
,, tur, separata est. Praclarus autem ejus vir,  
,, qui latari debuisset mulierem, quæ libenter

„ jam pridem cum servis ac conductis operis,  
 „ ebrietate omnique scelere se oblectans fecisset,  
 „ ea quidem facere destitisse, seque ab eis ab-  
 „ stinere voluisse, cum ipse nollet, eam a se  
 „ conjugii nuptiarumque jure ac foedere distraxif-  
 „ se, eam in crimen vocavit, & accusavit,  
 „ quod esset Christiana. Ac illa quidem libel-  
 „ lum tibi imperator obtulit, petens, ut fibi re-  
 „ bus suis consulere liceret. *Tum vero ille, qui*  
 „ ALIQUANDO VIR EJUS FUERAT, cum  
 „ jam nihil in praesens in eam dicere posset &c.

VIII. Ita S. Justinus, in cuius narratione expositum vides casum Apostoli, prout eum explicat Innocentius III.: vides, inquam, mulierem infidelem viro infideli matrimonio junctam, &, stante matrimonio, ad fidem bonosque mores conversam, cui, licet cohabitare consentiret maritus infidelis, non volebat tamen pacifice, sed scelestis actionibus uxorem a se abalienabat, & in peccatum mortale nitebatur impellere, ut-pote, qui ei contra legem naturae viam libidini ac voluptati, omni ex parte, studeret patefacere.

IX. Non minus clare vides, quod clarissimus dissertator negat, nempe saeculo secundo jam in ecclesia invaluisse exceptionem illam, quam in casu Apostoli dicimus locum habere. Quid enim significant haec verba: *Tum vero ille, qui aliquando vir ejus fuerat*, nisi, quod tunc vir ejus amplius non esset, qui alias fuerat vir ejus, sicut haec locutio: *Titius aliquando miles fuerat*, dum haec aut ista fecit, hoc procul dubio importat, quod miles amplius non sit, qui aliquando fuerat, ne alias sit ridicula locutio. Ergo saeculo secundo exceptio erat a lege generali in casu Apostoli. Quod autem saeculo isto S. Justinus asseruit, non nisi a primi saeculi patribus haurire potuit.

X. Dicet forte quispiam, quod in ista S. Iustini narratione non dicatur mulier illa alteri nupsisse, & consequenter, quod inde nihil possimus inferre, cum, juxta nos, primum matrimonium non dissolvatur, nisi eo temporis puncto, quo perficitur secundum.

R<sup>e</sup>. Sicut in illa narratione non dicitur, quod mulier ista alteri nups'erit, ita non dicitur, quod non nups'erit, & consequenter inde nihil potest inferri. Simpliciter afferitur, quod *ille, qui aliquando vir ejus fuerat*, hæc & ista fecerit, qua loquendi forma significatur, quod ille, qui aliquando vir ejus fuerat, jam amplius vir ejus non esset, prout mox ostendi. Ex isto igitur argumento hoc unum sequitur, quod ex S. Justini narratione non possumus afferere, quod hoc vel isto præcise tempore, in casu Apostoli primum matrimonium solvatur, quod etiam non afferimus: sed omnino sequitur, quod in casu isto matrimonium partis conversæ dirimatur, sive hoc, sive isto temporis puncto, quod nobis sufficit.

XI. Objicit 2<sup>o</sup>. Tertullianum lib. 2. ad uxorem cap. 2. agentem de textu Apostoli: *si quis fratum habet uxorem &c.* & ita discurrantem., „ Manifestum esse scripturam istam eos fideles „ designare, qui in matrimonio gentili inventi „ a Dei gratia fuerunt, secundum verba ipsa: „ *Si quis fidelis uxorem habeat infidelem*, non „ dicit *uxorem ducit infidelem*; ostendit jam in „ matrimonio agentem mulieris infidelis, mox „ gratia Dei conversum, perseverare cum uxori „ re debere, scilicet propterea, ne quis fidem „ consecutus, putaret sibi divertendum esse ab „ aliena & extranea quodammodo femina. Adeo „ & rationem subjicit, *in pace nos vocari ad* „ *Dominum Deum*, & posse infidelem a fidi per

„ *usum matrimonii lucri fieri.* Ipſa etiam clau-  
„ ſula hoc ita intelligendum eſe confirmat, ut  
„ *quisque, ait, vocatur a Domino, ita perseve-*  
„ *ret.* Vocantur autem gentiles, opinor, non  
„ fideles. „

XII. Deinde, inquit diſſertator, oſtendit  
Tertullianus diſſerentiam, quæ eſt inter fide-  
lem, qui cum infideli nuptias init, & inter  
eum, qui matrimonio gentilis a Domino alle-  
gitur: cum ille a nuptiis infidelis arceatur, hic  
vero in his perseverare jubeatur. „ Cur, fi a  
„ gentili inquinamur, non ille diſjungitur,  
„ quemadmodum iſte non obligatur? Respon-  
„ debo, si ſpiritus dederit, ante allegans Do-  
„ minum magis ratum habere matrimonium  
„ non contrahi, quam omnino diſjungi: deini-  
„ de diſortium prohibet, niſi ſtupri cauſa; con-  
„ tinentiam vero commendat. Habeat igitur ille  
„ perseverandi neceſſitatē, hic porro etiam  
„ non nubendi potestatē. „ In quæ verba ita  
commentatur diſſertator: „ Censuit igitur Ter-  
tullianus matrimonium infidelis poſt conver-  
„ ſionem ratum & firmum manere, atque par-  
„ tem conversam cum parte infideli in matri-  
„ monio perseverare debere, excepta fornicati-  
„ onis cauſa ( sub qua, interprete Auguſti-  
„ no, etiam infidelitas continetur ) quo caſu,  
„ permittente Domino, a fornicario separari  
„ licet, quod ad torum tantum attinet, cum  
„ Domino generaliter jubente, nullo caſu aliam  
„ ducente liceat. „

XIII. Ante ſolutionem notandum, quod hunc  
Apoſtoli textum: *cæteris ego dico, non Dominas;*  
*ſi quis frater uxorem habet infidelem, & haec*  
*conſentit habitare cum illo, non dimittat illam;*  
*non omnes eodem modo intelligent.* Quidam, ut  
Augustinus, variique alii, ſic exponunt, ut te

cæteris ego dico, non Dominus, idem significet quod; cæteris ego consulo, Dominus non præcipit. Alii nonnulli sic explicant, ut idem significet quod; cæteris ego præcipio, licet Dominus hoc non præcipiat in evangelio. Hinc Theodoretus in ista verba commentans ait: ego dico pro eo, quod est, non inveni hanc legem scriptam in sacris evangelis, sed nunc eam fero. Ex hac diversa interpretatione fit, ut nonnulli afferant, quod, si quis fidelis uxorem habeat infidelem, & hæc consentiat habitare cum illo, non possit eam dimittere, sed debeat ei cohabitare. Alii vero, quod ei non debeat cohabitare, sed possit eam dimittere, quia hi verba Apostoli intelligunt de confilio, illi autem de præcepto. Interim ad quæstionem, de qua hic agitur, impertinens sit, utrum hoc aut isto modo verba Apostoli debeant intelligi; sed hoc dumtaxat adnoto, ut Lector reflectat, quod si in sequentibus modo admittam, modo negem debere partem conversam cum infideli, cohabitare volenti, permanere, ad mentem patrum, qui mihi objectantur, intelligenda sit responsio mea.

XIV. R. Quidquid ex Tertulliano produxit dissertator, totum de verbo ad verbum admitto, utpote, quod nec directe nec indirecte nostram attingit sententiam. Agit ibidem Tertullianus, & quidem expressis verbis, de casu, quo parti fidei cohabitare consentit infidelis, ut patet ex textu Apostoli, quem in hunc modum citat, sed quem caute subticeuit dissertator; *Si quis frater infidelem habet uxorem, & illa MATRIMONIO CONSENTIT, ne dimittat eam*, & quibusdam interjectis, subdit, quæ in objectione posita sunt. Quid habet hoc commune cum casu Apostoli, de quo in hac quæstione agimus, aut quænam est hæc sequela: „ juxta Tertullianum

„ pars fidelis, cui cohabitare consentit infidelis,  
 „ debet in matrimonio permanere, ergo pars  
 „ fidelis, a qua discedit infidelis, eadem obli-  
 „ gatione constringitur? „ Ne suspicari quidem  
 ausim, quod clarissimus dissertator consequen-  
 tiæ illius nullitatem non videat.

XV. Objicit tertio, quod S. Hieronymus lib. I. adversus Jovinianum dicat: „ His autem, quois in matrimonio deprehendisset fides, hoc est, si unus credidisset e duobus, præcipit, ne credens repudiet non credentem; caufisque expositis, quod candidatus fidei fit infidelis, si nolit a credente discedere. E contrario iubet, si infidelis repudiet fidelem propter fidem Christi, discedere debere credentem, ne conjugem præferat Christo, cui etiam anima postponenda est. „ Sed ad hæc eadem est responsio, quæ supra, quia five sis hujus, five illius sententiæ, verba S. Hieronymi perinde vera sunt, cum hoc unum doceat, quod si infidelis nolit discedere, tamquam candidatus fidei habendus sit, & bene de ipso sperandum, & contra, „ si infidelis repudiet fidelem propter fidem Christi, præcipiat Apostolus, ut credens discedat, quod in nostra, sicut in adversariorum sententia verum est. Sed ex eo, quod juxta S. Hier., si infidelis repudiet fidelem propter fidem Christi, præcipiat Apostolus, ut credens discedat, nullatenus sequitur, quod prohibeat, ne discedens aliud matrimonium ineat, ut per se patet. „

XVI. At, inquies, cur ergo non dixit Hieronymus, quod credenti repudiato & discedenti liceat aliud matrimonium inire, si hoc permittat Apostolus? ¶ Cur ergo non dixit Hieronymus, quod credenti repudiato & discedenti aliud matrimonium inire non liceat, si hoc Apostolus non

non permittat, cum multo major esset ratio monendi, ut non fieret, quod lex vetat, quam monendi posse fieri, quod non vetat, & ex verbis Apostoli: *Non enim servituti subiectus est frater aut soror in hujusmodi, absolute & sine ulla restrictione prolatis, natum esset fieri, ut potestatem secundo nubendi fideles apprehenderent?* Ex his itaque & similibus quorumdam SS. patrum generalibus loquendi modis probare nihil umquam poterunt adversarii: ut aliquid efficerent, ostendere deberent, quod sint saltem aliqui inter SS. patres, qui, in casu Apostoli, docuerunt matrimonium non solvi, quod huc usque non ostenderunt illi, adversus quos dissertationem meam edidi, nec (confidenter dico) ille umquam ostendet, qui eorum causam suscepit defendendam.

XVII. Pergit dissertator pag. 6. (55.) „ cum igitur, inquit, in casu, quo infidelis partico conversatio cohabitare vult, separatio, quam hic prohibet Apostolus, patentibus adversariis, unice respecticiat torum seu habitationem cum parte infideli, etiam separatio cum nolente cohabitare, quam jam præcipit Apostolus, ne pars fidelis conjugem Christo præferre videatur, S. Hieronymo interprete, torum tantum seu habitationem respicit. „ R. Ubinam dissertator interpretationem istam in S. Hieronymo inventum? Ne verbum quidem habet S. Hier., quo vel a longe dunitaxat significet, quod separatio cum nolente cohabitare, quam præcipit Apostolus, ne pars fidetis conjugem Christo præferre videatur, TORUM TANTUM SEU HABITATIONEM respecticiat, prout legenti patet: quomodo igitur asserit dissertator, quod ista sit interpretatione S. Hieronymi?

XVIII. Vultne forsan inter utramque separatio

K

tionem, seu eam, quam in uno casu prohibet, & in alio præcipit Apostolus, instituere paritatem? Instituat eam, per me licet, at S. Hieronymo non tribuat, quod non docet. Est autem inter utramque separationem palmaris hæc disparitas, quod, dum dicit Apostolus: *Quod si infidelis discedit, discedat* (suppono hic cum S. Hieronymo quod to *discedat* partem fidelem afficiat) est, inquam, hæc disparitas, quod Apostolus immediate post simpliciter & absolute subiectat: *Non enim servituti subiectus est frater aut soror in hujusmodi.* Simpliciter autem & absolute serviuti matrimoniali non esse subiectum, est simpliciter & absolute ab ea esse liberum, prout dixi dissertationis meæ pag. 11, sed ad quod non respondit adversarius.

XIX. Ex his ad oculum patet, quod, quamvis de separatione quoad habitationem & torum intelligendus sit Apostolus, dum dicit: *Si quis frater uxorem habet infidelem, & hæc consentit habitare cum illo, non dimittat eam,* non ideo tamen de illa tantum separatione fit intelligendus, dum ait: *Quod si infidelis discedit, discedat &c.* Non quod verba hæc: *non dimittat, vel discedat,* unam præ altera separationem ratione sui importent, sed quod ultimum per subsequentia determinetur, ad significandam simplicem & absolutam a matrimoniali servitute exemptionem, seu omnimodam libertatem, prout jam dixi.

XX. Pergamus cum dissertatore. Ibidem, seu pag. 6. (55) in hunc modum discurrit: "Si infidelitas nequidem causa necessaria est separationis pro parte fideli quoad habitationem, quando pars infidelis cohabitare consentit, quomodo accidente hac singulari circumstantia, quod infidelis sese separat aut discedat, justa causa erit solvendi vinculum matrimonii? An er-

„ go discessio partis infidelis a fideli tantæ virtutis erit, ut matrimonii vinculum, quod in fidelitas non dissolvit, dissolvat? „

XXI. R. Justa causa erit solvendi vinculum matrimonii, quia, accedente ista circumstantia, docet Apostolus partem fidelem non esse subjectam servituti, cui tamen esset maxime subjecta, si aliud matrimonium contrahere ipsi non liceret. Nec ideo discessio partis infidelis a fidei tantæ virtutis erit, ut matrimonii vinculum, quod infidelitas non dissolvit, dissolvat: sed erit conditio *sine qua non*, sive erit conditio, qua posita, solvetur aut solubile fiet, & qua non posita, firmum manebit matrimonii vinculum.

XXII. Prosequitur dissertator: " Sane si hoc Apostolus voluisse, claris verbis expressisset: legi enim claræ per verba ambigua non derogatur. "

¶. Principium hoc absque ulla hæsitatione admitto, sed difficultas est in subsumpto. Unde enim probat, prout ei, utpote actori, incumbit probandum, quod clara non sint verba Apostoli? An forte dicet textum illum diversas posse explicationes pati? Producat ergo catholicos scriptores, textum illum diversimode interpretantes, & quorum talis sit authoritas aut numerus, ut vel saltē doctum aliquod de claritate verborum Apostoli possit dubium generare. At hoc non præstabit umquam, cum omnes theologi, interpres & canonistæ, textum illum intelligent de solutione vinculi conjugalis.

XXIII. Sed quid dixi *catholicos scriptores*? Vel ipsimet (quod maxime notandum) hæretici, quos certo non movit authoritas Gratiani aut Innocentii III., & qui nos, id est catholicos, ubi possunt, accusant & carpunt, hac in parte a nobis non dissentient, ita, ut, si eorum

indigerem testimonio, illud contra adversarios, non sine aliquo eorum dedecore, possem proferre. Consulant centuriatores Magdeburgenses, consulant Le Clerq, Grotium & alios quam plurimos, & eos invenient hac in parte a Romanæ ecclesiæ sensu non recedere, & nullam in verbis Apostoli ambiguitatem invenire.

XXIV. Deinde, juxta commune & non minus verum, quam tritum axiomat, *optima legum interpres est consuetudo*, ita, ut si hanc aut istam legem in hoc vel isto sensu semper interpretata sit consuetudo, non debeat esse ambiguum, sed certum, quod hic aut iste sensus haberi debeat ut genuinus legis istius sensus, excluso omni alio isti interpretationi opposito. Jam vero perpetua & constans omnium prorsus temporum ecclesiæ consuetudo Apostoli textum, de quo hic agitur, sic interpretata est, ut vi illius parti conversæ, infideli discedente, ad secunda licet vota transfire; ergo non debeat haberi ambiguum, sed certum, quod iste fit genuinus loci illius sensus, excluso omni alio isti interpretationi opposito.

Dico *omnium temporum*, quia dissertator ne unum quidem proferet casum, in quo, si aliud non obstat, a secundis nuptiis alicubi prohibita sit pars conversa, infideli discedente, ante illud tempus, quo nuper in Gallia casus quidam contigit, occasione cuius præfens quæstio agitur, & qui est hujusmodi.

XXV. Judæus quidam, nomine Borach-Levi, ad fidem conversus, & a sua uxore Mandelcerf in odium fidei derelictus, subjici noluit servituti, sed ea libertate uti, quam in simili casu Apostolus concedit. Eum in finem accessit pastorem, ut cum Anna Thevard matrimonio jungetur, sed ille, non nisi præhabito superiorum

consensu, voluit eum matrimonio jungere. Res itaque ad episcopi Sueßionensis officialem dela-ta est, qui decrevit dicto Borach-Levi non esse permittendum, ut, vivente Mandelcerf, ad se-cundas nuptias transiret: & hoc quidem decre-vit contra propriæ diœcesis rituale, cujus uti-que hæc verba sunt: *L'Apotre enseigne que les mariages des infidèles sont légitimes, qu'un infidèle, qui se convertit, peut & doit même demeurer avec sa femme qui persevere dans l'irfidélité & qui consent d'habiter avec lui, & de même la femme avec son mari; mais si l'infidèle se sépare, le fidèle a droit de se separer aussi, & on permet même à un fidèle, ainsi abandonné par la partie infidele, de se remarier à un autre. Qua autem de causa hoc illi permittitur, nisi quia clara sunt & minime ambigua Apostoli verba?*

XXVI. Sed videamus, quo adversarios nos-tros suæ perscrutaciones deducant, & in quam eos abyssum conjiciant. Prodeat adversus illos nescio quis haëreticus, qui eodem argumento, quo ipsi contendunt in casu Apostoli matrimo-nium non dirimi, similiter prætendat, nec per pro-fessionem solemnum matrimonium non con-summatum dissolvi, asserens non esse clarum di-ssolutionis istius fundamentum, & legi claræ per verba ambigua non derogari. Quid ad hæc respondebunt adversarii? Si dicant unum esse in Tridentino definitum, & non aliud, respon-debit haëreticus, quod loco definitionis, quæ ha-betur pro uno casu, constans ecclesiæ praxis habeatur pro casu, de quo hic agitur; & con-sequenter, si in sua praxi & in re tam momen-tofa errare potuerit ecclesia, errare etiam po-tuerit Trid. in definitione sua.

XXVII. Frustra regeres, quod casus Apostoli sat sæpe non contingat, ut censeatur generalis

## 150 PROSECUTIO DISSERTATIONIS

ecclesiæ praxis. Ut enim, inquiet, censeatur a-  
liquid generalis praxis ecclesiæ toto orbe disper-  
sæ, sufficit, ut secundum principia, quæ sta-  
tuit, quotiescumque & ubicumque casus ille con-  
tingit, toties & in quocumque loco pars con-  
versa ad secundas nuptias admittatur; atqui quo-  
tiescumque & ubicumque contingit, toties & in  
quocumque loco pars conversa ad secundas nup-  
tias admittitur; ergo est generalis ecclesiæ pra-  
xis, & ecclesia toto orbe dispersa errat in pra-  
xi, utpote inducens adulteria, quæ deberet re-  
primere.

XXVIII. Confirmatur; quamvis casus, quo post matrimonium ratum non consummatum una ingreditur religionem, & in ea solemniter profitetur, sit satis rarus, imo forte rarior casu Apostoli, dubitari tamen non potest, quin sit universalis ecclesiæ praxis, partem in sæculo remanentem ad secundas nuptias admittendi, si nempe aliud matrimonium velit inire, & hoc, quia quotiescumque & ubicumque casus iste contingit, toties & in quocumque loco pars in  
sæculo remanens ad secundum matrimonium admittitur; ergo similiter. Sed modo textus A-  
postolici claritatem demonstremus. Cap. 7. ad  
Cor. §§. 10. & 11. matrimonialem servitutem  
delineavit dicens: *Iis autem, qui matrimonio  
juncti sunt, principio, non ego, sed Dominus, u-  
xorem a viro non discedere, quod si discesserit,  
manere innuptam &c.* Atqui §. 15. pure & sim-  
pliciter & sine ulla exceptione declarat, partem  
fidelem, infideli discedente, matrimoniali servi-  
tuti non esse subjectam, ergo pure & simpliciter  
& sine ulla exceptione declarat, eam a servi-  
tute liberam, sive eam non debere discedenti  
adhærere, aut manere innuptam, si illi non ad-  
hæserit.

XXIX. Confirmatur exemplo : suppone , quod  
ob invalescentes quosdam abusus mulierum a  
viris suis discedentium , hoc modo lex feratur :  
" Iis , qui matrimonio juncti sunt , præcipimus  
" uxorem a viro non discedere , quod si disces-  
" ferit , in conventum aliquem monialium se-  
" se recipere . Quod si ab ea maritus difficultis &  
" morosus discedit , discedat , non enim servi-  
" tuti subiecta est uxor in hujusmodi .,, Quis  
mortalium in hoc casu summam non videt le-  
gis istius claritatem , quis , inquam , non intel-  
ligit , clare exprimi , quod , dum non discedit  
uxor a marito , sed maritus difficultis & morosus  
ab uxore , tum non teneatur uxor in conven-  
tum aliquem monialium sese recipere ? Si autem  
in hoc casu clara sint verba legis , etiam clara  
sunt verba Apostoli , cum sit eadem verborum  
construictio , ut proinde non nisi pro libitu ,  
soloque animo contradicendi afferant adversarii ,  
illa esse ambigua ; unde etiam non probant , quod  
afferunt .

XXX. Prosequitur dissertator , expendensque ,  
prout dicit in nota marginali , nostram flucuan-  
tem doctrinam , subdit pag. 6. & 7. (55. & 56.) " Sed  
" quod hic non satis mirari possumus , juxta ad-  
versarios , exceptionem , quam ipsi prædicant ,  
" Apostolus ecclesiæ dimidiate tantum clare pro-  
mulgasset : nam & ipsi admittunt , momentum  
temporis , quo prætenfa hujus vinculi solutio  
peragitur , adhuc incertum esse .,, Et post pau-  
ca : „ Quidni etiam adversarii fateri debeant in-  
certum quoque esse , an matrimonium in  
casu Apostoli quoad vinculum solvatur ? An  
forte traditio apostolica clara & certa erit  
hoc casu pro vinculi solutione , obscura autem  
quoad momentum temporis , quo hæc solutio

152 PROSECUTIO DISSERTATIONIS  
„perageretur? Hoc afferere, appareret nobis Apo-  
„stolum ludibrio exponere.“

XXXI. R. Sicut incertum est, quo temporis momento, in casu Apostoli, solvatur matrimonium, ita incertum est, quo temporis momento vinum in Christi sanguinem transmutetur, sed inter theologos est controversum. Thomistæ quamplurimi existimantes omnia verba formæ, prout exprimitur in canone missæ, essentialia esse consecrationi sanguinis, consequenter sustinent, non tisi omnibus prolatis, fieri mirabilem illam transubstantiationem vini in sanguinem Christi. Theologi alii sustinent, illam mox fieri, dum profertuntur hæc verba: *Hic est calix sanguinis mei*, quia non nisi prædicta verba ad consecrationis essentiam pertinere contendunt.

XXXII. Similiter incertum est momentum, quo sacerdotibus in sua ordinatione confertur potestas tum in corpus Christi verum, tum in corpus Christi *mysticum*. Prima, juxta multos, confertur, dum dicit episcopus: *Accipe potestatem offerendi sacrificium &c.* Alii vero absolute sustinent, illam ante conferri, nempe dum episcopus super omnes manus imponit cum præscripta oratione. Item multorum est opinio, quod potestas secunda, seu in corpus Christi *mysticum*, id est potestas remittendi peccata, non detur, nisi dum dicit episcopus: *Accipe Spiritum sanctum, quorum remiseris &c.* Alii e contrario, inter quos illustrissimus Bossuet in explicatione quarundam difficultatum super precibus missæ pag. mihi 208., opinionem illam rejiciunt, statuentes unam potestatem cum altera simul conferri. In extrema-unctione quo temporis momento confertur gratia? An in prima, an in secunda unctione, &c., an autem in qualibet portio a-

liqua gratiæ datur, qua dimittuntur peccata,  
per singulos respective sensus commissa? Absolu-  
tum de istis omnibus certitudinem nullam ha-  
bemus.

XXXIII. Ergo, si subsistant dissertatoris prin-  
cipia, circa omnia illa mysteria *fluctuans* est ec-  
clesiæ doctrina. Ecclesiam suam Christus *dimi-  
nate* tantum docuit, cum adhuc incertum sit  
temporis momentum, quo mysteria illa adim-  
plentur. Quidni etiam fatendum sit incertam quo-  
que esse mysteriorum illorum veritatem? An  
forte traditio Dominica clara & certa erit hoc ca-  
su pro dictorum mysteriorum veritate, obseura  
autem quoad momentum temporis, quo illa per-  
aguntur? *Hoc afférere apparet* (ut dissertatoris  
phrasí utar) *Christum ludibrio exponere*. Cui au-  
tem catholico horrorem non ingerunt ejusmodi  
consectaria? Per se tamen & necessario fluunt  
ex ejus principiis. Mutet ergo antecedentia, si  
velit cavere sequentia, noveritque ex incertitu-  
dine temporis, quo res aliqua peragitur, nulla-  
tenus inferri posse, quod sit incertum, an reipsa  
peragatur.

XXXIV. Objicit 4<sup>o</sup>. pag. 7. (56.) quod S. Chry-  
softomus hom. 22. in epist. ad Rom. eodem  
modo, quo S. Hieronymus, hæc Apostoli (de  
quibus hic agitur) verba exponat.

R. Nihil verius, quam quod hic asserit adver-  
farius: atqui S. Hieronymus sic ea exponit, ut  
ne per umbram quidem indigit, in casu Apostoli,  
matrimonium non dissolvi, prout supra vi-  
dimus; ergo plus ex verbis Chrysostomi non  
potest deduci, quam ex verbis S. Hieronymi,  
cum ille, adversario fatente, eodem modo, quo  
hic, Apostoli verba exponat. En verba S. Chry-  
softomi, quæ dissertator refert. "Si infidelis  
„, discedit, discedat. Id est, quæ penes te sunt

154 PROSECUTIO DISSERTATIONIS  
„præsta, & nemini des ansam belli & pugnæ...  
„sicubi vero pietatem lædi vides, ne præpo-  
„nas concordiam veritati, sed generose persif-  
„tas usque ad mortem; ac ne sic ex animo  
„pugnes, neque ex voluntatis proposito ipsum  
„adverseris, sed in rebus tantummodo pugnes,  
„id enim significat illud: *Quod ex vobis est,*  
„*cum omnibus pacem habentes*: & si ille pacem  
„non servaverit, tu ne animum tuum tempe-  
„tate repleas, sed ex proposito voluntatis ami-  
„cus esto: uti dixi, veritatem nusquam prodas.,,  
Ubinam his in verbis fit vel minima mentio,  
quod, in casu Apostoli, parti conversæ, infi-  
deli discedente, ad secunda non liceat vota tran-  
fire? Ne Argus quidem iota unum aut api-  
cem inveniet, qui tale quid indicet.

XXXV. At, si hoc liceat, quomodo, inquit  
dissertator pag. 8., (57.) *en in casu S. Chrysostomus*  
*credidit Apostolum præcipere, ut pars conversa*  
*persistat usque ad mortem, ut ex voluntatis pro-*  
*posito partem non aduersetur, sed amica perma-*  
*neat, neque contra illum ex animo pugnet, sed*  
*unice IN QUANTUM NECESSE EST, UT A*  
*SE PERICULUM SEDUCTIONIS AVER-*  
*TAT, &c.*

R. Hoc non habere Chrysostomum; nempe,  
quod præcipiat Apostolus, ut pars conversa *unice*  
illud faciat, *in quantum necesse est, ut a se pe-*  
*riculum seductionis averiat*, quod utique fieri  
posset per solam separationem ab habitatione &  
toro; ut proinde mirum sit, quod dissertator  
Chrysostomi sensum ita audeat falsificare. Re-  
videat lector & attente consideret præcitata  
Chrysostomi verba, & videbit, quod in illis ne  
umbra quidem sit sensus illius, quem ipsi dis-  
sертator præbet.

XXXVI. At numquid, teste Chrysostomo,

præcipit Apostolus, *ut pars conversa persistat usque ad mortem?*

R. Sic est, at non dicit ipsum præcipere, ut ad mortem usque persistat in matrimonio, sed in fide & veritate; unde Chrysostomus breviter repetens, quæ antea dixerat, subdit: *Uti dixi, veritatem nusquam prodas.* Explicat itaque S. Chrysostomus in hac homilia y. 14. cap. 12. ad Rom. *Benedicte persequenter vos, benedicte & nolite maledicere,* totusque in eo est, ut necessitatem ostendat, non tantum condonandi injurias, sed & beneficiendi inimicis, & pacem, quantum in nobis est, habendi cum omnibus, quam tamen pacem dicit aliquando haberri non posse, etiam inter virum & uxorem, ut, quando discedit infidelis: quo casu a fideli duo jubet servari 1º. Ne præponat concordiam veritati, sed in ea generose persistat ad mortem usque. 2º. Ne pugnet ex animo, aut infidelem ex voluntatis proposito aduersetur, sed potius affectu benevolo prosequatur, cum juxta evangelium inimici etiam sint diligendi, & beneficiendum eis, qui oderunt nos. Quis autem non videat, utrumque hoc punctum a fideli, quem deseruit infidelis, posse & debere servari, etiam si ad secundas supponatur transisse nuptias; & quid inde, quæso, contra nostram sententiam potest inferri?

XXXVII. Quærit dissertator pag. 8. (57.) ”  
” Numquid saltem... *ut perpetua in infideli parte adulteria... evitentur*, dum pars conversa factate sibi concessa non uteretur, Apostolus, vel saltem PIA MATER ECCLESIA,  
” præfigere non debuisset certum tempus, quo  
” restringeretur hæc libertas, quam fideli at-  
” tribuunt, (alii) quemadmodum & in casu  
” matrimonii rati tantum, quoad facultatem

„ ingrediendi religionem , tempus bimestre  
 „ præfixit ecclesia ? Edifferant , inquit , hoc  
 „ adversarii ? „

XXXVIII. *q.* Quomodo hanc quæstionem instituere potuerit clarissimus dissertator , non intelligo . Agitur siquidem hic de parte fidelis , quam infidelis repudiavit *propter fidem Christi* , ut loquitur S. Hieronymus ab ipso citatus , & cui libertatem inesse dicimus ad secundas nuptias convolandi . Quærerit autem dissertator utrum , si pars fidelis *libertate sibi concessa non uteretur* , non debuisset ecclesia præfigere certum tempus , quo *restringeretur hæc libertas* , quam ipsam habere dicimus , *ut perpetua in infideli parte adulteria evitentur* ? Sane si ecclesia istam aliud matrimonium ineundi libertatem restringeret , sic , ut v. g. post bimestre pars conversa & a marito repudiata alteri amplius non posset nubere , quemadmodum matrimonio rato non consummato ligatus post bimestre non potest amplius , invita comparte , religionem ingredi , per istam libertatis restrictionem in parte infideli *non vitarentur* , sed potius , occasione illius , multiplicarentur adulteria , quandoquidem pars infidelis & repudians , elapo v. g. bimestri , perpetuo constricta maneret matrimonii vinculo , sine ulla spe solutionis ; ubi in nostra , seu potius ecclesiæ sententia , ab eodem vinculo omni , ut ita loquar , momento potest liberari . Quid ergo sibi vult , dum ejusmodi quæstionem ita secum pugnantem proponit ?

XXXIX. Pergit dissertator ibidem . ” Sed nec  
 „ is , inquit , solus locus est , ubi S. Chrysostomus verba Apostoli ita interpretatur , ut *unice separationem quoad torum importent , nam alio adhuc in loco , nempe hom. 19. in epist. I. ad Cor.* ita loquitur : Quid sibi vult autem

„ illud : *Si infidelis discedit, discedat*, aut fe-  
„ paretur ? Verbi gratia, si te jubeat sacrificia-  
„ re, aut faciam impietatis esse propter connu-  
„ bium, vel discedere ; melius est disrupti  
„ connubium, quam piam religionem. Quapro-  
„ pter subdit : *Non enim servituti subiectus est*  
„ *frater aut soror in hujusmodi rebus*, si quoti-  
„ die ea de causa pugnet, & bellum moveat,  
„ melius est separari. Hoc enim subindicit,  
„ cum dicit : *In pace autem vocavit nos Domi-  
„ nus* : Ille enim causam præbuit, ut is, qui for-  
„ nicatus est. „ Ita ille.

R. Nemo non videt, quod in hoc, sicut & in  
priori textu Chrysostomi, de suo adjiciat differ-  
tator, quod in neutro reperitur, quod, inquam,  
adjiciat S. Chrysostomum verba Apostoli sic in-  
terpretari, *ut unice separationem quoad torum  
importent*, cuius tamen interpretationis nec in  
hoc, nec in priori textu vel minimum vesti-  
gium reperitur, ut patet legenti.

XL. At, inquit, pag. 9. (58.) " Negari nequit  
„ eum (Chrysostomum) ad verba Apostoli,  
„ etiam in omni rigore intellecta, aliud non  
„ docere, quam hoc : *Melius est separari... quæ*  
„ *verba profecto per se non important vinculi  
solutionem.*"

R. 1º. Non queritur utrum verba ista per se  
vinculi solutionem importent vel non (certum  
enim est, quod per se eam nec includant nec ex-  
cludant) sed queritur utrum S. Chrysostomus  
doceat, quod haec verba Apostoli : *Quod si infi-  
delis discedit, discedat, non enim servituti sub-  
iectus est frater aut soror in hujusmodi*, unice &  
nihil aliud significant, quam separationem ab  
habitatione & toro, prout prætendit differ-  
tator ? Si hoc alicubi doceat Chrysostomus, cur locum  
illum non producit ? Si non doceat, cur tam

confidenter quam infundate afferit Chrysostomum verba Apostoli ita interpretari, ut UNICE separationem quoad torum importent, quandoquidem illius separationis unice quoad torum nequidem meminerit Chrysostomus? Sed, ut nullum hac super re dubium relinquam, suppone, quod quispiam commentans in hæc verba Danielis 4. *Peccata tua eleemosynis redime*, hoc tantum dixisset & probasset, nempe, quod ad salutem consequendam necessaria fit eleemosyna: Audebitne quispiam dicere authorem illum verba Danielis sic interpretari, ut ad salutem consequendam tantum necessaria fit eleemosyna? Idem prorsus est in casu, nec datur ovum ovo similius.

XLI. Item Trid. sess. 14. cap. 5., agens de circumstantiis in confessione exprimendis, tantum definivit illas debere exprimi, quæ speciem peccati mutant: poteritne idcirco quispiam assertere, quod definiverit illas tantum esse exprimendas, quæ mutant speciem peccati? Hoc certo non admittet dissertator, nec quiscumque alius: Ergo similiter ex eo, quod juxta ipsum Chrysostomus *ad verba Apostoli, etiam in omni rigore intellecta*, aliud non doceat, quam hoc: melius est separari, quæ verba per se non important vinculi solutionem, assertere non potest, docuisse Chrysostomum, parti conversæ aliud non esse licitum, quam sese ab infideli separare, cum ex affirmatione unius non sequatur negatio alterius.

XLII. R<sup>e</sup>. 2<sup>o</sup>. Sicut illa Chrysostomi verba: *Melius est separari*, per se non important solutionem vinculi, ita etiam illis non usus sum, ut probarem juxta Chrysostomum, in casu Apostoli, matrimonium dissolvi: nec illa adhibui, quæ in Chrysostomo præcedunt, nempe,

*melius est disrumpi connubium : & tamen pag. 11.  
(60.) illa mihi supponit dissertator , dicens: " Ver-  
ba illa: *Melius est disrumpi connubium , melius est  
separari*, intellecta sensu adversariorum , signi-  
ficarent minus esse malum disrumpi connubii  
vinculum , quam deserere piam religionem:  
inter quæ profecto nulla comparatio institui  
potest &c., Quisnam , quæso , est ille sen-  
sus , quo verba ista adversarii intelligunt , cum ,  
ut dixi , verbis istis non usus sim , ut ex Chry-  
softomo probarem , quod suscepseram probandum?  
Profecto ad probandum ex Chrysoftomo theim  
meam , alium textum produxi , in quo verbis  
luce meridiana clarioribus importatur solutio ma-  
trimonialis vinculi , ut proinde mirum sit ,  
quod velit dissertator refutare argumentum ,  
quod non protuli , ubi interea silentio præterit  
illud , quod proposui. Fuit autem hujusmodi ar-  
gumentum meum , ut videre est dissertationis  
meæ pag. 19.*

*XLIII. " Quid miraris , inquit S. Chrys. hom.  
22. in epist. ad Rom. Si inter alienos homi-  
nes hoc non ubique fieri possit (ut nempe cum  
omnibus pacem habeamus ) quandoquidem  
etiam inter virum & mulierem necessitatem il-  
lam & vinculum pacis dissolvat , cum dicit : Si  
vero infidelis abscedit , abscedat ? Agit ibidem  
Chrysoftomus de tristi illa necessitate , quam  
sæpe mortales experiuntur , & qua sit , ut cum  
omnibus pacem habere nequeant , & quæ non  
inter alienos dumtaxat , sed etiam inter virum  
& mulierem interdum reperitur , afferitque ,  
quod dum dicit Apostolus : Si vero infidelis  
abscedit , abscedat , non tantum necessitatem  
illam tollat , quam pateretur pars fidelis ,  
dum cum infidieli , qui eam v. g. ad pecca-  
tum pertraheret , vivere non posset in pace ,*

„ quod utique fieri potuisset per solam habitationis separationem , sed etiam *vinculum pacis dissolvat*. Quodnam est vinculum , quod vi-  
rum & mulierem ligat , nisi vinculum matri-  
moniale , quod eodem jure vocatur *vinculum pacis* , quo contractus matrimonialis dicitur  
*contractus amoris* ? Hoc tamen vinculum , tes-  
te Chrysostomo , dissolvit Apostolus , seu au-  
thoritate divina solutum , aut , si mavis , so-  
lubile pronuntiat , dum dicit : *Si infidelis ab- scedit , abscedat* , ergo &c. „ Hoc , inquam ,  
fuit argumentum meum , ad quod ne verbum  
quidem dissertator reposuit . Si durius erat , quam  
ut illud posset rodere , poterat simpliciter illud  
præterire , sed non debebat aliud ipsi substi-  
tuere.

XLIV. Pergit dissertator & querit pag. 9. (58.)  
“ An ergo in arbitrio partis fidelis est disrumpere  
„ matrimonii vinculum , vel in eo , si malit ,  
„ permanere ? ... & quomodo tunc verum esset  
„ hoc CHRISTI DOMINI dictum : *Quod Deus conjunxit , homo non separet* ?

R. Sicut junctus matrimonio rato non consummato , potest religionem ingredi & non in-  
gredi , nec tamen in ejus potestate est matrimoniī vinculum disrumpere , sed tantum illud ponere , quo posito , vinculum illud disrumpitur , ita potest fidelis , in casu Apostoli , ma-  
trimonium inire & non inire , licet non ideo in  
eius potestate sit matrimonium ante contractum  
dissolvere , quia in isto casu , quod Deus con-  
junxit , homo non separat , sed ipsem Deus ,  
qui , quod conjunxit , ubi vult , quando vult ,  
& quomodo vult solvit.

XLV. Sed , inquit dissertator pag. 10. (59.) *Idem*  
*præcise respondent hæretici* , dum queritur , utrum  
matrimonii

matrimonii vinculum per adulterium dissolvatur...  
sed sicut hæretici merito rejiciuntur, ita adver-  
farius merito rejicitur, quia supponit, de quo quæ-  
ritur.

R. Nemo nescit, quod unum & idem respon-  
sum tam possit malæ causæ applicari, quam bo-  
næ. Dicunt pañsim SS. patres, & cum ipsis con-  
cionatores, quod *optima pœnitentia sit nova vi-  
ta*: idem etiam dicunt hæretici: sed hi, ut  
inculcent, quod vera pœnitentia cessationem dum-  
taxat a peccatis importet, contra quos declara-  
vit Trid. fess. 14. cap. 4., *contritionem non solum  
cessationem a peccato, & vitæ novæ propositum  
& inchoationem, sed veteris etiam odium contine-  
re*. Illi autem, seu SS. patres & concionatores,  
ut ostendant quale sit certius & minus equivoco-  
cum vera pœnitentiæ indicium, juxta id, quod  
scriptum est: *A fructibus eorum cognoscetis eos.*  
Quis modo SS. patres & concionatores, populum  
docentes, quod *optima pœnitentia sit nova vita*,  
carpere audebit sub frivolo hoc prætextu, quod  
idem doceant hæretici? Ergo similiter.

XLVI. Sciat itaque dissertator, quod juxta  
Augustinum verba eadem optime proferantur ab  
uno, pessime autem ab alio, quod sint hæretica  
in ore unius, & catholica in ore alterius, quia  
ab hoc, non ab alio, *intensione catholici pectoris  
dicta sunt*, ut loquitur Aug. At plura hac super-  
re non dicam, sed potius, qua in me dissertator  
indulgentia usus est pag. 17., (66.) eadem in ipsum  
utar: *Cum hoc ejus delictum non ex animo, sed  
extra veniat, noxia non committitur.* Lib. 1. c.  
fi adv. delic. Est enim vir ille versatus magis in  
pandectis, quam in SS. patrum libris. Sed re-  
deamus ad propositum.

XLVII. Multum hallucinatur dissertator, dum  
me afferit supponere, quod queritur. Nihil sup-

pono, quod debeat probari, sed ad argumenta dumtaxat proposita respondeo, ostendens illa, quae adversarii tamquam insolubilia proponunt, talia esse, ut nequidem mereantur proponi, cum nihil contineant, quod in nostra sententia exacte non verificetur.

Unum ex illis est, quod juxta Trid. sess. 24. sit perpetuus indissolubilisque matrimonii nexus. At hoc cum ipsis in sensu Tridentini admittimus. Quid ergo inde probant? An quod in casu Apostoli non solvatur vinculum matrimonii? Inde ergo etiam probent, quod non tantum non solvatur, sed quod ne per Deum quidem possit dissolvi, quia non magis potest Deus solvere, quod est insolubile, quam facere possit, quod est impossibile. Velint, ergo, nolint adversarii, debent fateri ex illo Tridentini loco dumtaxat sequi, quod nulla potestate humana solvi possit matrimonii nexus. Sed, hoc posito, argumentum illud adversus me non potest amplius urgeri, cum, in casu Apostoli, non dicam matrimonium dirimi auctoritate humana, sed divina. Estne hoc supponere, quod queritur, & meumne est, ad argumentum illud respondendo, probare, quod in casu, de quo agitur, matrimonium auctoritate divina solvatur? Neutquam: actori incumbit probatio, sed non mihi, qui, ita respondendo, ecclesiae sensum simpliciter defendo.

XLVIII. Si adversus respcionem tam claram, quam succinctam, aliquid tentare velint adversarii, ostendere debent, quod in isto casu ne auctoritate quidem divina dissolvatur, & tunc juxta regulas argumentandi procedent: at, ut hoc praestent, matrimonii indissolubilitatem amplius allegare nequeunt, ut per se patet, & consequenter per se ruit illud argumentum, per quod

ipſi omnia putabant ruitura. Sane postquam de matrimonio generaliter dixisset Trid., quod perpetuus foret indissolubilisque ejus nexus, definire tamen non dubitavit, per professionem religiosam & solemnem matrimonii rati vinculum dissolvi, quod utique auctoritate divina fieri ex traditione noverat, nec ulla tenus repugnare iis, quæ antea de matrimonii indissolubilitate docuerat. Ergo quidquid adfertur pro indissolubilitate matrimonii, perpetuoque ejus nexus, necessario sic debet intelligi, ut nulla auctoritate humana possit dissolvi, quod, sic intellectum, nostræ sententia non officit.

XLIX. Aliud argumentum est, quod hæc Christi verba : *Quod Deus coniunxit, homo non separat*, non minus infidelium, quam Christianorum matrimonia respiciant, *ex quibus, inquiunt, inferimus, etiam matrimonia infidelium, per conversionem unius, non dissolvi quoad vinculum, etiam si infidelis discedat.*

Sed quænam est hæc sequela : " Hæc verba Christi : *Quod Deus coniunxit, homo non separat*, omnia generaliter matrimonia respiciunt ; ergo in casu Apostoli, quoad vinculum non dissolvitur matrimonium ? Inferant, prout eos monui dissertationis meæ pag. 30., inferant, inquam, si legitime velint aliquid inferre " Ergo in casu Apostoli per hominem matrimonium non solvitur : „ cum aliud non contineat antecedens, & ex eo nihil possit inferri, quam quod in eo continetur. Sed quid inde tunc habebunt, cum non dicam in isto casu per hominem, sed per Deum solvi matrimonium ? Estne hoc iterum supponere, quod queritur, & non potius demonstrare, quod illud dissertatoris ratiocinium ne questionis quidem nodum attingat, quandoquidem tam in nostra, quam in ip-

sius sententia verum sit, hominem non separare,  
*quod Deus coniunxit?* Sed dissertatoris intererat  
 talia dicere, ut hoc artificio lector non adver-  
 teret ejus argumenta ad nihilum esse redacta.

L. Quamvis, ut supra dixi, textum Chry-  
 softomi a dissertatore citatum non adhibuerim,  
 ut ex illo probarem in casu Apostoli matrimo-  
 nium dissolvi, abs re tamen non fuerit exami-  
 nare, an locus ille nihil aliud importet, quam  
 separationem ab habitatione & toro, prout ipse  
 prætendit. Itaque verba Chrysoftomi iterum pro-  
 ducamus. ” Quid sibi vult, inquit, *si infidelis*  
 „ *discedit, discedat* aut separetur? Verbi gra-  
 „ tia, si te jubeat sacrificare aut sociam impie-  
 „ tatis esse propter connubium, vel discedere,  
 „ melius est disrumpi connubium, quam piam  
 „ religionem. Quapropter subdit: *Non enim*  
 „ *servituti subiectus est frater aut soror in hu-*  
 „ *ju/modi rebus...* melius est separari... ille enim  
 „ causam præbuit, ut is, qui fornicatus est. ”

LI. Liceat modo mihi subsumere: Atqui cau-  
 sa fornicationis, juxta Chrysoftomum, disrumpit  
 puri connubium, non tantum quoad habitatio-  
 nem & torum, sed etiam quoad vinculum; er-  
 go eodem modo disrumpitur, dum partem con-  
 versam jubet infidelis esse sociam impietatis,  
 cum inter utrumque, id est fornicantem inter  
 & dictum infidelem, ponat Chrystomus parita-  
 tem. Subsumptum hoc si legitime probavero,  
 quantum ad mentem Chrysoftomi, rem confec-  
 tam puto. Itaque.

Probatur. S. Chrysoftomus hom. 19. in cap.  
 7. ad Cor. ostendens disparitatem magnam,  
 quæ habetur inter infidelem cohabitare volen-  
 tem, & fornicatorem vel fornicariam, dicit:  
*Vir quidem post fornicationem non est vir.* Quo-

modo non est vir, si, juxta ipsum, fornicatio  
non disrumpat connubii vinculum?

LII. Si dicas, quod etia Osee 2º. dicatur: *Ju-*  
*dicate matrem vestram, judge, quoniam ipsa*  
*non uxor mea, & ego non vir ejus, licet reipsa*  
*mulieri, de qua ibi agitur, matrimonio junx-*  
*tus esset Osee.*

R. Inter utrumque casum patulam esse dispa-  
ritatem, quæ peti debet ex circumstantia perso-  
næ loquentis. Sic potest v. g. Petrus habens  
Annam uxorem dissolutam ei dicere: *Recede a*  
*me, non es uxor mea.* Similiter filio suo Joanni,  
a paterna pietate degeneri, dicere potest: *Non*  
*es filius meus.* Et tamen extraneus aliquis, lo-  
quens aut scribens de ipsis, dicere non posset  
aut scribere: *Anna non est uxor Petri, Joannes*  
*non est filius ejus.* Quare hoc? Quia extraneus  
hæc dicens aut scribens, significat quid a parte  
rei non sit; cumque Anna a parte rei sit uxor  
Petri, & Joannes filius ejus, falsa esset ejus  
propositio, si diceret aut scriberet: *Anna non*  
*est uxor Petri, nec Joannes filius ejus.* At Pe-  
trus in casu non significat per similia verba,  
nec vult significare, quod a parte rei non sit  
maritus Annæ, nec Pater Joannis, sed tantum  
quomodo in Annam uxorem aut filium sit affec-  
tus, ut proinde hæc verba in ore ejus: *Recede a*  
*me, non es uxor mea, hunc necessario, & non*  
*alium sensum habeant: Non agnosco te ut uxo-*  
*rem meam &c. atque te tali mecum foedare*  
*reddis indignam.* Et idem est respectu filii, cui  
diceret pater: *Non es filius meus.* Hinc mani-  
feste patet, cur potuerit Osee de Gomer dice-  
re: *Non es uxor mea, licet a parte rei uxor*  
*ejus esset, & tamen non potuerit Chrysostomus*  
*dicere, quod vir post fornicationem non fit*

166 PROSECUTIO DISSERTATIONIS  
*vir*, si ejus non fuerit sententiæ, quod fornicatio solveret matrimonii vinculum.

LIII. At, ut nullum de mente ejus superficie dubium, attendantur, quæ ibidem præcedunt.  
" Sed quanam, inquit, ratione in infideli im-  
,, munditia vincitur, & quare infidelis confue-  
,, tudinem suadet, in fornicaria autem muliere  
,, non accusatur vir, si eam dimittit? ", Res-  
pondet Chrysostomus: " Quoniam illic quidem  
,, spes relinquitur, ut pars perdita per nuptias  
,, salvetur. Hic autem NUPTIÆ JAM DISSO-  
,, LUTÆ sunt. ", Nimirum per fornicationem.  
Hic vides Chrysostomum rationem reddere, cur  
non accusetur vir, qui fornicariam a se dimittit,  
quia nimirum per fornicationem *nuptiæ jam*  
*dissolutæ sunt*; in casu autem infidelis, fideli  
cohabitare volentis, non sunt dissolutæ. Quid  
clarius? Atqui fornicantem inter & infidelem,  
qui partem conversam suæ impietatis vult esse  
sociam, ponit Chrysostomus paritatem, ut ex  
verbis ejus patet, ergo, juxta ipsum, sicut in  
casu fornicationis connubium disruptum quoad  
vinculum, ita in casu infidelis, qui parti con-  
versæ non vult cohabitare, aut saltem non  
vult pacifice, sed eam impellit ad peccatum  
mortale.

Tanto autem doctori non debet vitio verti,  
quod in eam cum pluribus aliis Græcis iverit  
sententiam, quandoquidem de illa quæstione di-  
cat Augustinus lib. de fide & oper cap. 19.  
" Et in ipsis divinis sententiis ita obscurum est,  
,, utrum & iste, cui quidem sine dubio adul-  
,, teram licet dimittere, adulter tamen habeat-  
,, tur, si alteram duxerit, ut, quantum existi-  
,, mo, venialiter ibi quisque fallatur. ",

LIV. Hinc patet responsio ad ea, quæ petit  
dissertator pag. 10. (58.) & seq., nempe, cur to-

*melius est disrumpi connubium, melius est separari,* applicare non potuisse Chrysostomus iis fideli- bus, qui post conversionem matrimonium inie- rant cum infidelibus &c. Quia, præterquam quod de illis non agat Apostolus, prout fatetur Chry- sostomus, nec a casu, de quo agit, liceat ar- gumentari ad casum, de quo non agit, ideo de illis dicere non potuisse: *Melius est disrum- pi connubium &c.*: quia per disruptionem connu- bii intelligebat solutionem vinculi, quemadmo- dum & in casu fornicationis, seu adulterii, quæ vinculi solutio in illis locum non habet, qui post suscepimus baptismum cum infidelibus inierunt matrimonium, sed in iis dumtaxat, qui in infidelitate nuptias contraxerunt, & quo- rum unus postea fidem amplectitur, altero dis- cedente. Sed a Chrysostomo ad Ambrosium per- gamus.

LV. Contendit dissertator pag. 13. (61.) non mihi, sed sibi S. Ambrosium favere. Proinde S. Ambrosii verba referamus, ut de veritate eo- rum, quæ dissertator asserit, prudens lector jü- dicet. Lib. 8. in Lucam scribens in hæc verba: *Omnis, qui dimittit uxorem suam, & ducit al- teram, mœchatur*, dicit Ambrosius: "Prius di- "cendum arbitror de lege conjugii, ut postea "de prohibendo divorcio diputemus. Quidam "enim putant omne conjugium a Deo esse, "maxime quia scriptum est: *Quæ Deus con- junxit, homo non separet*. Ergo, si omne con- jugium a Deo est, omne conjugium non li- "cet solvere; & quomodo Apostolus dixit: "Quod si infidelis discedit, discedat? ", Quod autem hic non agatur de solutione quadam im- proprie dicta, seu, quæ consistit in separatione habitationis & tori, sed de ipsa solutione ma-

LVI. " Cum ostendere ibidem velit Ambro-  
sius dari aliquod matrimonium, quod non est  
a Deo, quia matrimonium aliquod solvere  
licet, nempe, dum, in casu Apostoli, dis-  
cedit infidelis a fidei, si de illa dumtaxat  
ageret solutione, quæ consistit in separatione  
habitationis & tori, jam non tantum proba-  
baret, quod matrimonium aliquod non sit a  
Deo, sed contra suum intentum probaret,  
quod nullum matrimonium a Deo sit, quia  
nullum est matrimonium, quod certis de cau-  
sis solvi non possit quoad habitationem &  
torum. " Quid ad hoc ratiocinium responderi  
possit, non video, nec vidit dissertator, cum  
ad illud non responderit; ut proinde mirum sit,  
quod Ambrosium sibi favere prætendat, & ad  
argumenta mea, ex ipso deprompta, nequidem  
respondeat.

LVII. At, inquit ibidem, seu pag. 13. (62.) lu-  
ce meridiana clarius est, *Ambrosium dicto loco verba* *Apostoli citare per modum objectionis.*

R. Si, quemadmodum tempore S. Ambrosii,  
quidam putabant omne conjugium esse a Deo,  
quia scriptum est: *Quod Deus conjunxit, homo*  
*non separat*, ita nunc quidam putarent omne  
juramentum esse prohibitum, quia scriptum est:  
*Nolite jurare omnino*, & eos refutans, Ambro-  
siumque imitans, responderem: " Ergo, si om-  
ne juramentum fit prohibitum, nullum licet  
juramentum præstare, & quomodo dicit Je-  
remias cap. 4. *Jurabis: vivit Dominus, in*  
*veritate & in judicio & in iustitia?*" Si, in-  
quam, sic responderem, etiam verba Jeremiæ,  
sicut Ambrosius verba Apostoli, per modum  
objectionis citarem. Atqui tamen inde nemo

posset inferre, quod non existimaverim Jерemiam verbis istis docere, licitum esse juramentum; ergo propter istam rationem, seu quia verba Apostoli per modum objectionis citat Ambrosius, afferere non potest dissertator, prout afferit ibidem, ipsum non existimasse Apostolum in verbis: Si infidelis discedit, discedat... de vinculi solutione egisse.

LVIII. Profecto ratione simili posset quispiam dicere, quod nec de solutione vinculi aut habitationis ibidem egerit Ambrosius, quia, inquiet, verba Apostoli per modum objectionis citat, quod est ridiculum. Sunt ergo hæc & similia objectiones quidem, sed quæ ex circumstantiis indicant mentem objicientis, seu, quæ indicant, quod, propter hunc aut istum textum, hoc vel illud judicet, ideoque oppositum sentient illum objiciat, ut ipsum convincat. Porro Ambrosium existimasse Apostolum in verbis istis: *Si infidelis discedit, discedat*, de solutione vinculi egisse, probavi ratiocinio supra memorato: sed hoc ratiocinium vocat dissertator pag. 14. (63.) *Sinistram verborum Apostoli*, quam Ambrosio tribui, interpretationem. At, si sit interpretatio illa tam sinistra, cur ergo *dextere* ad ratiocinium meum non respondit, sed simpliciter obmutuit?

LIX. Adjicit dissertator ibidem, seu pag. 13. (62.) quod sibi objiciat Ambrosius: *Quomodo ergo Moyses mandavit dari librum repudii, & dimittet uxorem*, & in hunc modum respondeat: Qui hoc dicit, Judæus est; qui hoc dicit, Christianus non est... Moyses permisit, inquit, Dominus, non Deus iussit: ab initio autem Dei lex est: *Relinquet homo patrem & matrem, & adhæredit uxori suæ, & erunt ambo in carne una*. Ergo, qui dimisit uxorem, carnem suam scindit, & dividit corpus., In

quæ verba ita commentatur dissertator pag. 14.  
 (63.) "Quibus verbis, inquit, ostendit (Ambro-  
 „sius) per librum repudii apud Judæos vincu-  
 „lum matrimonii non fuisse solutum, adeo-  
 „que, quæ Moyſes fieri mandaverat, seu per-  
 „miserat, non obstare aſſerto ejus de omnimo-  
 „da insolubilitate matrimonii, ubi illud ſemel  
 „legitime contractum eſt. ,"

LX. R. Utrum libello repudii solutum fuerit  
 apud Judæos matrimonium, an non, non eſt  
 undeſquaque certum, aliis hoc, aliis illud affir-  
 mantibus. Probabilius arbitror illud fuisse solu-  
 tum, aſſeritque Tertullianus lib. de monoga-  
 mia cap. 9., quod libellus iſte non minus matri-  
 monium dirimeret, quam ipſa mors: *Tam re-  
 pudio, inquit, matrimonium dirimente, quam  
 morte, non tenebitur ei, cui, per quod tenebatur,  
 abruptum eſt.* At queſtio hæc ad præſentem ca-  
 ſum eſt prorsus impertinens.

LXI. Interim tantum abeft, ut oſtendat  
 Ambroſius, quod iſum oſtendere aſſerit differ-  
 tator, nempe per librum repudii apud Judæos  
*vinculum matrimonii non fuisse solutum*, ut iſto  
 in loco rei illius nequidem meminerit. Docet  
 ibidem Christianis non eſſe licitum dimittere  
 uxores, etiamſi diſſiciles ſint earum mores, ut  
 patet ex præcedentibus: *Noli, inquit, uxorem  
 dimittere, ne Deum tuæ copulæ diſſitearis autho-  
 rem;* etenim ſi alienos, multo magis uxoris debes  
 tolerare & emendare mores. Et, quibusdam i-  
 terjectis, ſubdit: „Sed fortaffe dicit aliqui  
 „*Quomodo Moyſes mandavit dare libellum repu-  
 „dii, & dimittere uxorem?* „Et ad hanc ob-  
 jectionem respondet, prout ſupra dixit differ-  
 tator, nempe, quod, qui hoc dicit, *Judæus fit,  
 non Christianus &c.* Per hoc oſtendens, quod,  
 licet hoc olim Judæis permiferit Moyſes, non

ideo idem permittatur Christianis, matrimonio per Christum ad primævam institutionem revocato; & consequenter, quod, qui ita argumentatur, ut probet se posse dimittere uxorem, quemadmodum ex mandato vel permissione Moyfis olim faciebant Judæi, Judæum se potius ostendat, quam Christianum. Utrum autem, dimisilis uxoribus, apud Judæos per libellum repudii solveretur vinculum matrimonii, an non, ibidem non docet Ambrosius, prout patet legenti; ac proinde immerito dicit dissertator ipsum verbis citatis ostendere, *per librum repudii apud Judæos vinculum matrimonii non fuisse solutum.* Sed aliud querere jam lubet.

LXII. Ubinam, quando & quibus verbis *generaliter & sine ulla exceptione* docuit Ambrosius conjugium semel legitime contractum non dissolvi, seu ubinam afferuit *omnimodam* insolubilitatem matrimonii, ubi illud semel legitime contractum est, prout dicit dissertator pag. 14. (63.)? Sane matrimonium inter fideles ratum non consummatum, est matrimonium legitime contractum: ergo, si subsistat, quod dissertator afferit, docuit Ambrosius matrimonium ratum non consummatum nullo casu posse dissolvi, cum, juxta ipsum, *generaliter & sine ulla exceptione*, docuerit matrimonium semel legitime contractum, numquam posse dirimi. Quis talem fæciam admettet?

LXIII. Pergit dissertator, & *ut sinistram meam verborum Apostoli interpretationem quisque clare percipiat*, pag. 14. (63.) integrum describit Ambrosii locum, quem facile, inquit, vel non legi, vel de industria omisi. En verba: „ Ostendit autem „ hic locus ( scilicet Moyfis ) quæ propter hu „ manam fragilitatem scripta sunt, non a Deo „ scripta. Unde & *Apostolus: Denuntio*, inquit,

„non ego, sed Dominus, uxorem a viro non  
 „discedere. Et infra: Cæteris, inquit, ego dico,  
 „non Dominus: Si quis frater infidelem habeat  
 „uxorem &c. Itaque, ubi est impar conjugium,  
 „lex Dei non est. Et addidit: Quod si infide-  
 „lis discedit, discedat. Simul idem Apostolus  
 „negavit legis esse divinæ, ut conjugium qua-  
 „lecumque solvatur, nec ipse præcepit, nec de-  
 „dit deferenti autoritatem, sed culpam abstu-  
 „lit destituto. „

Re. Si locum hunc, quem revera legeram, de  
 industria omiserim, potiori jure & majori indus-  
 tria deberet dissertator illum omisisse, quando-  
 quidem novum in favorem nostræ sententiaæ  
 præbeat argumentum.

LXIV. Notandum itaque, quod tres ex Apos-  
 tolo I. ad Cor. 7. textus ibidem citet Ambrosius,  
 & ad quemlibet in verbis citatis respective al-  
 ludat, dum dicit: Simul idem Apostolus negavit  
 legis divinæ esse &c. Citat primo versum 10. *Iis*  
*autem, qui matrimonio juncti sunt, præcipio,*  
*non ego, sed Dominus, uxorem a viro non*  
*discedere, quod si discesserit, manere innuptam.* Agit hic textus de fidelibus inter se  
 junctis; prout docet Aug. lib. 1. de ferm. Dom.  
 in monte cap. 16. num. 44. „Quid sibi ergo  
 „vult, quod ait, cæteris: nisi quia superius eis  
 „loquebatur, qui sic copulati erant, ut pariter  
 „in fide Christi essent; cæteris vero nunc dicit,  
 „id est eis, qui sic copulati sunt, ut non ambo  
 „fideles sint. „Et ad hunc textum alludens  
 Ambrosius dicit: *Apostolus negavit legis esse di-*  
*vinæ, ut conjugium qualecumque solvatur.* Quod  
 utique in nostra sententia verum est. Legis enim  
 divinæ non est, ut initum inter fideles, seu  
 Christianos *conjugium qualecumque solvatur*, id  
 est, sive sit consummatum, sive non, quia in

omni prouersus casu , si fidelis mulier a viro fidelis  
discesserit , manere debet innupta.

LXV. Si vero interpretationem Augustini re-  
jiciens , contendas isto in loco , Apostolum non  
agere tantum de fidelibus inter se junctis , sed de  
quibuscumque , etiam in ista interpretatione , jux-  
ta nos verum est , quod *legis divinae non sit* , ut  
*matrimonium qualcumque solvatur* , quia dum non  
infidelis discedit a fideli , sed mulier fidelis ab  
infideli , in isto casu alligata manet legi , & ma-  
nere debet innupta , si ab eo discesserit , neque  
ibi est casus Apostoli , qui utique non agit de  
fideli deserente infidelem , sed de infideli dese-  
rente fidelem , dum dicit : „ *non enim servitutē*  
„ *subiectus est frater aut soror in hujusmodi*.  
„ *Quidlibet ergo intelligas per to iis autem , qui*  
„ *matrimonio juncti sunt , præcipio , non ego*,  
„ *sed Dominus* „ &c. Id est , siue intelligas fi-  
deles tantum , siue quoscumque alios , verum est ,  
quod mulier non deserta , sed deserens , seu ab  
infideli discedens , manere debeat innupta , quia  
*generaliter & sine ulla exceptione præcepit Domi-*  
*nus uxorem a viro non discedere , & , si discesserit ,*  
*manere innuptam..*

LXVI. Secundo , citat Ambrosius versum 12.  
*Cæteris ego dico , non Dominus : si quis frater*  
*infidelem habeat uxorem &c.* Et de illis cæteris  
loquens dicit , quod nec ipse Apostolus præce-  
pit , ut fidelis deserat infidelem cohabitare vo-  
lentem , nec dederit deserendi autoritatem , quod  
utique verum est , cum dixerit Apostolus : *si*  
*quis frater uxorem habet infidelem , & hæc con-*  
*sentit habitare cum illo , non dimittat illam.* Qui-  
bus in verbis nec præceptum intelligitur , nee  
data authoritas dimittendi , sed potius consilium ,  
aut , si mavis , præceptum non dimittendi : sed  
hoc iterum nostræ sententiae ne per umbram

174 PROSECUTIO DISSERTATIONIS  
quidem adversatur. Videamus modo utrum, quæ  
sequuntur, illi non suffragentur.

LXVII. Citat Ambrosius versum 15. *Quod si infidelis discedit, discedat; non enim servituti subjectus est frater aut soror in hujusmodi.* Et in isto casu dicit Apostolum *abstulisse culpam destituto.* Quænam est culpa contra legem Dei, de non solvendo matrimonio, & de qua hic agit Ambrosius, ad quam *destituto auferendam apostolica* debuerit authoritas intervenire? Nullam invenies, nisi eam, quam pars fidelis, ab infidei destituta, commisisset, aliud ineundo matrimonium, si Apostolus autoritate Dei non declarasset eam, in isto casu, servituti non esse subjectam, & qua declaratione *culpam abstulit destinato*, casu quo hic matrimonium ineat.

LXVIII. Si regeras, quod Apostolus *culpam abstulerit destinato*, quia declaravit, quod pars conversa ab infidei destituta, non debeat eam sequi, nec illi cohabitare &c., sive, quod sit absque culpa, si eam non sequatur, aut ei non cohabitet &c.: contra est, quod, si fidelis quispiam cum infidei matrimonium iniisset, sicut cum Patritio illud iniit S. Monica, & postea, mutato animo, in odium fidei discederet infidelis a fidei, quod, inquam, talis fidelis discedentem infidelem etiam sequi non teneretur, nec ei cohabitare &c.: atqui tamen casum istum fermo Apostoli non complectitur, nec ad eum se extendit, quandoquidem, juxta Tertullianum, Chrysostomum, Hieronymum, Augustinum, Theophylactum & Theodoretum, non agat Apostolus de illis fidelibus, qui matrimonium inierunt cum infidelibus, sed de iis, qui jam matrimonio juncti, fidem amplexi sunt; ergo, dum dicit Ambrosius, Apostolum *culpam abstulisse destinato*, agit de culpa, quam commis-

sisset destitutus , aliud ineundo matrimonium , si ipsum Apostolus non declarasset servituti non esse subiectum ; alias enim , quid causæ esset , cur ad alios fideles , de quibus jam memini , ejus sermo se non extenderet , si tantum declararet , quod pars conversa ab infideli destituta , non debeat eum sequi &c. , cum & illi certissime non teneantur infidelem discedentem sequi , aut illi cohabitare ? Signum proinde indubitatum est , quod plus exigant verba Apostoli .

LXIX. Ex dictis patet illum Ambrofii locum , quem , juxta dissertatorem , vel non legeram , vel de industria omiseram , sententia nostræ favere potius , quam obesse . In hoc ergo hallucinatus est dissertator , vel quiscumque alius , qui hoc ipsi argumentum , tamquam aliquid novi forte suggerit , sed quod respectu mei novum non erat ( nam textum eumdem de verbo ad verbum egomet publicis in disputationibus , exercitii gratia , diu ante proposui , quam dissertationem suam ederet vir clarissimus ) in hoc , inquam , est hallucinatus , quod hæc Ambrofii verba : „ Simil idem Apostolus negavit legis esse di- „ vinæ , ut conjugium qualecumque solvatur , „ nec ipse præcepit , nec dedit deferenti autho- „ ritatem , sed culpam abstulit destituto „ existi- maverit easdem personas respicere , cum tamen respiciant omnino diversas , conformiter ad tex- tus , quos citat , prout ante dixi . Prima , seu : *Apostolus negavit legis esse divinæ , ut con- jugium qualecumque solvatur , afficiunt fi- deles inter se junctos , quorum , si unus ab alio discesserit , semper manere debet innuptus , qua- lecumque sit eorum matrimonium , sive consum- matum , sive non .*

LXX. Verba sequentia , seu : *nec ipse præcep- pit , nec dedit deferenti autoritatem , illam partem*

conversam concernunt, cui cohabitare consentit infidelis, & de qua dixit Apostolus: *Si quis frater uxorem habet infidelem, & hæc consentit habitare cum illo, non dimittat illam.*

Per postrema verba ostendit, juxta Apostolum, non esse eamdem causam partis conversæ, cui cohabitare consentit infidelis, & ejus, a qua infidelis discedit, sed omnino diversam, & ideo addit: *sed culpam abstulit substituto*, ut proinde, quamvis culpa sit in parte conversa, si aliud matrimonium ineat, dum infidelis ipsi cohabitare non renuit, culpa tamen non sit, si aliud contrahat, dum ab ea infidelis discedit, utpote quam, in isto casu, aufert Apostolus, dicens, *Servituti non esse subiectum fratrem aut sororem in hujusmodi.*

Manet proinde non tantum non infirmatum, sed potius hoc Ambrosii textu confirmatum, quod ex ipso in dissertatione mea produxi, ut probarem illum omnino censuisse in casu Apostoli licitum esse parti conversæ ad secunda vota transfire.

LXXI. Ibidem etiam pag. 17. ostendi non age-re Ambrosum de matrimonio Christianorum cum infidelibus, prout pretendebat quidam Gallus, sed de matrimonio infidelium inter se, & quorum unus convertebatur, altero in infidelitate remanente, & a parte conversa discedente, quandoquidem referat se sanctus doctor ad locum Apostoli: *Quod si infidelis discedit, discedat &c.* & quem constat ibidem de hujusmodi matrimonio agere. Deinde, ut ibidem dixi, „ si de matrimonio Christianum inter & infidelem con tracto locutus fuisset Ambrosius, & illud censuisset esse nullum ( quemadmodum tunc temporis nullum fuisse afferebat Gallus iste ) quomodo potuisset dicere, quod matrimonium illud, in casu Apostoli, liceat solvere? An for-

re solvitur matrimonium, quod non existit;  
,, an non prærequisitur valor, seu existentia ma-  
,, trimonii, ut possit dissolvi? Profecto perinde  
,, fuisset, ac si dixisset Ambrosius, quod, in ali-  
,, quo casu, liceat mulieri a viro non suo rece-  
,, dere; qui discursus non tantum fuisset tanto  
,, viro indignus, sed omnino ridiculus, quando-  
,, quidem non in aliquo tantum, sed in omni  
,, prorsus casu, debeat mulier ab illo recedere,  
,, cui invalide conjuncta est, seu ab eo, qui vir-  
,, ejus non est.,,

LXXII. Respondet dissertator pag. 18. (67.)  
,, Quod discursus ille Ambrosii non fuisset tanto vi-  
,, ro indignus, neque etiam ridiculus, quod & ego  
,, sensissem, inquit, si ad illud, quod notissi-  
,, mum est, quodque scholares... non ignorant,  
,, advertissem, quod conjugium recte solvi di-  
,, catur, dum declaratur illud nulliter, seu cum  
,, impedimento dirimente contractum fuisse: sic  
,, frequenter satis contingit, ut rescindi dicatur,  
,, quod nullum erat: eodemque sensu matrimo-  
,, nia per sententiam judicis rescindi vel solvi  
,, dicuntur, quæ nulliter contracta esse declaran-  
,, tur. ”

LXXIII. At quomodo vir clarissimus tale  
responsum potuerit dare, vix concipio. Non enim  
ibidem agit Ambrosius de nullitatis matrimonii  
declaratione, sed de solutione matrimonii valide  
contracti, seu illius, de quo agebat Apostolus,  
cum dixit: *Quod si infidelis discedit, discedat*,  
& de cuius nullitatis declaratione nemo potest  
dicere Apostolum ibidem egisse, nisi se velit ri-  
sui exponere. Subinde ergo dicatur in variis casi-  
bus matrimonium solvi, dum illud declaratur esse  
nullum (quod tamen declarare non spectat ad  
ippos contrahentes, de quibus hic agit Ambro-  
sus, sed ad judices) non ideo recte dicetur, quod de-

M

simili solutione, seu nullitatis declaratione agat Ambrosius in explicatione textus Apostoli, quem de matrimonii valide contracti solutione (quocumque modo solutionem illam intelligas, id est, sive quoad vinculum, sive quoad habitationem) certum est egisse in his verbis: *Quod si infidelis discedit, discedat.*

LXXIV. Fallitur interim dissertator, dum ait: „Quod conjugium *reæ* solvi dicatur, dum declaratur illud nulliter, seu cum impedimento dirimente contractum fuisse.„ Aliter sane loquitur Justinianus Nov. 22. de nuptiis, ubi cap. 10. de hac expressione loquens dicit: „Si vero ab initio putaverit aliquis liberae jungi personæ, illa vero famula postea declaratur existens, non dieimus SOLVI MATRIMONIUM, sed ab ipso initio neque matrimonium fieri.„ Ex quo sequitur, quod, si subinde solvi apud nonnullos dicatur, quod nullum declaratur, hoc non *reæ*, sed impropre dicatur.

LXXV. Proinde verum manet, quod, agendo de matrimonio invalido fidelis cum infideli, indignum fuisse Ambrofio ratiocinium, & prorsus ridiculum dicere, quod liceat fideli in aliquo casu matrimonium solvere, nempe dum discedit infidelis, quia in omni casu tenetur pars, sive fidelis, sive infidelis, ab illo recedere, cui valide conjuncta non est: ergo nullatenus potest intelligi Ambrosius de matrimonio invalido, quod cum infideli contraxisset fidelis, nisi velis eum dixisse, *quod detur casus aliquis, in quo licet mulieri recedere a viro non suo.* Quod ratiocinium non videtur potuisse in tanti viri mentem cadere. His adde, quod Ambrofii tempore, invalida non essent matrimonia Christianorum cum infidelibus; ergo &c.

LXXVI. At, inquit dissertator pag. 16. (65.)

strita erant ejusmodi matrimonia per legem Valentianii, Theodosii & Arcadii latam Thessalonicæ prid. id. Martii 388., in qua statuitur: „ Ne quis Christianam mulierem in matrimonium Judæus accipiat, neque Judææ Christianæ conjugium sortiatur, nam si quis aliquid hujusmodi admiserit, adulterii vicem commissi hujusmodi crimen obtinebit: libertate in accusandum publicis quoque vocibus relaxata. „

Verum assertioni meæ non adversatur lex ista, quia etiam in supposito, quod per eam discriminantur conjugia Christianorum cum Judæis, quod examinare non est hujus loci, manet verum, quod dixi, nempe tempore S. Ambrosii invalida non fuisse matrimonia cum infidelibus, scilicet generaliter, prout sonat mea propositio.

LXXVII. Hoc sensit dissertator, & ideo addidit, quod „ teste Gothofredo ad L. 11. Cod. Theod. de nuptiis, eadem ea tempestate pagorum ratio fuerit &c., Sed hoc dici non potest: constat enim, quod nulla lex positiva, hoc vel illud præcipiens aut prohibens, umquam se extendat ultra casum a lege expressum, etiamsi supponatur eademi, imo major ratio, unum potius præcipiendi, aut prohibendi, quam aliud; unde communiter & recte dicitur, quod in positivis non valeat argumentum a pari.

LXXVIII. Sed, ut de hoc dissertatorem pleniū convincam, suppone hanc legem ferri: „ ne quis catholicam mulierem in matrimonium Socinianus accipiat, neque Socinianæ catholicus conjugium sortiatur, nam si quis aliquid hujusmodi admiserit, adulterii vicem commissi hujusmodi crimen obtinebit &c., Quis inde, quæso, poterit inferre invalidum esse catholici cum Lutherana, vel catholicae cum Lutherano connubium? Nemo proorsus. Hujusc

rei ratio est, quia, si voluisset legislator omnia generaliter catholicorum cum hæreticis connubia irritare, unam hæreos speciem præ alia non nominasset; ergo similiter, si voluisset Theodosius omnia Christianorum cum infidelibus matrimonia reddere irrita, unam infidelitatis speciem præ alia non designasset, sed generaliter dixisset: *Ne quis Christianam mulierem in matrimonium infidelis accipiat &c.*

LXXIX. Ut autem nihil ex dissertatoris rationciniis omissamus, expendere juvat, quod dicit pag. 18. (67) & 19. (68) " Non bene concipi-  
 " mus, inquit, illud quorundam scholastico-  
 " rum assertum, quo volunt Apostolum hic  
 " promulgasse exceptionem a lege connubii in  
 " favorem fidei... propter quam concederetur fa-  
 " cultas parti conversæ alias nuptias ineundi.  
 " Hanc nec Gratianus, nec Innocentius III.,  
 " nec S. Thomas adducunt. "

R<sup>e</sup>. Quod non bene concipit dissertator, optimè concepit Benedictus XIV. lib. 6. de synodo cap. 4. CERTUM EST, inquit, " infidelium  
 " conjugium ex privilegio in fidei favorem, a  
 " Christo Domino concesso, & per Apostolum  
 " Paulum I. ad Cor. 7. promulgato, dissolvi,  
 " cum conjugum alter Christianam fidem am-  
 " plectitur, renuente altero, in sua infidelitate  
 " obdurato, cohabitare cum converso &c. ,  
 " Sed ad hoc argumentum, quod dissertationis  
 meæ pag. 27. proposui, non respondit disserta-  
 tor, & verosimiliter, quia etiam non bene con-  
 cepit, quid esset respondendum.

LXXX. De cætero, quid sibi vult, dum ait:  
 hanc exceptionem nec Gratianum, nec Innocen-  
 tium III., nec S. Thomam adducere? Nonne il-  
 li concorditer afferunt, in casu Apostoli, lici-  
 tum esse parti conversæ alias nuptias inire? Non-

ne hoc afferendo, consequenter afferunt, respectu partis conversæ a lege connubii in gratiam fidei exceptionem esse, cum sine ista exceptione ipsi procul dubio non esset licitum ad secunda vota tranfire, nec hoc ipsi possent afferere? Quod ergo dicit dissertator ab illis non adduci, adducitur omnino, si non *formaliter & explicite*, saltem *æquivalenter & implicite*, cum eorum assertio exceptionem illam a lege connubii, respectu partis conversæ, necessario significet. Vel ergo sustinere debet dissertator, quod aliquid implicite & æquivalenter dicere, non sit illud dicere, quod nemo admittit, vel fateri debet se non recte ratiocinari.

LXXXI. Prosequitur pag. 19. (68.) "An forte pro parte, quæ convertitur, ipsa fides sufficiens favor non est, ut superaddi debuerit facultas ad secundas nuptias convolandi.. quibus prius dissolverentur?"

R. In favorem fidei facultatem illam Christus concessit, non quod fides sufficiens favor non foret, sed ob hominum infirmitatem, quorum sicut multi ob emolumentum temporale fidem non amplectuntur, imo subinde eam deserunt, ita multi considerantes se baptizatos, a comparate sua esse deserendos, & ad continentiam redigendos, a suscipiendo baptismō s̄epius removerentur.

LXXXII. Si petas: Quare igitur idem non fecit respectu hæreticorum?

R. Quod, ubi agitur de Christi beneplacito, peti non possit quare, vel quomodo; sufficere debet voluntas ejus per continuam ecclesiæ praxim manifestata.

At, inquit, *debuiſſemus & dotem adjicere.*

R. Intempestive ridet dissertator. Quod in ecclæsia accepimus, hoc docemus, nihil adjicien-

tes vel minuentes. Nostrum non est loqui de dote, sed adversus novatores ecclesiae dogmata defendere. Præterea, definivit ecclesia, matrimonium ratum non consummatum per solemnem professionem dirimi, & hoc definiendo declaravit parti, in sæculo remanenti, liberum esse ad alias nuptias transire: an per derisionem auderet dicere, quod debuisset dotem adjicere?

LXXXIII. Pergit ibidem: "Qui hoc asserit,  
" simul admittat necesse est, Apostolum, per  
" privilegium, quod eum hic concessisse dicunt,  
" factis & non sinceris conversionibus ansam de-  
" disse, simulque voluisse, ut evangelium libi-  
" dini ac voluptati deserviret: quo enim pacto  
" credemus hominem illum erga religionem esse  
" bene affectum, qui erga legis naturalis obli-  
" gationem male affectus est, sicque saepe desti-  
" tueret senectutem illius, <sup>sq</sup> cuius defloraverat  
" juventutem? Aut quo animo religionem Chri-  
" stianam amplectetur, quam videt suæ volup-  
" tati & deliciis obsequentem?"

LXXXIV. R. Qui hoc asserunt, sunt summi pontifices, sunt episcopi, interpretes, theologi & canonistæ omnes, viri toto orbe & pietate & doctrina spectatissimi. Hi ergo omnes, juxta dissertatorem, admittant necesse est, Apostolum factis & non sinceris conversionibus ansam dedisse, simulque VOLUISSE, UT EVANGELIUM LIBIDINI AC VOLUPTATI DESERVIRET. Quis in ecclesia ejusmodi sermonem audivit umquam? Deinde Eccl. 8. v. 11. scriptum est: *Quia non profertur cito contra malos sententia, absque timore ullo filii hominum perpetrant mala.* An ideo, seu quia bonitate Dei abutuantur muliti, necesse est, ut admittamus Deum peccatis eorum ansam dare? Quis ejusmodi blasphemiam ferret? Ergo, licet nonnulli abutentes privile-

g M

gio, quod promulgat Apostolus, non sincere, sed ficte converterentur, non ideo necesse foret, ut in hac sententia admitteremus *Apostolum fīctis & non sinceris conversionibus anſam dedisse*. Adferre saltem debuisset dissertator aliquam talis asserti rationem, sed nullam prorsus assert.

LXXXV. Sed & illud quomodo ausus est scribere: *Quo animo religionem Christianam amplectetur homo, quam videt ſuæ voluptati & deliciis obſequentem?* Numquid religio Christiana docet, quod, juxta Apostolum, pars conversa, non obſtantे baptiſmo, maneat conjugata, quod parti conversæ, per hoc, quod conversa fit, non liceat aliud matrimonium inire, sed ad hoc requiratur, ut pars infidelis ipſi vel nolit cohabitare, aut non pacifice, ſeu non niſi cum injuria Salvatoris? Hoccine eft religionem Christianam voluptati & deliciis obſequi? Niſium ſane exorbitat diſſertator.

His adde, quod ex toto ejus diſcurſu neceſſario ſequatur, Deum, ne potentia quidem extraordiaria, poſſe in caſu, de quo agimus, matrimonium ſolvere, quia ne potentia quidem extraordiaria poſteſt velle, ut *evangelium libidini ac voluptati deferriat*, quod tamen juxta diſſertatorem continget, ſi, in caſu Apoſtolī, matrimonium dirimatur. Placetne diſſertatori hæc ſequela?

LXXXVI. Præterea, ſi i. ad Cor. 7. non doceat Apoſtolus, quod pars conversa, infidelis diſcedente, poſſit aliud matrimonium inire, cur ergo iterum ad probationes meas non reſpondet? Oſtendi diſſertationis meæ pag. 10., quod, quando de ſola habitationis ſeparatione agit Apoſtolus, ſedulo moneat, quod, ſi a marito diſſeſſerit mulier, manere debeat innupta, ut patet ex V. 11.: ergo, ſi de eadem egiffet.

M 4

15., eadem illi cura fuisse, monendi partem conversam, ut similiter innupta maneret, & procul dabo explicasset, de qua servitute ageret, dum dicebat, quod, discedente infideli, non esset servituti subjectus frater aut soror in hujusmodi; explicasset, inquam, quod, licet non foret in isto casu pars conversa servituti illi subjecta, qua tenetur uxor viro, & vir uxori debitum reddere, illique cohabitare, ab illa tamen matrimoniali servitute non esset libera, qua tenetur uterque conjux, alterutro vivente, ad alias nuptias non transire, & consequenter quod, discedente infideli, deberet pars conversa manere innupta, maxime cum multo major esset ratio hoc monitum dandi v. 15., quam v. 11. Hoc posterius ibidem probavi num. XIII. hoc ratiocinio.

LXXXVII. Versu 11. non dixerat Apostolus, mulierem a viro discedentem, servituti non esse subjectam, quod tamen dixerat v. 15., & consequenter in versu 11. nihil erat, quod vel minimam potuisset dare occasionem existimandi mulierem a viro discedentem esse liberam, & posse ad alias nuptias transire. Hoc tamen non obstante, seu quamvis nullam rei istius existimandæ occasionem præbuisset, monendam duxit mulierem, a viro recedentem, ut maneret innupta; ergo a fortiori idem monitum dare debuisset v. 15., quandoquidem dicendo simpliciter & sine addito partem conversam, infideli discedente, servituti non esse subjectam, occasionem quam maximam dedisset existimandi, partem illam esse omnino liberam, & ad secunda posse vota migrare, quod num. XIV. in hunc modum confirmavi.

LXXXVIII. Qui simpliciter & absolute dicit aliquem servituti matrimoniali non esse subje-

tum , simpliciter & absolute dicit illum esse liberum , cum nihil aliud sit esse liberum , quam servituti non subjectum . Dixerat autem Apostolus simpliciter & absolute partem conversam , discedente infideli , servituti non esse subjectam ; ergo simpliciter & absolute pronuntiaverat eam esse liberam ; & consequenter de omnimoda libertate a matrimoniali servitute egerat , quia , si de illa non egisset , necessario debuisset propositionis suæ generalitatem restringere , explicando de qua libertate ageret , quandoquidem hoc non explicando , & suæ propositionis generalitatem non restringendo , ansam præberet existimandi accipienda esse verba , prout sonant , & consequenter ab omnimoda servitute matrimoniali liberam esse partem conversam , seu ad secundas posse nuptias transfire . Atqui tamen hoc non fecit Apostolus , & quod tam serio monuit v. 11. , non amplius monet v. 15. , non dicit , quod pars conversa , discedente infideli , manere beat innupta , sed simpliciter & absolute asserit , quod , *in hujusmodi* , non sit servituti subjectus frater aut soror : ergo &c.

LXXXIX. Præterea , ut dixi ibidem pag. 11. , agit Apostolus v. 11. de muliere virum deserente : *Quod si discesserit , manere innuptam* , & quidem interdum deserente culpabiliter , cum mulieres , viros suos deserentes , non sint semper innocentiores . v. autem 15. agit de muliere vel viro , qui sine ulla culpa deseritur a comparte infideli . Certum est autem , quod a muliere virum suum deserente , & quidem interdum culpabiliter , per se & generaliter non sit ducenda paritas ad mulierem fidelem , quæ virum non deserit , sed ab ipso deseritur , & quidem sine ulla ipsius culpa . Ergo ex eo , quod mulier virum suum deserens , & quidem interdum culpabiliter ,

manere deberet innupta, per se loquendo non sequebatur, quod pars conversa, quae non deferebat, sed deferebatur, & sine ulla ipsius culpa, etiam manere deberet innupta. Ergo iterum ex hoc capite multo major erat ratio partem conversam monendi v. 15., quod, discendente infideли, manere deberet innupta, quam simile monitum dandi v. 11., quandoquidem per se & generaliter loquendo non sit, nec debeat esse eadem conditio illius, qui deseritur, & qui defert; illius, qui est sine culpa, & qui est culpabilis. Hoc tamen non fecit Apostolus; ergo &c. Ad hæc omnia, quæ inter fundamentales sententiæ nostræ rationes non infimum tenent locum, ne verbum quidem reposuit dissertator, sed perinde se habuit, ac si illa ne legisset quidem. Sed ipsum, ad Augustinum properantem, sequamur.

XC. Fundat se dissertator pag. 19. (68.) & seq. in libris Augustini de adulterinis conjugiis, quorum, inquit, occasio fuit, „ quod Pollentius vellet matrimonii vinculum solvi per adulterium: „ item infidelitatem unius conjugis non esse „ causam justam parti fideli fæc separandi ab „ infideли, quoad torum & habitationem, quanto pars infidelis cohabitare volebat. „ R. Verum est, quod hic dicit dissertator, sicut & illa, quæ subdit, nempe, quod „ S. Aug., dicitis libris, multis ostenderit adulterium non solvere matrimonii vinculum, quamquam eo casu licita esset, quoad torum, separatio. „ Similiter verum est, quod S. Aug., ex Apostolo probet infidelitatem unius partis justam quoque causam esse separationis quoad habitationem, licet illa non expediat, dum pars infidelis coabitare vult; monente, seu præcipiente Apostolo. „ Hæc, inquam, vera sunt.

XCI. Sed quid sibi vult dissertator, dum tamquam sententia nostræ fatalem, objicit hunc Augustini textum lib. I. cap. 25. ? „ Propter quodlibet tamen fornicationis genus, sive carnis, sive spiritus, ubi & infidelitas intelligitur, & dimisso viro non licet alteri nubere, & dimissa uxore non licet alteram ducere, quoniam Dominus nulla exceptione facit dixit. Si uxor dimiserit virum suum, & alteri nupserit, mœchatur, & omnis, qui dimiserit uxorem, & alteram duxerit, mœchatur, ? Quid, inquam, sibi vult, dum contra nostram sententiam illa objicit, quæ in mea dissertatione pag. 41. & seqq. ostendi non continere casum Apostoli; seu, cur volens probare, quod negamus, pacifice probat, quod admittimus? Monueram dissertationis meæ pag. 22. in hoc adversarios hallucinari, quod, volentes probare, in casu Apostoli, licitum non esse parti conversie ad secundas nuptias transire, argumenta proferrent, quæ ad casum Apostoli nullatenus spectarent. Cur ergo ad hoc non reflexit dissertator?

XCII. Admitto itaque cum Augustino, quod, propter quodlibet fornicationis genus, sive carnis, sive spiritus, seu quod, propter infidelitatem dimisso viro, non licet alteri nubere, & dimissa uxore, non licet alteram ducere. Admitto, quod nullam prorsus patiantar exceptionem hæc Domini verba: *Si uxor dimiserit virum suum, & alteri nupserit, mœchatur, & omnis, qui dimiserit uxorem, & alteram duxerit, mœchatur.* Et simul, tamquam certissimum statuo, quod, quicumque fidelis ob infidelitatem dimittit partem, a qua non dimittitur, sed ei pacifice consentit cohabitare, innuptus debeat manere. Sed quid inde contra nostram sententiam potest erui, cum ibi non sit casus

Apostoli, in quo utique non agitur de muliere (idem est de viro) quæ ob infidelitatem deserit maritum, sed quæ, ob suscepitam fidem, deseritur a marito, & inter utrumque casum nullab possit, ut per se patet, institui paritas? Ex his patet quid ad subsequentia, quæ dissertator subnecit, sit respondendum.

XCHI. Igitur, inquit, juxta Augustinum, „nec isto casu, ubi justa est separatio, un- „quam licet alteri nubere.“

R. Optime insert: dissertator, quia, juxta Aug., etiam si infidelis non discedat, sed cum fidelis habitare consentiat, nihilominus justa est, respectu fidelis, causa separationis, nec tamen, si sese separaverit, alteri nubere poterit, quia privilegium, quod Apostolus promulgavit, non est extendendum ultra id, quod sonat: non dixit autem: *Si fidelis, sed, si infidelis discedit* &c. Et respectu eorum, qui dimittunt conuges, generaliter, & nulla exceptione facta, Dominus dicit: *Si uxor dimiserit virum suum, & alteri nuperit, moechatur* &c.

XCIV. Quod autem non agat Aug. de casu, quo fidelis ab infidele deseritur, sed, quo fidelis infidelem cohabitare consentientem deserit, vidisset dissertator, si Augustinum attente legisset: ibi siquidem, seu in eodem, quod citat capite, paulo ante verba objecta ex Apostolo, dicit Aug. *Si quis frater habet uxorem infidelem, & haec consentit habitare cum illo, non dimittat illam* &c. Cumque ostendisset, quod, quamvis infidelem cohabitare volentem liceat dimittere, id tamen non expedit, simul ostendit & probat, quod, si fidelis fecerit, quod non expedit, id est, si dimiserit infidelem, cohabitare volentem, in isto casu ad alias non posse transire nuptias, dicens: *Propter quodlibet*

tamen fornicationis genus , sive carnis , sive spiritus , ubi & infidelitas intelligitur , & DIMISSO VIRO , non licet alteri nubere &c. Proinde tam certum , tam evidens est , non agere ibidem Augustinum de casu Apostoli , quam certum , quam evidens est , casum mulieris , propter infidelitatem maritum cohabitare volentem desentis , non esse casum mulieris , cui maritus propter fidem cohabitare non vult , ideoque eam deserit. Interim dissertatorem sequamur.

XCV. Si , inquit pag. 20. (69.) "dum pars in-  
 „ fidelis legitime cohabitare nolit , solvatur ma-  
 „ trimonii vinculum , potuissetne Augustinus  
 „ simpliciter & generaliter dicere , verba Domi-  
 „ ni nullam pati exceptionem , eo in loco , ubi  
 „ de infidelitate , seu de spirituali fornicatione  
 „ agit & textum Apostoli ex professo exami-  
 „ nat , atque etiam pro eodem sumere , quod  
 „ vinculi matrimonii solutionem attinet , for-  
 „ nicationem carnis & fornicationem spiritus ,  
 „ & asserere , neutro casu , parte una recedente ,  
 „ sive quia fornicata est carne aut spiritu , al-  
 „ teri ad alia vota transire licere ? "

XCVI. R. Non tantum potuit , sed etiam debuit Aug. simpliciter & generaliter dicere , verba Domini nullam pati exceptionem , etiamsi , dum infidelis legitime non vult cohabitare , matrimonii vinculum solvatur , aut solubile fit. Ratio in promptu est : quia , dum infidelis parti conversæ non vult legitime cohabitare , in isto casu pars conversa non dimittit infidelem , ut per se patet , sed dimittitur ab infideli ; Do-  
 minus autem , in isto loco , non agit de eo , qui dimittitur , sed , qui dimittit : *Si uxor , in-  
 quid , dimiserit virum suum , & alteri nupserit ,  
 mœchatur , & omnis , qui dimiserit uxorem , &  
 alteram duxerit , mœchatur.* Quæ verba , ut su-

pra dixi, nullam patiuntur exceptionem, cum etiam in nostra sententia verum sit, quod fidelis, dimittens infidelem, legitime volentem cohabitare, seu a quo, faltem æquivalenter, non dimittitur, si alteri nupserit, moechetur. Sed quid hoc ad casum Apostoli?

XCVII. At, inquit dissertator pag. 21. (70.)  
 „ Si Pollentius credidisset parte infidelis discedente, parti fideli jus esse aliud connubium  
 „ ineundi, hoc ipsum non parum ejus caussam  
 „ juvasset... Squidem potuisset hic dicere Pollentius: juxta te, propter fornicationem spiritus, dum pars infidelis cohabitare non vult,  
 „ solvitur vinculum matrimonii; ergo etiam  
 „ propter fornicationem carnis, dum pars eo  
 „ fine fornicatur, ut non cohabitetur, solvetur  
 „ vinculum matrimonii. „

R. Ostendisset profecto Pollentius se non polle-re ingenio, si eo modo fuisset argumentatus, quo ipsum potuisse argumentari dissertator asserit, utpote, qui in positivis existimat argumentari se posse *a pari*. Cum ergo hoc argumentum non objecerit Pollentius Augustino, sed mihi potius, sub nomine Pollentii, illud videatur dissertator objicere, respondeo, disparitatem esse, quod unum Dominus prohibeat, alterum autem, teste Apostolo, permittat. Quid ad hoc respondisset Pollentius, si hujusmodi argumentum Augustino proposuisset, & ab ipso simile responsum accepisset? Nemo non videt, quod probare debuisset contra Augustinum, non magis unum a Domino permitti, quam alterum. Idem ergo probandum incumbit dissertatori, qui, sub nomine Pollentii, illud mihi argumentum implicite proponit.

XCVIII. Frustra ergo dicit ibidem, quod " male omnino confutasset Augustinus Pollentium,

, si, in aliquo casu possibili, matrimonii vinculum propter infidelitatem solvi posset. „ Ex quo enim capite illum male confutasset, cum jam ostenderim ab uno casu ad alium duci nullatenus posse argumentum, seu nullatenus posse inferri, quod ratione adulterii solvatur vinculum matrimonii, etiamsi solvatur, aut solubile sit, dum parti conversæ renuit infidelis cohabitare?

XCIX. Addit, quod Aug. „ afferat vinculum matrimonii perpetuo subsistere, solaque morte unius partis solvi, „ ad quod probandum citat Augustinum lib. 2. de adult. conjug. cap. 3. num. 4. At, si aliquid inde velit confidere, dicat ergo, juxta Aug. non nisi sola morte naturali, de qua ibidem agit, matrimonium ratum, non consummatum, dirimi, quod est erroneum. Itaque

R. Sicut statuit Aug. sola morte matrimonium solvi, ita docet solo baptismo catechumenis peccata dimitti: *Quantumcumque*, inquit tract. 13. in Joan. *Catechumenus proficiat, adhuc sarcinam iniquitatis suæ portat: non illi dimittitur, nisi quando venerit ad baptismum.* Atqui inde non potest dissertator inferre, quod, juxta Aug., catechumenus, perfecta charitate prædictus, ante realem sacramenti susceptionem non justificetur, cum hic sit error ab ecclesia damnatus; ergo nec potest ex textu, quem citat, deducere, quod juxta Aug. vinculum matrimonii non solvatur in casu Apostoli. Sicut ergo, dum ait Aug. non dimitti catechumeno sarcinam iniquitatis, nisi quando venerit ad baptismum, agit de communi, seu consueto justificationis cursu, ita, dum docet sola morte matrimonium solvi, de illa solutione agit, quæ fit secundum generalem & ordinariam legem, & juxta quam

utique mors sola matrimonium solvit, & nulius viri posterioris mulier uxor esse incipit, nisi prioris esse deserit, prout dicit Aug., quem citat dissertator, ac proinde in fumum abeunt, quæcumque ibidem congeslit.

C. Ne interim aliquid intactum reliquise videamus, dissertatoris verba subjiciamus. " Deum, inquit, instituisse secundas nuptias, ut per has priores solveret, non credimus; nec id rationi, aut menti ecclesiæ consentaneum vivitur; nam sacri canones secundas fidelium nuptias certo sensu semper improbarunt; imo & secundo nubentibus poenitentiam quamdam imposuerunt, ut patet ex can. 7. synodi Neo-Cæsariensis, irregularitate bigamos notantes.",

R. Si hoc menti ecclesiæ consentaneum non videatur, quomodo igitur dispersa toto orbe ecclesia, quotiescumque casus contingit, ad secundas nuptias illum admittit, quem in odium fidei pars infidelis deserit? Propono itaque dissertatori hoc dilemma: " Vel ecclesia, in casu Apostoli, partem conversam ad secundas nuptias admittens, agit contra propriam mentem, vel non. Si contra illam non agat; ergo menti ejus consentaneum est, quod dissertator dicit non esse consentaneum, & consequenter non subsistit ejus assertio. Si contra illam agat; ergo dispersa toto orbe ecclesia in isto casu nihil aliud est, quam illius, quod ipsi dictat conscientia, prævaricatrix continua. Admittet ne hoc quispiam?

CI. Quamvis igitur, ut dissertator recte advertit, sacri canones secundas fidelium nuptias, certo sensu, semper improbarint, non ideo dici potest ecclesiam non sensisse, in casu Apostoli, matrimonio

matrimonium dirimi, quandoquidem, in casu isto, a secundis nuptiis, ( si aliud non obstat ) neminem umquam repulerit; sed inde tantum potest erui, quod, ecclesia majorem in filiis suis perfectionem exoptasset, seu maluisset, ut privilegio sibi concessio non uterentur. Expendimus dissertatoris argumentum ab autoritate, seu a sensu ecclesie : illud modo discutiamus, quod desumit a ratione.

CII." Ratio, inquit pag. 23. (72.) etiam simile  
,, quid non patitur. Quid? Sola voluntas secun-  
,, das nuptias ineuntis sufficiet, ut primas dis-  
,, rumpat, & actus similis, qui contractum il-  
,, lum naturalem & sacrum efficit, etiam ille  
,, erit, per quem ejusdem contractus dissolutor  
,, quis constituetur? Profecto idem hoc est, ac  
,, si quis diceret, rem constitui per illud, quod  
,, ejus essentiam destruit.,,

R. Si quid probet hujusmodi argumentum, hoc utique iterum probat, quod ante jam dixi in aliquo simili, scilicet, ne per Deum quidem, in casu Apostoli, posse matrimonium solvi, quia ne per Deum quidem fieri potest, ut *res constituatur per illud, quod ejus essentiam destruit*. Placet ne hoc dissertatori? Reflectere debuisset, quod non ex natura rei, neque in vim secundi contractus nuptialis, qua talis, afferamus, in casu Apostoli, primum dissolvi, sed ex sola voluntate Dei, qui utique, quod conjunxit, ubi vult, quando vult, & quomodo vult, solvit. Ad hoc, iuuam, reflectere debuisset, & ita non fuisset tioinatus: vidisset enim, quod, quamvis fieri non possit, ut *res constituatur per illud, quod ejus essentiam destruit*, nullatenus tamen impletum, quominus, ex voluntate Dei, primus contractus nuptialis solvatur, dum a parte conversa secundus initur.

N

CIII. Deinde, numquid posset princeps supremus statuere, ut, si emptor prædii infra annum non solverit pretium, possit venditor illud alteri vendere, sic, ut secunda venditione prima solvatur? De hoc nullatenus dubito. Quis autem, in isto casu, dixerit, quod res constituitur per illud, quod ejus essentiā destruit? Quod sola voluntas prædium secundo vendentis sufficiat, ut primam venditionem dissolvat? Nugæ. Debuisset dissertator probare, quod, in casu nostro, similis Dei voluntas non interveniat, & non in ejusmodi ratiociniis, nibil significantibus, operam perdere. Sed redeamus ad Augustinum.

CIV. Afferit dissertator pag. 23. (72.) absolutam matrimonii insolubilitatem adstruxisse Augustinum *Lib. de fide & oper. cap. 16.*, quia hæreticis quibusdam, qui contendebant solam fidem professe ad salutem, & ad hoc probandum allegabant verba Apostoli: *Quod si infidelis discedit, discedat &c.*, in hunc modum respondet: "Non attendunt, eo modo illam rectissime dimitti, si viro suo dicat, non ero uxor tua, nisi mihi vel de latrocino divitias congeras, aut nisi solita lenocinia, quibus domum nostram transigebas, etiam Christianus exerceas; aut si quid aliud vel facinorosum vel flagitiosum in viro noverat, quo delectata, vel libidinem explebat, vel facilem victum habebat, vel etiam incedebat ornatior: tunc enim ille, cui uxor hoc dicit... procul dubio plus tenebitur amore divinæ gratiæ, quam carnis uxoriæ, & membrum, quod eum scandalizat, fortiter amputat."

CV. R. Si Aug. hoc in loco adstruxerit *absolutam matrimonii insolubilitatem*, ergo negavit per professionem religiosam matrimonium ratum non consummatum dissolvi, quia, quod *absolu-*

lire est insolubile, nullo casu solvitur: aiqui  
hoc certo dici non potest, ergo nec illud. Cer-  
te, si aliquid probent praefata Augustini verba,  
non absolutam matrimonii indissolubilitatem,  
sed ejusdem potius dissolubilitatem probant, cum  
terminus amputat, quo Augustinus utitur, ideam  
ingerat dissolutionis, non minus realis & perfe-  
cta, quam sit dissolutio membra, quod, a cor-  
pore amputatum, nullo amplius vinculo ipsi con-  
jungitur. Unde, si alterutri, non adversario, sed  
mili faveret locus iste: adeo in suis probationi-  
bus ipse felix est!

CVI. Notat disseptator pag. 24. (73.) " Augu-  
,, stinum hoc in loco hæc Apostoli verba: Si  
,, infidelis discedit, discedat, perinde accepisse,  
,, ac si verbum illud discedat, ad fidem porti-  
,, neret &c. Quod, inquit, manifeste indicant  
,, hæc verba: Id est, ut propter fidem Christi,  
,, etiam ipsa uxor, legitima societate conjuncta,  
,, sine ulla culpa relinquatur, quæ omnino re-  
,, ferri debent ad partem fidelem.,,

R. Si hæc scriperit dissertator, omnino obli-  
tus est pag. 24. (73.) eorum, quæ scriperit pag.  
23. (72.) Ibi siquidem doctuerat hanc esse objec-  
tionem hæreticorum, quam sibi proponit Aug.  
Verba ipsius sunt: " Occasio erat objectio ali-  
,, quorum, qui contendebant fidem sine ope-  
,, ribus prodesse ad salutem, quam cap. 16.  
,, num. 28. sibi his verbis proponit. Quam ob rem  
,, ubi Apostolus dicit: Quod si infidelis discedit,  
,, discedat; non enim servituti subiectus est frater  
,, aut soror in hujusmodi; id est, ut propter fidem  
,, Christi, etiam ipsa uxor legitima societate  
,, conjuncta sine ulla culpa relinquatur, si cum  
,, viro Christiano, propter hoc quia Christia-  
,, nus est, permanete noluerit. " Ecce clare  
propositam hæreticorum objectionem, ad quam,

inquit dissertator ibidem " respondet Aug. *Non*  
 „ attendunt &c., Quomodo igitur potest ex  
 verbis supra relatis afferere , Augustinum Apo-  
 stoli verba perinde accepisse , ac si verbum illud  
*discedat* , ad fidelem pertineret , cum ipsem  
 afferat hanc esse hæreticorum objectionem , quam  
 sibi Aug. proponit ?

CVII. Sed ne simus tam rigidi censores , &  
 concedamus , quod verbum *discedat* , juxta Aug ,  
 fidelem respiciat ; quid inde sequetur ?

" Si ly *discedat* , inquit , partem fidelem re-  
 piciat , adeo , ut etiam ipsi fas sit eo casu  
 recedere , quod ante , *obstante præcepto Apo-*  
*stoli* , ipsi fas non erat ; discessus autem , de  
 quo ante , non vinculi solutionem , sed solam  
 habitationem respiceret , prout & fatetur dis-  
 fertator , clarum est & hanc desertionem ,  
 quæ jam , discedente parte infideli , parti fi-  
 deli licita est , solam habitationem respicere ."

R. Neg. suppositum , quod ex verbo *discedat* ,  
 secundum se sumpto , & independenter a cir-  
 cumstantiis , probemus matrimonium solvi , sed  
 ex eo maxime probamus , quod dixerit Aposto-  
 lus , sine ulla exceptione , non esse servituti  
 subjectum fratrem aut sororem in hujusmodi ,  
 nec amplius addiderit , quod pars fidelis , dis-  
 cedente infideli , manere deberet innupta , quod  
 tamen antea sedulo monuerat , agendo de mu-  
 liere , a viro suo discedente , ad quam probatio-  
 nem , ut ante jam dixi , non respondit differ-  
 tator.

CVIII. Quærit pag. 25. (74.) " de qua deser-  
 tione egerint illi , contra quos agit Aug. , &  
 quam existimabant parti converæ fore lici-  
 tam ? An talis esset ista desertio , quæ simul  
 esset vinculi solutio , an vero talis tantum

„ esset , qua partem fidelem liberam volebant  
„ ab obligatione tori & habitationis ? „

R. Quod de nulla *determinate* egerint , sed  
simpliciter probare voluerint , quantum valeat  
sola fides , quia scriptum est : *Quod si infidelis  
discedit , discedat* , abstrahendo , utrum ille tex-  
tus deberet intelligi de solutione vinculi , an  
vero solius habitationis & tori , quod utique ad  
eorum scopum erat prorsus impertinens . Unde  
etiam generaliter & indeterminate respondit Aug.  
non significans ibidem utrum de solutione vin-  
culi , an non , Apostolus intelligeretur , quia  
de ista quæstione ibidem non agebatur . Tantum  
ergo abest , ut in isto loco Aug. *adstruat absolu-  
tam matrimonii insolubilitatem* , prout afferit  
dissertator , ut illius ibi nequidem meminerit ,  
prout patet legenti textum .

CIX. Rursus & eodem cum successu opponit  
pag. 26. (75.) Augustinum lib. cont. Adimant.  
cap. 3. , ubi afferit , quod propter regnum cœlo-  
rum relinquenda sit uxor , ad quod confirman-  
dum citat Apostolum , dicens : " Sicut Aposto-  
lus dicit : *Si quis fidelis habeat uxorem infide-  
lem , & hæc consentit habitare cum illo , non  
dimittat eam* . Significat utique , quod si non  
consentit habitare cum illo , id est si execra-  
tur in illo fidem Christi , & non eum pati-  
tur , quod Christianus est , relinquenda est  
propter regnum cœlorum : sicut idem Apo-  
stolus in sequentibus dicit : *Quod si infidelis  
discedit , discedat ; non est enim servituti subje-  
ctus frater aut soror in hujusmodi* . Si quis er-  
go relinquit regnum cœlorum , dum non vult  
relinquere uxorem non ferentem Christia-  
num virum , improbatur a Domino ; & item ,  
si quis vir relinquit uxorem , dato libello re-  
pudii , cum causa non existit , aut fornicata-

,, tio[nis], aut obtinendi regni cælorum, simili-  
,, ter improbat[ur] a Domino. ,,

CX. Notat dissertator ibidem, quod "Augustini-  
nus in hoc loco pari modo loquatur, prout  
præcedenti. ,,"

R. Nihil hoc asserto verius. Loquitur sane  
hac in loco Aug. eo modo, quo in præcedenti  
locutus est; quia, sicut in præcedenti ne ver-  
bum quidem habuit, quo absolutam, seu pro  
omni casu matrimonii insolubilitatem significa-  
ret, prout jam ostendi, ita nec in hoc vel mi-  
nimam absolutæ illius, seu pro omni casu in-  
solubilitatis mentionem facit, ut vel ex ipso  
textu allegato manifestum est. In hoc dicitur  
quidem, quod propter regnum cælorum dimitt-  
tenda sit uxor, & quod tamen, cum causa non  
existit, improbetur a Domino, qui eam dimitt-  
tit, sed, ut in variis aliis peti, iterum peto:  
Quænam est hæc sequela: "Juxta Aug. dimitten-  
,, da est uxor propter regnum cælorum, & si-  
,, mul, qui eam sine causa dimittit, improba-  
,, tur a Domino: ergo juxta Augustinum ab-  
,, solute & in omni casu matrimonium est in-  
,, solubile? ,, Ne Argus quidem istius sequelæ  
in Augustini verbis vel umbram conspexerit.

CXI. Porro censuisse Augustinum in casu A-  
postoli matrimonium solvi, dissertationis meæ  
pag. 42. & seq. hoc ratiocinio probavi. Juxta  
Aug. Apostolus dumtaxat consulit, ut fidelis  
conjugem infidelem cohabitare volentem non  
dimittat; ac proinde non tenetur fidelis cum  
eo remanere, sed potest illum, quoad habita-  
tionem & torum deserere, quandoquidem con-  
silium nullam imponat obligationem; ergo, jux-  
ta Aug., liberatio a servitute, de qua loquitur  
Apostolus, dum dicit servituti non esse subje-  
ctum fratrem aut sororem, & quam restringit

ad easum, quo a parte fideli discedit infidelis, non intelligitur de servitute, qua tenetur uxor viro & vir uxori debitum reddere, illique cohabitare, sed de servitute, qua tenetur uterque conjux, altero vivente, aliud matrimonium non inire, & a qua servitute partem conversam, discedente infideli, Apostolus pronuntiat liberam.

CXII. Prob. conf. Juxta Aug. liberationem a prima servitute, seu ab ea, qua tenetur uxor viro & vir uxori debitum reddere illique cohabitare, jam habet pars conversa, etiam si non discedat infidelis, sed illi cohabitare consentiat, prout supra vidimus: ergo juxta Aug. dum Apostolus dicit, quod, discedente infideli, non sit servituti subjectus frater aut soror, de illa servitute non agit, a qua pars fideli jam est libera, etiam si non discedat infidelis, sed de alia, a qua deum liberatur, dum infidelis discedit.

CXIII. Sane, necessario sequitur, quod illa liberatio a servitute, quam restringit Apostolus ad easum, quo a parte conversa discedit infidelis, non sit illa liberatio, quam pars conversa jam habet, etiam si infidelis non discedat; ergo est alia liberatio, quam non habet, dum infidelis ei cohabitare consentit, & quam habet, si ab ea discedat. Quænam est autem, juxta Aug. illa liberatio, quam habet pars fideli, dum ab ea discedit infidelis, & quam non habet, dum illi cohabitare consentit? Nulla sane alia est, quam liberatio ab illa servitute, qua tenentur conjuges, altero vivente, ad secundas nuptias non transire; quandoquidem liberationem ab alia servitute, qua tenetur uxor viro & vir uxori debitum reddere, illique cohabitare, juxta Aug. habeat pars fideli, indepen-

denter a discellu partis infidelis. Ita, inquam dissertationis meæ loco citato, ratiocinatus sum.

CXIV. Quam autem efficax sit istud ratiocinium, patet ex responso dissertatoris, qui ad illud nihil aliud reponere potuit pag. 12. , (61.) quam dicendo : " Imo vero, de eadem (servitute) agit Apostolus, de qua dixerat : *Ego dico, non Dominus : Si quis frater uxorem habet infidelem, & haec consentit habitare cum illo, non dimittat illam.* De illa proinde servitute agit, quam quidem Dominus non praeciperat, sed quam ipse Dei spiritu inspirante convenienter consuluerat. "

R. Perinde est, ac si diceret, Apostolum agere de servitute, quæ est servitus, quia, quod ex mero consilio quispiam agit, & in ejus potestate illud agere & non agere, nullo prorsus sensu servitus dici potest. Dari quidem potest alicui consilium, ut in existente servitute maneat, sed ipsi non potest consuli, ut maneat in servitute, quæ non existit, est siquidem implicantia in terminis : atqui, juxta Augustinum, non existit illa servitus, qua teneatur infidelis manere cum infideli, etiam cohabitare volente ; ergo &c.

CXV. Pergit dissertator : " Totum, quod hic Apostolus velit, est, partem fidelem, dum conjux infidelis discedit, liberam esse a con filio seu præcepto, quod ipse dederat, adeoque ab alia servitute, respectu habito ad præceptum Apostoli, a qua demum liberatur, dum infidelis discedit, licet de eadem, respectu habito ad præceptum Domini, jam ante effet libera, utpote quod tali casu non adesse adseruisset Apostolus. "

R. Si obscurum illum clarissimi dissertatoris textum intelligam, nihil aliud continet, quam

quod ante dictum est, ut proinde aliud necesse non sit respondere. Totum itaque, quod hic Apostolus vult, est, partem fidelem, dum conjux infidelis discedit, liberam esse ab obligatione, qua constringebatur, dum infidelis non discedebat, prout naturalis & obvius verborum sensus importat. Quid enim obvie & naturaliter significant haec verba: *non enim servituti subjectus est frater aut soror in hujusmodi, nisi quod in hujusmodi casu amplius non maneat obligatio, quæ manebat in alio.*

CXVI. Sane servitus, de qua hic agitur, concipi non potest absque ulla obligatione, ita, ut, si omnem obligationem tollas, necesse fit ipsam quoque servitutem tolli, & viceversa: atqui tollit Apostolus servitutem, dum dicit: *Non enim servituti subjectus est frater &c.*, ergo tollit obligationem. Quam obligationem? Utique illam, quæ aderat, ut per se patet, & non illam, quæ non aderat. Atqui juxta Aug., ex professo hoc probantem contra Pollentium, non aderat respectu fidelis obligatio cohabitandi, etiam si cohabitare consentiret infidelis, quandoquidem, fatente etiam dissertatore, hoc non præcipiat Dominus; ergo de illa, juxta Aug., non agit Apostolus, dum dicit, discedente infidi, non esse servituti subjectum fratrem aut fororem, sed de illa, qua tenebatur alias nuptias non inire, dum infidelis pacifice volebat coabitare, & quam, ipso discedente, solutam declarat. Hoc si non sit peremptorium, nescio quid umquam tale sit futurum.

CXVII. Instat interim dissertator pag. 27. (76.) &, ut nullum, inquit, de mente Augustini dubium supersit, adserit concilium Africanum VII., anno 407. habitum, cui interfuit Augustinus, & in quo conceptus est canon sequens,

qui in codice Africanæ ecclesiæ est 102. *Placuit*, ut secundum evangelicam & apostolicam disciplinam, neque dimissus ab uxore, neque dimissa a marito alteri conjungatur. Ita maneant, aut sibimet concilientur, quod si contempserint, ad pœnitentiam redigantur. In qua causa legem imperialem petendum est promulgari.

CXVIII. At doleo, quod hisce resellendis debet tempus impendere. Nonne videt dissertator, quod ibi agatur de matrimonii Christianorum inter se? Nonne hoc evidentissime exprimunt concilii istius patres, dum dicunt: *Quod si contempserint, ad pœnitentiam redigantur?* Redegit ne unquam, aut potestne ecclesia infideles, sibi non subjectos, ad pœnitentiam redigere? Neutquam, sed debet respectu eorum cum Apostolo I. ad Cor. 5. dicere: *Quid enim mihi de iis, qui foris sunt, judicare.* At qui tamen, si non ageretur de matrimonii Christianorum inter se, infideles perinde ac fideles ad pœnitentiam redigeret ecclesia, quandoquidem agendo de illis matrimonii, de quibus in hac questione est sermo, tam posset esse infidelis dimissus a fidi, quam fidelis ab infidele, & tam dimissum, quam dimissam generaliter redigeret ad pœnitentiam; ergo quam certum est, quod ecclesia non nisi Christianos possit ad pœnitentiam redigere, tam certum est, quod non agat concilium istud, nisi de matrimonii Christianorum inter se.

CXIX. Merito autem in hac causa censuit legem imperialem petendum esse promulgari, nempe, ut suum decretum tanto efficacius mandaretur executioni. Notum enim est, quod sint & esse debeat imperatores & reges Christiani ecclesiæ defensores & protectores: illam autem non parum protegunt & defendunt, dum ejus

decretorum executionem urgent, de quo intellegitur illud Augustini lib. 3. cont. Cresconium cap. 51. *In hoc reges, sicut eis divinus præcipitur, Deo serviunt, si in suo regno bona juvent, mala prohibeant, non tantum, quæ pertinent ad humanam societatem, sed etiam, quæ ad divinam religionem.*

CXX. Pag. 28. (77.) Iterum reperit dissertator, quæ alibi inculcaverat, dicens ibidem : " Itaque sententia adversariorum favere videtur, hæreticis contendentibus per adulterium matrimonii vinculum solvi. "

R. Ergo saltem per septem saecula visa est ecclesia toto orbe dispersa hæreticis favere, quia saltem tanto tempore docuit, in casu Apostoli, matrimonium dissolvi. Potestne quidpiam magis temerarium dici ? Hoc tamen necessario sequitur, si dissertatoris assertio subsistat. Sed videamus, qua de causa favere videantur hæreticis, qui communem ecclesie sensum defendant, seu qui, in isto casu, matrimonium dirimi asserunt.

CXXI. Illam ibidem assert dissipator. " Si enim, inquit, ex Augustino semel constet, seu ex aliis patribus, seu ex generali ecclesiæ praxi.. fornicationem spiritualem, vel in aliquo casu possibili matrimonii vinculum dissolvere; qui contra ipsos probabitur fornicationem carnalem illud ipsum, in aliquo casu, non efficere ? Cum Augustinus de utraque fornicatione eodem modo loquatur, eademque ponat momenta rationis ? "

R. Tenuis prosector theologus, qui illam non videt, quam supra disparitatem dedi, nempe, quod unum Dominus in evangelio prohibeat, aliud vero, promulgante Apostolo, permittat. Deinde, ut iterum, licet non sine tædio, repe-

tam<sup>1</sup>, quod ante dixi, fornicatio spiritualis matrimonii vinculum non dissolvit, sed, ut possit dissolvi, requiritur, ut a parte fideli discedat infidelis, cum in isto tantum casu dixerit Apostolus: *Non enim servituti subjectus est frater aut soror.*

CXXII. Neque etiam verum est, quod dissertator afferit, nempe, quod *Augustinus de utraque fornicatione eodem modo loquatur, eademque ponat momenta rationis*: Ubi enim, & quando fornicationem carnalem cum spirituali comparans, vel a longe significavit Aug., non magis in casu Apostoli quam in casu adulterii posse matrimonium dirimi? Proferat dissertator verba Augustini, si ipsum legerit, si non legerit, definat dicere, quod *Augustinus de utraque fornicatione eodem modo loquatur, eademque ponat momenta rationis*, scilicet quoad omnia, prout ipse intelligit. Vibratam igitur in me sagittam in vibrantem retorqueo.

CXXIII. Docet Trid. matrimonium ratum per solemnem in religione approbata professionem dissolvi; ergo viam sternit ad hunc errorem, quod saltem matrimonium ratum adulterio dissolvatur, iisque favet, qui hoc vellent contendere, quia, *si vel in aliquo casu possibili confite matrimonium ratum non consummatum dirimi, qui probabitur adulterium illud ipsum non efficerre?* Potestne catholicus quispiam admittere hanc sequelam? Est tamen argumentum hoc argumento dissertatoris per omnia simile.

CXXIV. A sanctis patribus, quorum ne quidem unum potuit invenire, qui diceret, in casu Apostoli non esse licitum parti conversæ alias nuptias inire, ut patet lectori, pergit dissertator ad imperatores pag. 29. (78.) & seq.

Objicit itaque, quod imperatores, Constanti-

nus magnus, Honorius & cæteri, qui de divortiorum causis plures ediderunt constitutiones, casus Apostoli non meminerint, & inde infert pag. 31. (80.) nostram verborum Apostoli interpretationem ad sextum usque seculum incognitam prorsus & inauditam fuisse.

CXXV. R. Prudentiores sane erant imperatores, quam ut inter divortiorum causas, ab ipsis recensitas, casum Apostoli collocarent. Causas siquidem, ob quas matrimonium solvi permettebant, non ex doctrina Christi, ut ait dissertator, sed ex moribus Romanis trahebant, quas pro morbido reipublicæ statu permittere & mutare se posse arbitrabantur, prout exigebant circumstantiae, sicut reipsa de divortiis varia mutavit Justinianus, prout novit dissertator. Causa autem matrimonium dissolvendi, in casu Apostoli, aliunde proveniebat, nimirum a traditione divina, quam nobis promulgavit Apostolus, ac proinde stabilis erat & perpetua, seu a nulla potestate humana dependens. Obstabat ergo innata sacris imperatoribus prudentia, quomodo inter divortiorum causas, quas in suis constitutionibus recensabant, & pro illius temporis ratione tolerabant, ac circumstantiarum varietaete mutabant, & quæ, fatente pag. 29. (78.) dissertatore, erant contra legem Christi, casum Apostoli constituerent, quandoquidem privilegium ad secundas nuptias convolandi, quod isto in casu Christus concessit, non pro morbido alicujus reipublicæ statu, ut loquitur dissertator, sed in favorem fidei esset datum, & usque ad consummationem seculi duraturum.

CXXVI. Quod dixi de imperatoribus, idem quoque dicendum de variis conciliis, quæ refert dissertator pag. 31. (80.) & seq., & in quibus varia divortia tolerata sunt, quæ modo

*ab ecclesia improbantur*, nec tamen de casu Apostoli mentio facta est. Noluerunt scilicet istorum conciliorum patres miscere sacra prophanis, prout etiam non conveniebat; noluerunt, inquam, inter ea, quæ mere tolerabant, & quæ modo ab ecclesia improbantur, loqui de solutione matrimonii, quæ fieri potest in casu Apostoli, cum nimis foret ipsis persuasum eam talcm non esse, quæ inter res mere toleratas posset constitui, aut ab aliqua potestate umquam improbari.

CXXVII. Objicit etiam pag. 32. (81.) Quod Bonifacius *martyr*, *archiepiscopus Moguntinus*, *prætensam hanc in casu Apostoli exceptionem*, non minus quam cæteri, penitus ignoraverit, cum in statutis anno 745. editis, ita loquatur: *Admoneat etiam unusquisque presbyterorum publice plebem, ab inlicitis connubib[us] abstinere, & secundum Dei mandatum legitimum conjugium nequamquam posse ulla occasione separari, excepta fornicationis causa, nisi cum consensu amborum, & hoc propter servitium Dei.* Quæ verba exponens dissertator dicit: "Manifestum est Bonifacium hic agere de separatione quoad torum, & non de solutione vinculi."

CXXVIII. R. Non minus manifestum est, quod dissertator in causæ sua favore Bonificium citans, tantum hallucinetur, quantum potest quis maxime. Si enim, quod nullatenus inficior, agat hic Bonifacius de separatione quoad torum & non de solutione vinculi, certum est, quod non agat de casu Apostoli, quandoquidem in casu isto, etiam juxta dissertatorem, possit legitimum conjugium separari quoad torum, licet fornicationis causa non interveniat. Atqui tamen afferit Bonifacius legitimum conju-

gium nequaquam posse ulla occasione (quoad torum) separari, excepta fornicationis causa; ergo in toto illo contextu de casu Apostoli non agit Bonifacius, sed dumtaxat de causa separationis perpetua quoad torum, quæ causa perpetua non est, nisi alterutrius conjugis fornicatio, vi cuius sit, ut v. g. maritus adulteræ sic eam possit ejicere, ut nequidem emendatam debeat recipere. Nec refert, quod dicat ab inlicitis connubiis abstinentium: quænam enim iterum est hæc sequela: "Monet Bonifacius, ab illicitis connubiis abstinentium; ergo monnet, quod, in casu Apostoli, aliud non liceat inire connubium? " Nemo sane est nostrum, qui idem non dicat, quod sanctus ille martyr.

CXXIX. At, inquit dissertator pag. 33. (82.) *Inlicita connubia vocat, quæ alterutro ex conjugibus vivente, ineuntur, & ab iis abstinentium esse docet.*

R. Merito hoc docet: qui enim non possunt a suis conjugibus ulla occasione separari, excepta causa fornicationis, illi non sunt, de quibus dicit Apostolus: *Quod si infidelis discedit, discedat, non enim servituti subiectus est frater aut soror in hujusmodi, prout pater. Si itaque illi de quibus loquitur Bonifacius, & de quibus non agit Apostolus, alterutro ex conjugibus vivente connubia ineant, adulteria perpetrant, a quibus abstinentium recte docuit Bonifacius.*

CXXX. Cum autem meminerit dissertator S. Bonifacii martyris archiepiscopi Moguntini, abs re non erit unum etiam archiepiscopum Moguntinum proferre in medium. Is est Rabbanus Maurus, author seculi noni, cuius eruditio tota novit ecclesia. Is porro tomo 5. pag. 311. col. 1. paulo post medium ita loquitur: "Quod si infidelis discedit, discedat.

„ Propositorum religionis custodit, praincipiendo  
 „ ne Christiani relinquant conjugia (hoc ref-  
 „ picit immediate præcedentia) sed si infidelis  
 „ odio Dei discedit, fidelis non erit reus dis-  
 „ soluti matrimonii; major enim causa Dei est,  
 „ quam matrimonii: *Non est enim frater aut*  
 „ *soror servituti subiectus in hujusmodi*; hoc est,  
 „ non debetur reverentia conjugii ei, qui hor-  
 „ ret authorem conjugii: non enim ratum est  
 „ matrimonium, quod sine Dei devotione est,  
 „ ac per hoc non est peccatum ei, qui dimit-  
 „ titur propter Deum, si alii se junxerit: con-  
 „ tumelia enim Creatoris solvit jus matrimonii  
 „ circa eum, qui relinquitur, ne accusetur alii  
 „ copulatus. Infidelis autem discedens, & in  
 „ Deum & in matrimonium peccare dignoscitur,  
 „ qui noluit sub Dei devotione habere conju-  
 „ gium. Itaque non est ei fides servanda conjugii,  
 „ qui ideo recessit, ne audiret authorem esse  
 „ Christianorum Deum conjugii: nam si Hesdra  
 „ dimitti fecit uxores aut viros infideles &c.,  
 „ quanto magis, si infidelis discesserit, libe-  
 „ rum habebit arbitrium, si voluerit nubere  
 „ legis suæ viro? „

Dicet forte dissertator, quod & hic archie-  
 piscopus sequatur Ambrosiastrum, ut sic ejus  
 possit autoritatem eludere (aliud siquidem non  
 solet dicere, dum non potest argumenta solvere)  
 sed de hoc postea.

CXXXI. Ut præoccupet dissertator generale  
 responsum, quod ad ejus argumenta dari pos-  
 set, dicendo nimirum, illa esse negativa, &  
 consequenter hoc in casu nullius esse momenti,  
 cogitandum monet pag. 33. (82.) " Validissimum  
 esse negativum argumentum, cum universale  
 formatur, & totam materiæ rationem coer-  
 , ces

„cet ; cogitet , inquit , quod cum nullus omnino scriptor æqualis , nullum prorsus traditionis monumentum æquale vel suppar alicui doctrinæ vel facto præstet testimonium , tunc ex eo silentio , maxime si 600. , vel 700. annorum sit , efficacissimum desumatur argumentum : alias enim nullus fabulas confutandi supereret locus . „

CXXXII. R. 1<sup>o</sup>. Retorquendo argumentum. Inter SS. PP. ne unus quidem est , qui , agens de verbis Apostoli , quod si infidelis discedit , discedat , non enim servituti subiectus est frater aut soror in hujusmodi , eo modo illa explicaverit , quo explicat dissertator , ne unus , inquam , est , qui illam immunitatem a servitute sic intelligendam dixerit , ut tantum importaret liberationem ab obligatione cohabitandi , non autem libertatem ad secunda vota transeundi ; ergo eorum constans perpetuumque super ista explicatione silentium , validissimum est argumentum , quod dissertatoris explicatio non subsistat ; alias enim , cum juxta ipsum pag. 31. (80.) *casus similes frequentissime occurere deberent* , monuissent procul dubio & monere debuissent , quod , discedente infideli , partem fidelem non eximeret Apostolus ab obligatione ad alias nuptias non transeundi , & consequenter , quod manere deberet innupta.

CXXXIII. Dixi : monere debuissent &c. , quia generalia sunt hæc Apostoli verba : *Non enim servituti subiectus est frater aut soror in hujusmodi* , natumque erat fieri , ut etiam a fidelibus generaliter , & de liberatione ab omnimoda matrimoniali servitute inteligerentur , si non essent moniti , quod cum antedicta limitatione essent intelligenda. Hoc autem ne unus quidem SS. patrum præstitit ; ergo dissertatoris explicatio

O

tio non subsistit. Deinde, utrum fuerit tantum  
hac super re silentium, quantum afferit disser-  
tator, visum est in antecedentibus, in quibus  
ostendi SS. Justinum, Ambrosum, Chrysofto-  
mum & Augustinum sensisse nobiscum.

CXXXIV. Cur autem SS. PP. in casu Apostoli libertatis ad secunda vota transeundi saepius & expressius non meminerint, difficile non est conjicere: nam, ut recte advertit dissertator pag. 23. (72.) *sacri canones secundas fidelium nuptias certo sensu semper improbarunt*: ideo igitur noluerunt sancti patres saepius & expressius inculcare in casu Apostoli licitum esse fideli ad secundas transire nuptias, quia illas certo sensu improbant.

CXXXV. R. 2<sup>v</sup>. Si argumentum cum argumento comparetur, id est negativum cum positivo, debet procul dubio, ceteris paribus, positivum pravaleere negativo. Cum ergo, juxta dissertatorem, ex negativo efficacissimum desumatur argumentum, *maxime si silentium 600. vel 700. annorum sit*, ex positivo desumetur efficacius, & maxime, si fuerit ejusdem aetatis: atqui a seculo duodecimo ad decimum octavum usque, constans fuit ecclesiæ doctrina, quod, in casu Apostoli, posset matrimonium dissolvi; ergo ex hoc tot annorum ecclesiæ testimonio, positivum & tam efficax desumitur argumentum, ut omnes negativi vires penitus elidat, illudque velut *telum imbelle & sine ictu* repellat. His adde, quod supra jam dixi, nempe quod SS. PP. de solutione matrimonii rati per professionem religiosam saepius non sint locuti, quam de solutione matrimonialis vinculi in casu Apostoli. Quid autem inde potest inferri, an forte, quod erraverit ecclesia, dum definit illud dissolvi?

CXXXVI. In favorem sententiæ suæ adducit etiam dissertator pag. 34. (83.) venerabilem Bedam, qui in caput 10. Marci ita commentatur.

„ Una solummodo causa est carnalis fornicatio, una spiritualis, timor Dei, ut uxor dimittatur, siue multi religionis causa fecisse dicuntur: *Nulla autem causa est, Dei lege prescripta, ut vivente ea, quæ relicta est, alia ducatur.* „ At respondi dissertationis meæ pag. 45. quod ibi iterum non sit casus Apostoli, quia, etiam supponendo, quod tamen verum non est, agere Bedam de infidelibus conjugibus, quorum unus convertitur, & alter non, equidem non agit de illis, qui a parte infideli dimittuntur, sed qui partem infidelem pacifice cohabitare volentem dimittunt, quo casu fatentur ipsis non licere aliud matrimonium inire.

CXXXVII. Reponit dissertator ibidem me non reflectere, „ Bedam ly *discedat*, quemadmodum & Augustinus, non ad partem infidelem, sed ad partem fidelem referre: adeoque ipsum optimo jure de parte fideli dixisse; in casu Apostoli non licere, ut vivente ea, quæ relicta est, alia ducatur. „

¶. Ipse potius non reflectit, quod, etiam referendo ly *discedat* ad partem fidelem, nihilominus pars fidelis sit adhuc dimissa & non dimittens: agit tamen Beda de eo, qui uxorem dimittit, ut patet ex textu; ergo non agit de casu Apostoli, ad quem utique requiritur, ut pars fidelis in odium fidei dimittatur ab infideli. Major certa est, quia etiam referendo ly *discedat* ad partem fidelem, hæc non discedit, nisi quia infidelis primo discedens ipsam dimittit, nolendo ipsis cohabitare, vel non nisi cum injuria Creatoris. Ergo etiam facta relatione verbi *discedat* ad partem fidelem, hæc adhuc est dimissio.

sa & non dimittens, saltem virtualiter, de quo casu non agit Beda, sed de illo, quo fidelis dimittit infidelem pacifice cohabitare volentem, cum hoc solo casu pars infidelis possit esse pars, quæ reliqua est.

CXXXVIII. Refert etiam dissertator pag. 35. (84.) textum Theophylacti, cuius memini dissertationis meæ pap. 46. & in hunc modum concludit pag. 36. (85.) Itaque verba: *satus est connubium „solvere, quam pietatem, melius est secedere, quam „altercari, solo nomine divortii explicat. Illud „autem intelligere de vinculi solutione, ab ex- „pressione patrum, sepositis circumstantiis, „alienum est. „At rectius dixisset, quod, sepo- sitis circumstantiis, intelligere dumtaxat de se- paratione habitationis, to solvere connubium, fa- cere divortium, a consueto istorum temporum loquendi modo esset alienum, quandoquidem, per se loquendo, per to solvere connubium, face- re divortium, olim nihil aliud intelligeretur, quam solutio vinculi, prout novit dissertator.*

CXXXIX. De cætero illum Theophylacti lo- cum non citavi, ut nostram inde sententiam probarem, quamvis, ut jam videtur, facere id potuisse; sed, ut refutarem advocatum illum, qui in sua consultatione asserebat se Theophyla- ctum examinasse, & interim Theophylactum ne- quidem viderat, cum loco verborum Theophylacti, obtruderet verba Cajetani, quorum nihil habetur in Theophylacto. Illum, inquam, non citavi, ut nostram inde sententiam probarem, sed, ut viderent adversarii, quibuscum tunc agebam, quid haberet, & quantum ipsis faveret Theophylactus, prout dixi loco dissertationis meæ supra citato.

CXL. Quærerit dissertator pag. 39. (87.), Qua fide „falsitatis accusem Fra-Paolo, referentem patrem

„ Soto , cum in concilio Tridentino esset ,  
„ multum operæ posuisse in verbis S. Pauli ex-  
„ plicandis , neque veritum fuisse dicere , *meli-*  
„ *rem esse sensum Cajetani* , quod illa etiam S.  
„ Pauli separatio fidelis ab infideli , non intel-  
„ ligatur quoad vinculum matrimonii , atque  
„ rem esse a sancta synodo diligenter confide-  
randam . „

CXLI. R. Illum falsitatis accuso , quia omnes circumstantiæ clamant non tantum non contigisse , sed nec , saltem moraliter loquendo , potuisse contingere , quod refert Fra-Paolo. Sunt autem hæ circumstantiæ .

Primo , Petrus Soto absolute & sine ulla dubitatione sustinebat , in casu Apostoli partem conversam ad secundas posse nuptias transire ; dicit enim tract. de institutione sacerdotum cap. 12. *Ex quo etiam illud secundum probatur , quod scilicet , discedente infideli... liceat fidi contraherere matrimonium.* Fieri igitur non potest , ut non veritus fuerit *dicer* , *meliorem esse sensum Cajetani* , prout refert Fra-Paolo , quia , dum vir sensatus & prudens sententiam aliquam absolute sustinet , numquam existimat , vel existimare potest , opinionem suæ oppositam esse *veriorem* ; sustinebat autem Soto absolute & sine ulla dubitatione , in casu Apostoli matrimonium dissolvi , prout jam vidimus ; ergo sententiam suæ oppositam nec existimavit , nec existimare potuit esse veriorem .

CXLII. Secundo , asserebat Soto eam , quam tradebat , esse claram Apostoli doctrinam , subdit enim : *Paulus enim aperte hoc docet* , nempe in casu , de quo agitur , dissolvi matrimonium . Dissertatoris conscientiam hic convenio . Fierine potest , ut , qui existimat , & sustinet ab Apostolo aliquid *aperte doceri* , oppositum dicat esse

*verius?* Hoc nimur ferit humanum sensum.  
Ergo mecum fateatur necesse est, si ingenuus ve-  
lit loqui, falsum esse, quod refert Fra-Paolo.

CXLIII. Frustra dixeris, patrem Soto suam,  
in concilio Tridentino, mutasse sententiam, &  
adoptasse illam, quae erat Cajetani, supposito,  
quod illa ipsius fuerit, quam ipsi tribuunt ad-  
versarii. Hoc, inquam, dici non potest, quia  
vel sententiam suam mutasset propter rationes,  
quas producebat Cajetanus, vel propter ejus  
authoritatem.

Primum dici non potest, quia Cajetanus nul-  
lam produxit illius sententiae rationem; ergo  
propter ejus rationes dici non potest Petrum So-  
to suam mutasse sententiam.

Multo minus asseri potest secundum: primo,  
quia si de authoritate, seclusis rationibus, age-  
batur, major erat authoritas S. Thomæ, quam  
Cajetani, prout optime noverat Soto; ergo, a-  
gendo de authoritate, minorem non praetulisset  
majori, seu non deseruisset S. Thomam absolute  
docentem, quod in casu Apostoli solvatur  
matrimonium, ut sequeretur oppositam Cajetani  
sententiam.

CXLIV. Tertio, quia in materia dogmatis  
Petrum Soto non movebat authoritas Cajetani,  
quod vel ex eo patet, quod loco supra citato de-  
ferat Cajetanum, ut communem sequatur ec-  
clesiae sensum. *Quamquam*, inquit lect. 12. Ca-  
jetanus probabile putet, papam dispensare posse,  
ut dissolvatur (matrimonium fidelium non con-  
summatum) & aliud contrahatur.... ecclesia ta-  
men hoc non recipit, nec umquam consuetum est.  
Ergo propter Cajetani authoritatem sententiam  
suam non mutavit Soto, maxime, cum fatere-  
tur Cajetanus, ecclesiam in illo sensu Apostoli  
verba intelligere, quo Soto illa intelligebat. Ita

siquidem loquitur scribens in cap. 7. 1. ad. Cor.  
 „ *Quod si infidelis discedit , .... discedat , separe-*  
 „ *tur. Non enim servituti subiectus est frater aut*  
 „ *foror in hujusmodi : hoc est, in ejusmodi even-*  
 „ *tu non est servituti conjugii subiectus frater*  
 „ *vel foror.... In hoc sensu communiter intelligit*  
 „ *hæc Pauli verba ecclesia. Hinc enim intelli-*  
 „ *git liberum esse tam Christianum , quam*  
 „ *Christianam conjugem , si infidelis conjux se-*  
 „ *paretur , ad contrahendum cum alio seu cum*  
 „ *alia conjugium. ,* Hæc tam clara , tam perspi-  
 „ *cua sunt , ut afferere Petrum Soto sententiam*  
 „ *mutasse , propter Cajetani autoritatem , sit in*  
 „ *ipsa luce meridiana cæcutire.*

CXLV. SubOLFecisse hoc videtur dissertator,  
 & ideo subdit pag. 41. (90.) „ Non diximus P.  
 „ Soto propter autoritatem Cajetani hanc suam  
 „ priorem sententiam *totaliter* deseruisse. Potuit  
 „ namque , authoritate Cajetani motus , dicere ,  
 „ quæ dixit , licet paulisper adhuc in senten-  
 „ tia , quam ante docuerat , permaneret. „

R. Nolo hic par pari referre , nolo , inquam ,  
 dissertatori reddere sua verba , quæ habet pag.  
 43. (92.) *Quis homo sani cerebri dixerit. &c. Sed*  
*simpliciter petam , utrum ad sua dicta reflexerit ?*  
*Potestne aliquis sententiam suam magis totali-*  
*ter deserere , quam affirmativam mutando in ne-*  
*gativam , seu negando , quod affirmaverat ? Pote*  
*stne quispiam permanens paulisper in sententia ,*  
*quam ante docuerat , nempe , Paulum aperte do-*  
*cere , in casu , de quo agitur , matrimonium*  
*solfi , dicere sententiam oppositam , seu , quæ di-*  
*cit illud non solvi , esse veriorem , sicut post Fra-*  
*Paolo assertor dissertator Petrum Soto dixisse ?*  
*Ista fibi nimium adversantur , nec concipio , qui*  
*in mentem dissertatoris cadere potuerint.*

CXLVI. Sed & quomodo illud non timuit

afferere: *Potuit namque (Soto) auctoritate Cajetani motus dicere, quæ dixit &c.* Cum ipsem, qui auctoritatem Cajetani hic, seu pag. 41. (90.) urget, dixerit pag. 37. (86.) quod Cajetanus, ut Paulum cum Domino conciliet, *magnas nugas agat?* Multum profecto laudat utrumque auctorem, quem citat, dum unum dicat auctoritate alterius, qui *magnas nugas agit*, potuisse moveri. Verba tamen sunt dissertatoris, qui ibidem, seu pag. 37. (86.) ita loquitur.

CXLVII. „ Hic Cajetanus quidem admittit textum communiter exponi de solutione vinculi, sed simul afferit textum Pauli litteraliter hoc non sonare, licet propter communem istam scholasticorum traditionem, quæ suo tempore jam aliquas ecclesiæ provincias invaserat, videatur admittere Dominum hanc potestatem solvendi matrimonium tantum dedisse marito propter fornicationem uxoris, quam Paulus concedit utriusque coniugi; adeoque, ut salvet istam sententiam, & Paulum cum Domino conciliet, dubitanter magno contentu *magnas nugas agit*. Similis in eo adolescenti, qui propter reverentiam patris, præcepto patris, quod ipse non rectum putat, obsequi videtur: sed non sine murmuratio- ne. „ Ecce quomodo Cajetanum uno loco tamquam nugatorem traducat, & ludibrio exponat, & in alio afferat, potuisse Petrum Soto, celebrissimum, inquam, istum theologum, auctoritate illius moveri, ut diceret, quæ ab ipso dicta refert Fra-Paolo, nempe *veriorēm* esse illius sententiam.

CXLVIII. Deinde non docuit Cajetanus in casu Apostoli matrimonium non dissolvi; ergo dicere non potuit Soto, qui illud dissolvi docebat, sententiam ejus *veriorēm* esse, quam suam.

Antecedens probavi dissertationis meæ pag.  
38., ubi, inter cætera, ostendi, quod Cajetanus  
non tantum admitteret ecclesiam hæc Pauli  
verba: *Quod si infidelis discedit, discedat: non*  
*enim servituti subiectus est frater aut soror in hu-*  
*jusmodi*, communiter intelligere de solutione  
vinculi, sed etiam hanc ejus interpretationem  
approbaret, dicens: „Qui tamen antiquo usu  
„sensem communem textus hujus firmatum  
„credo: & textus capax est hujus sensus com-  
„munis.“ Quomodo textus Apostoli, juxta  
Cajetanum, capax est illius sensus, in quo illum  
communiter intelligit ecclesia, si illum non  
contineat, & quomodo potest illum continere,  
si falsus sit communis ille sensus, quo ipsum  
ecclesia intelligit? Sane, ut ibidem dixi, asser-  
re, quod aliqua propositio *hunc vel istum sensum*  
*nullatenus contineat*, & tamen quod *hujus vel*  
*istius sensus capax sit*, est implicantia in termi-  
nis. Atqui, ut vidimus, asseruit Cajetanus, quod  
textus Apostoli capax esset illius sensus, in quo  
illum communiter intelligit ecclesia; ergo existima-  
vit, quod communem illum ecclesiæ sensum tex-  
tus Apostoli contineret, seu, quod, juxta illum  
textum, solveretur matrimonii vinculum, prout  
intelligebat ecclesia, licet, ut ipse putabat, non  
tam clare hoc exprimeret Apostolus.

CXLIX Quomodo igitur dissertator pag. 37.(86.)  
de me loquens dicere potest: *Siquidem admitte-*  
*re debeat Cajetanum, attenteis verbis prædictis, il-*  
*lius sententiae fuisse*, quod non dissolveretur in  
casu Apostoli matrimonium, cum loco citato,  
non tantum hoc non admiserim, sed positive  
improbaverim, & ipse rationes meas nequidem  
ausus fuerit attingere. „Hæc est itaque, ut  
„dixi dissertationis meæ pag. 39., indubitate  
„mens Cajetani, quod, sicut in ecclesia com-

„ muniter admittitur, in casu Apostoli matrimonium solvi, ita etiam admitti deberet, per fornicationem alterutrius conjugum dirimi, cum, ut ipse arbitratur, clara sint Christi verba, quibus in hoc casu matrimonium dissolvi pronuntiat, & tamen adeo clara non sint verba Apostoli, utpote, qui expressis terminis non dixit matrimonium solvi, sed tantum in hujusmodi non esse subjectum fratrem aut sororem servituti. Proinde a communi sententia non deflexit Cajetanus, sed eam potius stabilivit, sustinens textum Apostoli *cā pacem esse illius communis sensus, qui antiquo usu ecclesiæ erat firmatus.*”

CL. Ex dictis & probatis tanta patet evidentia, quanta potest esse maxima, in concilio Tridentino numquam dixisse P. Soto opinionem Cajetani esse *veriorem* sua, neque etiam monuisse *rem esse a sancta synodo diligenter considerandam*, cum nemo sani cerebri, qualis tamen erat P. Soto, dicere possit diligenter considerandum esse, utrum illud verum sit vel falsum, quod *Paulus aperte docet*. Atqui, ut vidimus, absolute sustinebat Soto *Paulum aperte docere*, partem conversam ad alias posse nuptias tranfire; ergo &c. Itaque nullatenus admitti potest, quod dicit Fra-Paolo, & in cuius autoritate se fundat dissertator, utpote, qui, ut ex illustrissimo domino Bossuet dixi dissertationis meæ pag. 35., non tam fuit concilii Tridentini historiographus, quam ejusdem *hostis declaratus*, cuius proinde testimonium omni jure potest repelli.

CLI. Ad hæc respondet pag. 40. (89.)” Sint ita vera, quoad ea, in quibus Pallavicinus ei contradixit: quod vero hoc punctum attinet, in quo adversarius eum mentitum esse &

„ publico imposuisse contendit , altum apud Pallavicinum est silentium : ex quo silentio solidum nascitur argumentum , vera esse , quæ Fra-Paolo hic revulit . „  
R. Qui pag. 17. ( 66.) me in *subtilitatibus scholasticis* dicit versatum magis , quam in *re historico* , ignorare non deberet , noluisse Pallavicinum omnes Fra-Paolo errores , sed graviores dumtaxat refellere , cum hoc ipsem in apparatu ad historiam concilii Trid. declareret Pallavicinus cap. 5. num. 7. dicens ; ” Apud me statu tui sincere veritatem hic exponere , atque si mulgraviora mendacia refellere . Graviora , inquam , quia , quemadmodum non quæcumque vera sint , tanti sunt ponderis , ut mereantur posteriorum memorie commendari , ita neque falsa quælibet tanti sunt momenti , ut operæ pretium sit eadem e posteriorum fide depellere . „ Et cap. 7. ” Jam prius monui mihi non esse propositum lectoribus exhibere molestiam singulis periodis refellendo , quidquid falsi dictum a Suavi mihi videbatur &c. „ Videtur modo dissertator , quam infundate dicat , ex silentio Pallavicini solidum nasci argumentum , vera esse , quæ Fra-Paolo hic revulit .

CLII. Ad authoritatem S. Thomæ , doctoris ecclesiæ , quam dissertationis meæ pag. 22. & seq. in favorem nostræ sententiæ adduxi , respondet pag. 41. ( 90. ) “ quod ” ab Innocentio III. separari non debeat ; nam , inquit , sicut iusdem authoritate in cap. 6. *¶ de stat. monach.* motus est , ut voti solemnis indispensabilitatem , ut loquuntur , assereret , ita ejusdem authoritate in cap. 7. *¶ de divorc.* inductus est , ut crederet in casu Apostoli matrimonii vinculum solvi . Itaque , quæ quo-

„ ad hos duos casus docuit S. Thom., ad opinio-  
„ nem Innocentii III. referri debent, quæ, si  
„ non subsistere probetur, nihil ex S. Thoma  
„ pro utroque hoc casu probari poterit. „

CLIII. R. Verum est, quod, si sententia  
Innocentii III. probetur non subsistere, nec sub-  
sistat sententia S. Thomæ, cum utriusque una  
& eadem sit, quantum ad ea, quæ casum A-  
postoli concernunt. Sed quomodo hoc probatur?

Probationem illam subdit ibidem dicens:  
„ Nihil autem probare pro casu voti sole-  
„ nis, putant multi, pari jure putamus & nos,  
„ eum rem non evincere pro casu Apostoli. „

R. Utrum hæc serio potuerint dici, lector  
djudicet. Ut probet dissertator, quod nec Inno-  
centii III. nec S. Thomæ sententia subsistat, a-  
deoque ex ea probari nihil valeat, dicit se pu-  
tare, quod, in casu Apostoli, nihil evincat.  
Dicat mihi, quæso, in qua patria obtineat,  
ut aliquid putare, sit illud probare? Hæc ita-  
que misa faciamus.

CLIV. Sed cur illud dissimulat, quod ibidem  
proposui ex S. Th. 2. 2. q. 10. a. 12. Ma-  
ximam habet autoritatem ecclesiæ consuetudo,  
quæ semper est in omnibus æmulanda, quam pro-  
inde ipse est æmulatus, cum non esset de nu-  
mero eorum, qui dicunt & non faciunt? Non  
ergo deseruisset S. Th. ecclesiæ consuetudinem,  
partem conversam ad secundas nuptias non ad-  
mittendi, si qua talis ante tempora Innocentii  
III. & Gratiani fuisset in ecclesia, præsertim  
cum opposita, quæ, juxta adversarios, per Gra-  
tianum & Innocentium III. fuisset introducta,  
non fuisset nisi mera legis divinæ & naturalis  
prævaricatio, quantocumque demum tempore  
durasset. Non ergo sola Innocentii III. autho-  
ritate motus docuit S. Th. in casu Apostoli

matrimonium solvi, sed quia optime noverat hunc esse sensum scripturæ, quem, in i. ad Cor. 7. commentans, adferebat; ut proinde docuisset, quod docuit, etiam si decretalis illa non existisset. Deinde, si ante tempora Innocentii III. & Gratiani alia fuerit in ecclesia consuetudo, quam nunc est, si aliter docuerint SS. PP. quam nunc docemus, cur ergo S. Th., qui antiquam ecclesiæ consuetudinem noverat, qui in lectione SS. patrum assiduus erat, sibi que objicere satagebat, quidquid suæ sententiae videbatur adversari, cur, inquam, illorum ne meminit quidem?

CLV. Dissertatorem mirum in modum premit & urget dissolutio matrimonii rati non consummati, quæ fit per solemnam in approbata religione professionem, & de qua locutus sum dissertationis meæ pag. 28. & seq., ut ostenderem, in fumum abire magnum illud, & quod adversarii tamquam insolubile jactitabant, argumentum, ex indissolubilitate matrimonii presumptum. Itaque respondet pag. 42. (91.)  
„Modo, quæ diximus de absoluta matrimonii „insolubilitate, vera sint de matrimonio con- „summato, ruit omne, quod adversarii pro- „ferunt pro sua sententia. „

CLVI. R. Oppositum omnino verum est: si enim in aliquo casu dissolvatur matrimonium ratum, prout certum est dissolvi, ruit, ut verbis ejus utar, *omne, quod adversarii proferunt pro sua sententia, ut patebit consideranti.*

Probant primo matrimonium consummatum nullo prorsus casu dissolvi, quia dictum est: *Hoc nunc os ex ossibus meis, & caro de carne mea... Quamobrem relinquet homo patrem suum & matrem, & adhaerabit uxori suæ, & erunt duo in carne una.* Atqui verba illa de omni prorsus

matrimenio legitime contracto intelliguntur, & non tantum de consummato, quandoquidem Adam nondum consummasset matrimonium, quando illa protulit; ergo tam non consummati, quam consummati matrimonii *perpetuum indissolubilemque nEXUM* denotant, & sic etiam illa intellexit Trid., dum ex illis generaliter, & sine ulla distinctione inter matrimonium consummatum & non consummatum, illius indissolubilitatem asseruit: atqui tamen inde non probatur matrimonium non consummatum in nullo prorsus casu dirimi; ergo nec probatur consummatum in nullo casu dissolvi, sed tantum, quod nec mutuo contrahentium consensu, nec ulla authoritate pure humana fieri umquam possit, ut illius vinculum solvatur.

CLVII. Secundo, matrimonii consummati indissolubilitatem probant ex verbis Christi: *Quod Deus coniunxit, homo non separet*: Atqui virum & mulierem coniunxit Deus, antequam matrimonium consummatum, cum non copula, sed consensus matrimonium faciat, prout habet commune axioma; ergo iterum verba illa tam non consummatum, quam consummatum matrimonium indissolubile asserunt. Atqui tamen ex iis non probatur, quod non consummatum in nullo casu dissolvatur; ergo nec probatur, quod consummatum in ullo casu dirimatur, sed tantum, quod in nullo prorsus casu posit homo matrimonii vinculum solvere, quod verum est. Proinde ex matrimonii non consummati dissolubilitate, ruit omne illud, quod adversarii proferunt pro sua sententia. Sed inspiciamus singula.

CLVIII. Ut sese a difficultatibus, quas in sua sententia invenit, expeditat dissertator, nondum, quem non potest solvere, conatur seim-

dere, insinuans pag. 43. (92.) matrimonium ratum & consummatum inter fideles non esse *absolutum & perfectum*, sed dumtaxat conditionatum, & ideo partem, quæ *solemniter profitetur*, liberari, quod, tali *casu*, deficiente conditione, NUMQUAM INTELLIGATUR FUISSE MATRIMONIUM, prout docet pag. 44. (93.)

CLIX. Ecce quomodo ab una novitate ad aliam procedatur, dum antiquitatis repagulum semel frangitur. Quid! Matrimonium non consummatum inter fideles legitime initum, parte altera solemniter profitente, deficiente conditione, numquam intelligitur fuisse matrimonium! Ergo numquam intelligitur fuisse sacramentum, cum non possit esse sacramentum, nisi sit matrimonium: proinde, juxta dissertatorem, dicendum rationem sacramenti ab hoc pendere, utrum unus conjugum sit solemniter professurus, an non, quod nemo non videt esse ridiculum.

CLX. Secundo, si, deficiente conditione, numquam intelligatur fuisse matrimonium, ergo, si alteruter vel uterque ante professionem cum alia persona libera habuisset carnale commercium, licet illicite egisset, non tamen veri nominis adulterium commisisset, cum non possit veri nominis adulterium intelligi, nisi veri nominis matrimonium intelligatur. Admittetne hoc dissertator?

CLXI. Tertio, si ante unius partis professionem solemnem, quam postea secutam suppono, pars altera inivisset aliud matrimonium, quod mox consummasset, sequeretur, quod validum foret ejusmodi connubium, quia, deficiente conditione, juxta dissertatorem, primum numquam substituit, quod nemo in re canonica versatus admiserit.

Prob. sequela: quia res uni sub conditione donata, pendente conditione potest alteri valide donari & tradi. Admittetne hoc iterum dissertator.

CLXII. Quarto, si, deficiente conditione, numquam intelligatur fuisse matrimonium; ergo pars in seculo remanens, cum consanguineis partis professæ nullum contraxit publicæ honestatis impedimentum, quia ex matrimonio rato, defectu consensus invalido, illud non contrahitur: hic autem est defectu consensus invalidum, si dissertatoris dicta subsistant, cum pars una in alteram non consenserit absolute, sed sub conditione, qua non impleta, dici non potest consensisse. Sicut ergo si Titia Mævio dicat: *Accipio te in meum, si pater meus consentiat*, patre non consentiente nullum est matrimonium, nullumque cum consanguineis Titiæ publicæ honestatis impedimentum, ita nullum erit, si alteruter conjugum postea solemniter profiteatur, quod numquam est auditum.

CLXIII. Quinto, dicit Trid. sess. 24. de matrim. can. 1. *Si quis dixerit matrimonium ratum non consummatum per solemnam religionis professionem alterius conjugum non dirimi, anathema sit.* Quomodo illos vocat conjuges, inter quos numquam intelligitur fuisse matrimonium, & quomodo dicit matrimonium *dirimi*, quod numquam existit? Recurrere hic non potest dissertator ad declarationem nullitatis, quasi nimurum dumtaxat declararet Trid. in isto casu matrimonium fuisse nullum.

CLXIV. Primo, quia in canonibus suis non usus est synodus Tridentina locutione impropria; dicere autem, quod aliquod matrimonium dirimatur, dum v. g. a judice nullum declaratur, non est propria locutio, prout supra ostendi.

CLXV.

CLXV. Secundo, quia opus non fuisset definitione Tridentina, ut sciremus contractum aliquem, sub conditione initum, deficiente conditione non subsistere, hoc enim, a minimo usque ad maximum, omnes norunt. Ceterum tamen est, quod, si non definitivisset Tridentinum matrimonium ratum per professionem solemnem dirimi, pars longe maxima hoc negaret, assertaretque, uno conjugum solemniter profitente, non posse alterum ad secundas nuptias transire, nec ulla tenus dubito, quin eis assentiretur dissertator; ergo sua definitione non declaravit dum taxat Trid. matrimonium in casu isto, deficiente conditione, fuisse nullum, sed legitime contractum & validum re ipsa dirimi.

CLXVI. In stat interim dissertator pag. 42. (91.)  
 " & S. Thomam objicit, docentem suppl. quest.  
 " 61. a. 2. ad 2. " ante carnalem copulam  
 " non esse omnino translatum corpus unius sub  
 " potestate alterius, sed, sub conditione, si interea alter conjugum ad frugem melioris  
 " vitae non convolet. "

R. Si hoc D. Thomae responsum cum objectione proposita conseratur, mox apparebit, de qua conditione in verbis illis sit intelligendus. Fuit autem huiusmodi objectione: *In ipso consensu per verba de praesenti expresso, unus conjugum in alterum potestatem sui corporis transfert; ergo statim debet exigere (id est jus habet exigendi) debitum, & alter tenetur reddere, & ita non potest unus, invito altero, ad religionem transire.* Ex hac objectione, ad quam respondeat, dum dicit: "ante carnalem copulam non esse omnino translatum corpus unius sub potestate alterius, sed, sub conditione, si interea alter conjugum ad frugem melioris vi-  
 " te non convolet," manifestum est, quod

P

conditio , de qua agit S. Th. , tantum afficiat jus exigendi debitum in uno , & obligationem reddendi in altero , ita , ut ante elapsum bimestre non possit unus conjugum jure illud exigere , nec alter teneatur reddere , quia jus illud , aut , si velis , possessio juris , usque ad tempus prædictum suspenditur.

CLXVII. Sensus ergo D. Thomæ est , quod ante carnalem copulam non sit omnino translatum corpus unius sub potestate alterius cum jure exigendi debitum in una parte , & obligatione reddendi in altera , sed , *sub conditione* , quæ conditio non reddit magis contractum matrimoniale conditionatum , seu a futura conditione pendente , quam conditio non solvendi ante bimestre pretium rei emitæ , emptionem venditionem reddat conditionatam.

CLXVIII. Quod hæc sit certissima mens D. Thomæ , seu , quod numquam existimaverit S. Thomas , uno conjugum profitente solemniter , deficiente conditione , numquam intelligi fuisse matrimonium , probatur ex corpore ejusdem articuli , ubi ait : *Sicut post carnalem copulam matrimonium solvitur per mortem carnalem , ita per ingressum religionis , VINCULUM , quod est ante carnalem copulam , solvitur , quia religio est quædam mors spiritualis.* Item art. 3. ad 1. *Quando unus.... vovet , tunc , quantum est in se , abrenuntiat vinculo conjugali , & ideo alter absolvitur a vinculo illo.* Ergo juxta D. Th. , dum unus conjugum solemniter vovet , non intelligitur , deficiente conditione , numquam fuisse matrimonium , prout vult dissertator , sed e contrario intelligitur verum fuisse conjugium , utpote , quod peperit conjugale vinculum , quod sine vero coniugio non potest existere , & a quo pars altera absolvitur auctoritate divina.

CLXIX. Culpat dissertator pag. 43. (92.) quod dixi dissertationis meæ pag. 6. nempe , fieri posse , ut , qui nullo instanti liber est a matrimonio ante contracō , liber tamen sit a servitute matrimonii , seu ab obligatioue permanendi in contracō primitus matrimonio. Et in hunc modum interrogat : " Quod... aliam ducere non possit , „ ( pars fidelis ) numquid ex eo est , quod pri- „ mum matrimonium adhuc subsistat ? Quomo- „ do ergo dici potest , quod , illo subsistente , „ in ejus libertate sit , ut aliud inire possit ? „ R. Negando suppositum , quod , in casu A- postoli , pars fidelis aliud matrimonium inire non possit ; probandum hoc ipsi foret , & non supponendum , cum sit illud ipsum , quod in præsenti questione tractatur .

CLXX. Posse autem quempiam a matrimonio non esse liberum , & tamen liberum esse ab obligatione in eodem permanendi , evidens est in matrimonio etiam inter fideles inito , quod , si non fuerit consummatum , per solem- nem in religione approbata professionem dissol- vitur , quo casu fidelis non est liber a matri- monio , cum sit matrimonio junctus , & tamen liber est a servitute matrimonii , seu ab obligati- one perpetuo manendi in matrimonio , quan- doquidem primo bimestri possit , invita etiam com parte , religionem ingredi , & per solemnem in ea professionem matrimonii antea legitime contracti , sed non consummati , vinculum solva- tur , prout dixi dissertationis meæ pag. 7.

CLXXI. Sed , inquit ibidem , " Absonum „ omnino est exemplum a professione religiosa „ petitum , ut ostendatur , quempiam a matri- monio non esse liberum , & tamen liberum „ esse ab obligatione in illo perpetuo permanen- di : siquidem & illo casu , qui solemniter

„ vult profiteri , ante professionem obligatus  
 „ est perpetuo *manendi* in matrimonio contrac-  
 „ to... sicut & ille , cum quo ecclesia in ma-  
 „ trimonio rato dispensaret . „

CLXXII. R. Quis ejusmodi discursum non  
 miretur ? Si ante professionem obligatus sit per-  
 petuo manere in matrimonio contracto ; ergo  
 non potest profiteri , cum profitendo non ma-  
 neat in matrimonio contracto , sed ejus vincu-  
 lum solvatur. Subsistit itaque hic syllogismus :  
 „ Qui matrimonio non consummato ligatus  
 „ solemniter profitetur , non manet in matri-  
 „ monio ante contracto : atqui matrimonio  
 „ non consummato ligatus potest solemniter  
 „ profiteri ; ergo matrimonio non consummato  
 „ ligatus potest non manere in matrimonio  
 „ ante contracto . „ Proinde non absonum ,  
 fed peremptorium est , quod a professione reli-  
 giosa petitur exemplum , ut ostendatur posse  
 quempiam a matrimonio non esse liberum , &  
 tamen liberum esse ab obligatione perpetuo ma-  
 mendi in matrimonio .

CLXXIII. Probare intendit dissertator pag. 45.  
 (94.) verba Apostoli 1. ad Cor. 7. ¶ 15. non  
 esse generaliter accipienda , sed „ merito res-  
 trungi ad illam servitutis speciem , que vere  
 servitus est : neque enim , inquit , vinculum  
 matrimonii , quod vinculum perpetui amoris  
 est , quod & inter Adam & Evam fuit in sta-  
 tu innocentiae , recte servitutem vocaveris ; si  
 ergo servitus dici debeat , illud est ratione  
 tori & habitationis ; more omnium gentium ,  
 quo qualisunque obligatio servitus vocatur . „

CLXXIV. R. Sicut inter Adam & Evam fuit  
 in statu innocentiae matrimonii & amoris perpe-  
 tui vinculum , ita inter utrumque fuit obligatio  
 habitationis & tori ; si ergo matrimonii vincu-

lum non recte vocetur servitus, utpote, quod inter Adam & Eam fuit in statu innocentiae, pari jure obligatio habitationis & tori non recte vocabitur servitus, utpote, quæ in statu innocentiae inter ipsos etiam fuit. Hoc tamen ultimum negat dissertator, & recte; ergo pari jure aliud debet negare, seu debet admittere vinculum matrimonii, quod vinculum perpetui amoris est, quod & inter Adam & Eam fuit in statu innocentiae, recte servitutem vocari, quia, sub diverso respectu, unum & idem potest esse & amoris & servitutis vinculum, prout patet ex verbis ipsiusmet dissertatoris, secundum que, *more omnium gentium... qualiscumque obligatio servitus vocatur*. Atqui vinculum matrimonii, quamvis sit vinculum amoris perpetui, præter obligationem habitationis & tori, obligationem inducit, vivente conjuge, ad alias nuptias non transeundi; ergo sub hac ratione, juxta dissertatoris principia, servitus rectissime vocari potest, cum *more omnium gentium, qualiscumque obligatio servitus vocetur*. Porro generaliter, ut ante jam ostendi, & sine ulla restrictione docet Apostolus partem conversam in casu, de quo agitur, servituti non esse subjectam; ergo ab omni servitute matrimoniali libera est, seu non est subjecta obligationi ad alias nuptias non transeundi, præsertim, cum juxta ipsosmet adversarios, quos vindicare intendit dissertator, in verbis sacræ scripturæ generaliter prolatis, non sit facienda exceptio, quam ipsamet scriptura non fecerit: atqui nullam fecit Apostolus; ergo im-  
merito verba ejus restringunt.

CLXXV. Sed, inquit pag. 44. (93.) "Quam  
vitiosa sit hæc argumenti retorsio, facile in-  
telliget, quisquis noverit exceptionem a lege  
apte generaliter lata, commoda interpreta-

„ tione fore emolliendam , ut quam minimis  
„ possit a sensu legis recedatur &c. „

¶ Ut locum habere debeat *commoda illa interpretatio* , probari debet , quod generalia Pauli verba non possint generaliter intelligi , quia , si generaliter intelligi possint , *commodæ isti interpretationi locus non datur* , sed generaliter dicta , generaliter sunt intelligenda , & maxime , dum illa generaliter intelligit ecclesia , prout fit in casu : *huc usque autem probavit nemo generaliter non posse intelligi* ; ergo generaliter sunt intelligenda. Proinde sibi non constant adversarii , quibus in mea dissertatione respondebam , dum dicunt: *in verbis scripturæ sacræ generaliter prolatis non esse faciendam exceptionem , quam ipsamet scriptura non fecerit* , & interim ipsimet , in verbis Apostoli generaliter prolatis , exceptionem faciunt , quam non fecit Apostolus , & quam , ut ante probatum est , necessario debuisset facere , si verba sua generaliter prolata , existimasset generaliter non esse intelligenda.

CLXXVI. Disputat dissertator pag. 46. (94. & sq.) quis fuerit Ambrosiaſter ille , cuius opera sat diu Ambroſio Mediolanensi fuerunt attributa ; & quamvis significet ſe illum non nosſe , non tamen reformidat eum *tenebriōnēm* appellare. Sed forte vim vocis ignoravit. Ut poſſit quipiam *tenebrio* appellari , non ſufficit , ut sit ignotus , alias enim poſſet diſſertator quemcumque ignotum ſibi authorem iſto nomine odioſo inſignire , ſed requiritur , ut lucem fugiat & te-nebras diligat , quod , utrum fecerit ille Ambrosiaſter , aſſerere non potheſt diſſertator , utpote , qui illum non novit.

CLXXVII. Interim quicunque fuerit , ejus authoritatē adhibere non dubitavit Auguſti-

nus, ad revincendos Pelagianos: probat enim l. 4. con. duas epif. Pelagianorum cap. 4., hacc Pauli verba: *In quo omnes peccaverunt*, intelligenda esse de Adami persona, Adamique peccato, quod in posteros transfusum est: "Nam, inquit, & sic S. Hilarius intellexit, quod scriptum est, *in quo omnes peccaverunt*. Deinde addidit: manifestum est in Adam omnes peccasse, quasi in massa: ipse enim per peccatum corruptus, omnes, quos genuit, nati sunt sub peccato. Quæ sententia totidem verbis habetur in Ambrosiastro in cap. 5. epist. ad Rom. Ex quo sat probabiliter videtur, quod Ambrosiaster sit Hilarius ille, cuius meminit dissertator, & qui sub Liberio & Damaso flouruit, ac cum Lucifero ad Constantium imperatorem a Liberio papa missus, verbera passus & vincula, eadem, qua Lucifer, sententia in exilium pulsus fuerat, quique gloria confessionis clarus, & postmodum elatus, spernens eos, qui ceciderant, Luciferi partibus adhaesit. Si petas, quomodo S. Aug. Luciferianum vocet sanctum? R. Quia poterat Augustinus scire ipsum refutuisse, non enim omnes, qui schismati aliquando adhaeserunt, illi semper adhaerent.

CLXXXVIII. Pergit dissertator ibidem: "Si quis, inquit, videre velit multiplices errores ab eo auctore adsertos, legat, quæ de hoc Benedictini habent in monito ad hæc commentaria præmisso.,"

R. Atqui inter ejus errores non numerant, quod asseruerit in casu Apostoli matrimonium solvi, imo a tempore, quo in lucem prodiit Ambrosiaster, ne unus quidem fuit, qui doctrinam ejus hoc in puncto carperit, tamquam a communi ecclesiæ sensu recedentem; ergo a tanto tempore omnes cum ipso ejusdem fuerunt

sententiae, alias enim hunc ejus errorem, si vere fuisse error, notare non omisissent.

CLXXXIX. Sicut ergo dissertator pag. 40 (89.) de Fra-Paolo agens dicit : " Sint ista vera, quoad ea, in quibus Pallavicinus ei contradixit : quod vero hoc punctum attinet, ... altum apud Pallavicinum est silentium : ex quo silentio *solidum nascitur argumentum*, vera esse, quæ Fra-Paolo hic retulit. Ita cum ipso pariter discurro. " Sit verum errasse Ambrosiastrum in iis, de quibus ipsum authores catholicici accusant : quod vero hoc punctum attinet, altum apud catholicos authores est silentium, ex quo silentio *solidum nascitur argumentum*, vera esse, quæ hic docet Ambrosiaster. Validius quidpiam contra dissertatorem proferre non possem, ad probandum hoc in puncto non errasse Ambrosiastrum, cum sit proprium ipsius argumentum.

CLXXX. Prosequitur pag. 47. (96.) & asserit : " authores scholasticos, aliosque, qui fontes ipsos non consulebant, & studio critices, quo genuina a supposititiis secernuntur, substituti erant, Ambrosiastrum in hoc puncto errantem secutus fuisse, tuto se pede incedere putantes, eo quod *renebrionis* *hujus*, (cuius autoritatem citavit Aujustinus) opinio, nem, genuinam D. Ambrosii sententiam esse existimarent. Id certe, inquit, fecerunt Hugo a S. Victore, & Petrus Lombardus &c.,

CLXXXI. R. Ut possit afferi authores scholasticos &c. Ambrosiastrum *in hoc puncto errantem* fuisse secutos, probari debet, quod in hoc puncto erraverit Ambrosiaster, quod tantum abest, ut dissertator probaverit, prout supra visum est, ut potius, secundum ejus principia, mox probaverim *in hoc puncto ipsum non errasse*.

Sane , sicut afferit authores scholasticos Ambrosiastrum in hoc puncto errantem fuisse secutos , ita , & potiori jure , dici posset , quod advocatum quemdam , in hoc puncto errantem , fuerit secutus dissertator , quandoquidem ejus consultationem , majori ex parte describat , licet non eo ordine , quo illam ipse composuit : atqui tamen hoc non sufficeret , ut probaretur dissertatoris sententiam non subsistere , sed opus foret , ut simul ostenderetur , quod advocatus ille errasset , quem ipse secutus est ; ergo &c.

CLXXXII. Sed aliunde ratiocinium illud refutemus ; & omnem effugii locum adversario præcludamus. Afferit , ut vidimus , " authores , scholasticos.... Ambrosiastrum , in hoc puncto errantem , fuisse secutos , tuto se pede incendere putantes , eo quod *tenebrionis* hujus opinionem , genuinam D. Ambrosii sententiam esse existimarent : " Et hoc munimento fretus , dum aliqua ipsi authoritas objicitur , putat se posse omnia eludere , & irvenisse congruum *omni patellæ operculum* , dicendo , quod authores , qui objiciuntur , secuti sint Ambrosiastrum vel Gratianum , & consequenter , quod , in hac causa , nullum habeant authoritatis pondus , prout patet ex ejus scripto. Sed hoc mere pro libitu & sine illo prorsus fundamento affirmari .

CLXXXIII. Probatur. Cuilibet notum est , quod , dum author aliquis est hujus vel illius sententiæ , sententiam , quam propugnat , aliorum testimonio soleat corroborare , formalia etiam eorum verba in medium producendo. Hoc quotidie faciunt juris-consulti , canonistæ , interpres , theologi &c. Atqui certum est , & fateri etiam debet dissertator , quod , si eorum quispiam authorem quemdam supposititum in sui

favorem citaverit, non ideo dici possit, quod ejus solius autoritate motus sit, ut hanc vel illam sententiam sustineret, sed tantum, quod sententiam, quam sustinebat, arbitratus sit ab illo authore supposititio etiam sustineri; ergo pariter certum est, quod, dum Hugo a S. Victore, Petrus Lombardus &c. afferunt, in casu Apostoli matrimonium solvi, & utuntur verbis Ambrosiastris, non ideo dici possit, quod sola ejus autoritate moti sint, ut isti sententiæ adhaerenter, sed tantum inde sequatur, quod per hoc voluerint ostendere Ambrosiastrum, quem putabant esse Ambrosium, eodem modo intellexisse scripturas, seu locum Apostoli I. ad Cor. 7., quo ipsi eas intelligebant, & hoc pacto sententiam suam illius autoritate corroboraverint.

CLXXXIV. Non ergo deinceps dicatur nobis: "Talis vel talis fecutus est Ambrosiastrum; ergo major hac in re non est ejus, quam Ambrosiastris authoritas:,, Quia, nisi probetur, quod talis vel talis sola Ambrosiastris autoritate motus sit, ut hoc vel illud sustineret, in promptu erit responsio, nempe, quod Ambrosiastris verba non allegaverit, nisi, ut probaret, quod etiam Ambrosiastris, seu putativus Ambrosius, eodem modo supra memoratum Apostoli locum intellexerit, quo ipse intelligebat. Quo posito, præclusum erit omne effugium, habebitur sententia hujus vel illius authoris eam, quam meretur author, & non solius Ambrosiastris autoritatem.

CLXXXV. *Lepide admodum*, inquit dissertator pag. 47. (96.) Hugonem a S. Victore voco *sui seculi Augustinum*.

R. Cur non refert verba mea? Dixi dissertationis meæ pag. 22. loquens de Hugone, quod, *est Miseri, eminentis adeo esset doctrinæ, ut se-*

*cundus Augustinus appellaretur.* Erravitne in hoc Moreri, & quomodo probat dissertator, quod tali nomine, ob præstantiam doctrinæ, non fuerit insignitus Hugo, ut possit dicere, quod *lepidus admodum Hugonem* sui seculi Augustinum vocem? Profecto, si de lepore agatur, lepidus est adversarius, utpote existimans se, absque ulla probatione, quidlibet posse afferere.

CLXXXVI. At, inquies, varia docet Hugo, quæ non admitto, & inter cætera, quod fidelis possit aliud inire matrimonium, etiamsi infidelis cohabitare velit.

R. Etiam non omnia admitto, nec admittit dissertator, quæ docet D. Thomas; an ideo sui seculi Augustinus non potest vocari?

CLXXXVII. Ridet etiam dissertator Hugonem, quia dicit, quod fidelis *infidelem cohabitare volentem, sed fidem recipere nolentem, Christiana devotione detestetur*, hancque addit parenthesim, (*pulchra profectio devotio*) R. Tam pulchra, quam erat in Davide, dum dicebat: *Iniquos odio habui.* Numquid enim etiam amando conjugem, qua talem, exigit Christiana devotio, ut ejus infidelitatem pars fidelis detestetur? Deinde quomodo potest dissertator Hugonis autoritatem recusare, quia nonnulla habet, quæ communiter non admittuntur, cum ipsem pag. 45. (93.) se fundet in authoritate Cajetani dicens: „Eo magis, quod verba Apostoli non sonent solutionem vinculi, ut ait Cajetanus, „& tamen etiam doceat Cajetanus per adulterium dirimi matrimonium, quod dissertator non admittit, nec potest admittere?

CLXXXVIII. Ad objectam Petri Lombardi authoritatem respondet pag. 50. (99.) dicens: „Nisi prætensus ille Ambrosius ei fucum secisset, nobiscum sensisset, „Quod ex eo probare

conatur, quod verba Apostoli sic explicet : *In hujusmodi, scilicet in cohabitatione, & aliis talibus, id est, non cogitur fidelis sequi infidelem odio fidei discedentem.*

Sed quare non dicit, quod Petrus Lombardus, si viveret, visis ejus fundamentis, sententiam mutaret, sicut de Benedicto XIV. dicit author, quem sequitur dissertator, prout videre est dissertationis meæ pag. 27., cum eodem jure hoc possit dici de Lombardo, quo dictum est de Benedicto XIV.?

CLXXXIX. Nemo nescit, quod ista duo se se compatiantur, nimirum, quod *non cogatur fidelis sequi infidelem odio fidei discedentem*, & quod *possit fidelis, uxore infideli discedente, aliam ducere*, & hoc utrumque in adducto loco docet Lombardus. Quomodo igitur potest dissertator asserere, quod Petrus Lombardus, qui docuit primum, non docuisset secundum, nisi *prætensus ille Ambrosius ei fucum fecisset*, cum unum aliud non excludat?

CXC. Expludit pag. 52(101) distinctionem, quam canonistæ tradunt, & notanter van Espen, inter matrimonium ratum & legitimum, dicens : *Quoniam justum non est, vel id ratum non habere, quod sit legitimum, vel ratum id habere, quod sit illegitimum.* At, quid sibi velit, non intelligo. Quis enim dixit umquam illud esse *ratum*, quod est *illegitimum*? Dicitur autem aliquod matrimonium legitimum non esse ratum, hoc sensu, quod non habeat illam firmitatem, quam habent matrimonia fidelium, quæ, etiamsi non sint consummata, nullo tamen casu per aliud matrimonium dirimuntur, quod non competit infidelium matrimoniis, quæ, in casu Apostoli, auctoritate divina, in favorem fidei dissolvuntur, prout supra probatum est. Cur autem

In hoc tantum casu id fiat, & non in aliis,  
quos ibidem dissertator proponit, totalis & adæ-  
quata ratio est voluntas Christi.

CXCI. In Gratianum dissertator quam pluri-  
mum invehitur pag. 51. (99.) & seq., eum accu-  
sans, quod dederit occasionem mutandæ antiquæ  
*disciplinæ ecclesiasticæ* &c. At novisſe debebat, quod  
mutatio illa tempore Gratiani jam invalueret. Au-  
diatur hac super re clarissimus van Espen disserta-  
tione proœm. ad decret. Grat. cap. 12.<sup>23</sup> Scitur,  
,, inquit, eo tempore ( quo decretum suum e-  
,, dedit Gratianus ) in pretio fuisse collectionem  
,, pseudo-Isidori, cui insertæ erant falsæ decre-  
,, tales, primis pontificibus suppositæ, aliaque  
,, plura fictitia monumenta, nec non canones  
,, conciliorum, in alienum sensum detorti. In-  
,, super & hoc constat, ætate Gratiani has  
,, falsas decretales, nec non reliqua fictitia mo-  
,, numenta, tamquam authentica fuisse recepta,  
,, atque in illis expressam disciplinam, pro dif-  
,, ciplina ecclesiae & jure ecclesiastico, ac no-  
,, tanter in academia Bononiensi agnitam.<sup>23</sup>

CXII.<sup>23</sup> Hinc factum est, quod Gratianus  
,, non tantum has epistolas decretales aliaque  
,, conficta monumenta, nec non corruptos aut  
,, contortos canones, ut authentica & sincera  
,, reputaverit, prout in collectione pseudo-Isi-  
,, dori, & apud præcedentes canonum collec-  
,, tores, puta Burchardum, Iwonem &c. exsta-  
,, bant, & illis, ut talibus, usus fuerit, sed  
,, insuper disciplinam & praxim, quæ authorita-  
,, te horum falsorum monumentorum invaluerat,  
,, tamquam avitam & sinceram patrum cano-  
,, nicam disciplinam proposuerit, & propugnan-  
,, dam, sive confirmandam censuerit.<sup>23</sup> Si disci-  
,, plina & praxis *authoritate* horum falsorum monu-  
,, mentorum invaluerat, dum decretum suum edi-

PROSECUTIO DISSERTATIONIS  
dit Gratianus, quomodo potest illum dissertator  
accusare, & in eum tam vehementer invehi,  
tamquam dederit *occasione mutandæ antiquæ  
disciplina ecclesiastica?*

CXCIII. Quibusdam interjectis subdit van Espen : " Certum est, quod Gratianus in pluribus  
referat canones conciliorum, nec non sanc-  
torum patrum dicta, quibus revera pristina  
ecclesiæ disciplina continetur, & e quibus  
hæc oriri potest, si modo, quæ recentiori  
manu, vel per pseudo-Isidorum aliumve re-  
centiorem canonum collectorem, aut etiam  
per ipsum Gratianum, non sat novam ac re-  
centiorem disciplinam, ( suo jam tempore in-  
troductam ) a patrum disciplina secerne-  
tem, addita, aut intermixta sunt, refescantur.  
Proinde non sine fundamento decreti Gratiani  
prælectio ad reducendam optimam & avitam  
patrum disciplinam, præ reliquorum juris ca-  
nonici librorum prælectione, puta Gregorii IX.  
& sequentium pontificum, utilior & conve-  
nientior apparuiti." Quantum hæc distant a  
dissertatoris in Gratiani decretum invectivis !

CXCIV. Pergit van Espen " Hoc motivo in-  
ductus fuit Philippus II. rex catholicus, ut  
erectis in hac academia pluribus juris ca-  
nonici prælectionibus, tandem illis de novo ad-  
junxerit prælectionem decreti Gratiani, id-  
que, ut hac prælectione COLLAPSA PA-  
TRUM DISCIPLINA RESTAURARI POS-  
SET, ut probant litteræ ducis Sabaudiæ gu-  
bernatoris Belgici, nomine regis datæ ad col-  
legium doctorum juris 22. Aprilis 1557. "  
Subdito diplome, agit van Espen de S. Caro-  
lo Borromæo, dicens : " Cum vero tum tem-  
poris passim juventuti in scholis, præter de-  
cretales Gregorii IX. aliorumque pontificum,

„ nihil prælegeretur , neglecta decreti Gratiani  
„ præledione , unde patrum disciplina aliquate-  
„ nus hauriri posset , non dubium , quin S. Ca-  
„ rolus , exemplo sui regis catholici , Philippi  
„ II. , hujus decreti prælectionem instauratam  
„ voluerit , atque proinde , dum author vita  
„ dixit : *Constituit ipse , qui iis declarandis præ-*  
„ *esse , unde sacra majorum instituta & ritus ,*  
„ *optimusque ecclesiæ administrandæ genus hau-*  
„ *riretur , non alium intelleixerit , quam , qui de-*  
„ *cretum Gratiani prælegeret .* „

CXCV. Tam nervosæ numquam potuisse ad-  
versus dissertatorem Gratianum defendere , quam  
illum defendit van Espen , quem tamen certum  
est Gratiano nimium non parcere. Ex his  
itaque patet , a vero alienum esse , quod Gratia-  
nus disciplinam innovaverit : dicatur potius , &  
verum dicetur , quod in pluribus punctis innova-  
tam invenerit ; & ideo sepe sat contorte ex-  
plicat antiquiores canones , ut eos cum sui tem-  
poris disciplina conciliet.

CXCVI. Sed gratis tantisper concedamus ve-  
ra esse omnia , quæ de Gratiano dixit disserta-  
tor , imo demus ipsum , in suo decreto , non  
minus errasse , quam v. g. in suis operibus er-  
ravit Origenes. An inde potest inferri , quod in  
puncto , de quo agitur , errorem docuerit ? Nul-  
latenus. Ut convincatur aliquis author erroris  
in hoc vel in isto puncto , dicere non sufficit ,  
quod in aliis quibusdam erraverit , sed proban-  
dum est , quod in materia , de qua agitur , a fa-  
na etiam doctrina discesserit , prout omnes no-  
runt. Hac autem in parte Gratianum non er-  
rasse , quoad substantiam doctrinæ , sed tantum  
in authoris citatione , probavi dissertationis meæ  
pag. 25. & seq. hoc ratiocinio.

CXCVII. ” Si Gratiani sententia fuerit anti-

„ quæ traditioni, ecclesiæ confuetudini & pa-  
 „ strum sensui contraria, qualis esse debuit, si  
 „ vera sint, quæ nonnulli afferunt, quomodo  
 „ fieri potuit, ut theologi, interpretes & ca-  
 „ nistæ omnes, qui ad Gratianum usque, in  
 „ isto supposito, secuti fuerant doctrinam op-  
 „ positam, ad vocem unius Gratiani, hominis  
 „ privati, mutaverint sententiam, quam in &  
 „ ab ecclesia didicerant, deseruerintque tradi-  
 „ tionem ac communem patrum & ecclesiæ  
 „ sensum? Quomodo potius adversus istum mo-  
 „ nachum non insurrexerunt, tamquam purum  
 „ novatorem, & inaudita eousque dogmata pro-  
 „ ferentem? Quomodo sine turbis potuit in  
 „ ecclesiam introduci illa pestilens sententia,  
 „ quæ publica inducebat adulteria? Quomodo  
 „ illam, utpote tam reipublicæ, quam eccle-  
 „ siæ perniciosam, non damnarunt summi pon-  
 „ tifices, quibus cæteroqui tanta cura fuit tot  
 „ præpositiones minus perniciosas damnandi?  
 „ Sed, quid dico, *non damnarunt?* Quomo-  
 „ do illam secuti sunt & positive approbarunt,  
 „ & a seculo 12. usque ad 18. ecclesiam tanto  
 „ errore involverunt?  
 CXXVIII." Fierine potest, ut in re tam  
 „ gravi, altum adeo obdormierint omnes epif-  
 „ copi, pastores & theologi, ut ne unus qui-  
 „ dem fuerit inventus, cui curæ fuerit accep-  
 „ tam a majoribus traditionem adversus novi-  
 „ tatem propugnare, communem patrum &  
 „ ecclesiæ sensum & praxim defendere? Atqui  
 „ tamen eorum inventus est nemo, nemo,  
 „ inquam, est inventus, qui antiquam tradi-  
 „ tionem isti opinioni opponeret, aut illam,  
 „ tamquam patrum sensui & ecclesiæ praxi con-  
 „ trariam argueret; nullas opinio ista excitavit  
 „ in

„ in ecclesia turbas, quod procul dubio conti-  
„ gisset, si talis esset, qualem eam adversarii  
„ traducunt. Signum proinde evidens est, quod  
„ nec traditioni, nec patrum sensui, nec ec-  
„ clesiæ consuetudini contraria foret, sed po-  
„ tius traditionem, patrumque sensum, ac ec-  
„ clesiæ consuetudinem exprimeret. „

CXCIX. Ad hoc ratiocinium vidit dissertator nihil esse respondendum, unde etiam nihil, pro-  
prie loquendo, respondeat, sed verbis iisdem,  
quibus usus sum, retorquet argumentum, cir-  
ca mutationem antiquæ disciplinæ, quam oc-  
casione decreti Gratiani factam dicit, subdit-  
que pag. 55. (104) "Signum proinde evidens est,  
„ longe majorem patrum sensui & ecclesiasti-  
„ cae consuetudini contrariam disciplinam sine  
„ turbis, sine oppositione, in ecclesiam induci  
„ posse, quam ea, ad quam, ut respondeamus,  
„ nos provocat dissertator. „

CC. Sed magna est inter utrumque casum  
disparitas. Ab antiqua ecclesiæ disciplina recep-  
sio, & novæ introductio, quam, occasione de-  
creti Gratiani factam vult dissertator, & quam,  
occasione collectionis pseudo-Isidori evenisse do-  
cet van Espen, qualiscumque illa fuerit, quod  
examinare non est hujus loci, nihil legi divinae  
aut naturali, nihil evangelicæ doctrinæ con-  
trarium continebat, versabaturque circa res il-  
las, quæ mutationi erant obnoxiae, & quas,  
pro variis diversorum temporum circumstantiis,  
prudentia dictabat quandoque mutandas. Sed  
mulierem duos simul habere viros, profanare  
sacramenta, prohibet lex naturalis & divina.  
Habebit autem, in casu Apostoli, mulier con-  
versa duos simul viros, profanabiturque sacra-  
mentum matrimonii, quod ipsi conferetur, si  
vera sit adversariorum sententia.

Q

CC. Si ergo ab Apostolorum tempore, ad Gratianum usque, docuerit ecclesia, in casu isto, non esse licitum parti conversae aliud matrimonium inire, si semper censuerit, quod ad secundas nuptias convolare foret duos simul habere viros, & matrimonii sacramentum profanare, verbo, si haec fuerit constans & ab Apostolis usque ad aetatem Gratiani transmissa traditio patrumque sensus, fieri non potest, ut, prodeunte decreto Gratiani, quotquot erant in orbe Christiano episcopi, pastores, theologi, interpres &c. nullo reclamante, mox deseruerint doctrinam, quam ante constanter tenuerant, quam in & ab ecclesia didicerant, & quam ab Apostolis sanctisque patribus traditam noverant, ut Gratiani novitatem sequerentur.

CCII. Nec dicas, quod eos ad hoc induxerit authoritas Ambrosiaſtri, quem, sub nomine Gregorii, citavit Gratianus.

Primo, quia multis ante Gratianum seculis exſtiterat Ambrosiaſter, seu praetensus Ambroſius, cuius tamen authoritas neminem, tot seculorum lapsu, ad deserendam ecclesiæ doctrinam induxerat; ergo nulla est ratio, cur ad talem doctrinæ desertionem, Gratiani tempore, catholicos doctores potius moverit, quam ante.

CCIII. Secundo, quia niſi velit quipiam ſupponere omnes ecclesiæ proceres, theologos & interpres, tempore Gratiani defipiſſe, & in quamdam, ut ita loquar, amentiam lapsos fuifſe, fateri debet ipſos ſciviffe, quod authoritas omnium major foret authoritate unius: jam vero, juxta adversarios, omnes tunc docebant in casu Apostoli matrimonium non ſolvi; ergo, fi de authoritate agebatur, non recessiſſent ab omnibus, ut ſequerentur unum, quem citabat Gratianus, fed potius recessiſſent ab uno,

Ut sequerentur alios omnes, cūm authoritatē omnium prævalere scirent authoritati unius, & hoc ipsum recta dictaret ratio.

Imo vel ex hoc solo, ut spurium vel falsificatum rejecissent illud opus, quod citabat Gratianus, si existimasset, quod in casu Apostoli aliud inire matrimonium, esset divinæ legi, Apostolorum traditioni & constanti ecclesiæ doctrinæ contrarium.

CCIV. Manet itaque primo verum, quod, in re tanti momenti, tam prodigiosa doctrinæ mutatio (cujus nemo historicus meminit) nec tempore Gratiani facta sit, nec fieri potuerit. Notum est Augustini effatum epist. 119. Ecclesia Dei... multa tolerat, & tamen, quæ sunt contra fidem vel bonam vitam, non approbat, nec facit, nec tacet. Certum tamen est, quod tota partis conversæ matrimonium approbet, & per ministros suos illi sacramentum istud semper conferat; ergo certum est, quod, in casu isto, aliud matrimonium inire, non sit contra doctrinam Christi, aut ejus Apostoli, quod non sit contra bonam vitam ad secundas nuptias transiuntis, quia, quæ sunt contra fidem vel bonam vitam, non approbat, nec facit, nec tacet ecclesia. Ex quo sponte fluit, quod matrimonium illud, quod modo approbat ecclesia, tamquam doctrinæ Christi & bonæ vitæ non contrarium, semper ab ipsa, ut tale, fuerit approbatum, quia, quo nunc spiritu regitur & gubernatur, eodem jugiter recta fuit & gubernata, nec magis uno tempore, quam alio, quæ sunt contra fidem vel bonam vitam, approbat, facit aut tacet.

CCV. Aliud omnino est, ut supra jam insinuavi, de mutatione discipline, quæ sine tuis

*bis*, & nemine reclamante fieri potest, & tunc  
præfertim, dum per hunc vel istum agendi  
modum non tam censetur, nova disciplina in-  
troduci, quam antiqua servari, prout, testa-  
van Espen, olim factum est. Cum enim, jux-  
ta ipsum, quando decretum suum edidit Gra-  
tianus, " in pretio fuerit collectio pseudo-Isido-  
dori, cui insertæ erant falsæ decretales, pri-  
mis pontificibus suppositæ, aliaque plura fi-  
ctitia monumenta, quæ, ut idem author af-  
ferit " constat ætate Gratiani tamquam authen-  
tica fuisse recepta, atque in illis expressam  
disciplinam, pro disciplina ecclesiæ agnitam, „  
non mirum, quod sine turbis ab antiqua di-  
sciplina sit recessum: imo prorsus mirandum  
foret, si turbæ fuissent excitatae, quandoquidem  
expressa in illis decretalibus & monumen-  
tis disciplina, esset pro disciplina ecclesiæ agnita.  
In casu autem Apostoli novum matrimonium  
inire, non spectat ad disciplinam ecclesiæ, nec  
ab ejus potestate pendet efficere, ut illud sit  
validum, casu quo non dissolvatur primum,  
sicut ab ejus potestate pendet hanc vel illam,  
pro temporum diversitate, inducere disciplinam.

CCVI. Si ergo usque ad tempora Gratiani  
fuisse in ecclesia creditum in casu, de quo a-  
gitur, doctrinæ evangelicæ adversari partis con-  
versæ matrimonium, idem etiam creditum fuisse  
postea, cum omnes semper sciverint, quod,  
quamvis ecclesia possit mutare disciplinam, mu-  
tare tamen non possit doctrinam evangelicam:  
atqui ab opposito hoc non est creditum postea,  
ergo nec ante; ac proinde nullas habet vires  
facta ab adversario argumenti retorsio.

CCVII. Quærit etiam dissertator ibidem, seu  
pag. 55. (104.) " Qui fieri potuerit, ut Innocentius  
III., cæteroquin pius, & pro temporum illo-

„rum barbarie doctissimus, fere in omnibus  
„Gratiani doctrinam secutus fuerit? „Sed, in  
suo quæsito, toto errat cælo. Qui Gratiani ca-  
nones etiam frequenter citat, non ideo ejus  
doctrinam sequi, vel autoritatem allegare in-  
tendit, sed illius concilii, pontificis aut patris,  
ex quo canon aliquis desumptus dicitur: com-  
pertum siquidem est, & hoc nostri etiam scho-  
lares non ignorant, Gratianum majorem non ha-  
bere autoritatem, quam habeant illi, quos ci-  
tat; proinde Gratianum allegans, non Gratia-  
num ipsum, sed illum proprie allegat, ex quo  
confectus dicitur canon; qua in re, falso instru-  
mento nixus, potuit Innocentius III. cum Gra-  
tiano fuisse deceptus, sicut post Erasmum primæ  
etiam notæ critici fuerunt decepti, quos inter-  
sunt clarissimi fratres Pithœi, (Pithou) qui in  
notis suis ad cap. 7. §§ de divortiis, textum,  
de quo agitur, cum correctoribus Romanis Am-  
brofio adscribunt, hoc insuper addito, quod &  
*Joannis Chrysostomi eadem sententia sit*, prout  
camdem esse, in superioribus probavi. Erant ita-  
que viri illi clarissimi, & in jure canonico ap-  
prime versati, ejusdem nobiscum sententiæ, li-  
cet in hoc errarent, quod verba Ambrofiastræ  
Ambrofio tribuerent: sed aliud est errare in  
nomine authoris, aliud in substantia doctrinæ:  
&, si verba illa, quæ habet Ambrofiastræ,  
non habeat Ambrofius, non minus tamen hic,  
quam ille, docet in casu Apostoli matrimo-  
nium solvi, prout supra ostendi.

CCVIII. Qui igitur Gratianum arguere vult  
insciæ, ejusque autoritatem vilipendere, quod  
Ambrofiastrum loco Ambrosii citaverit, insciæ  
etiam arguat correctores Romanos & fratres  
Pithœos, quia & hi tanto magis erunt culpan-

Q. 3

di, quod non ea scriperint aetate, quam disser-tator amat *barbarem* nuncupare.

CCIX. Deinde, quod non eaco modo Ambrosiastrum fecutus sit Gratianus, nec sola ejus auctoritate motus sit, prout insinuat dissertator, patet ex causa 32. q. 7. can. 17. *Uxor*, quod ex eodem Ambrosiastro in cap. 7. 1. ad Cor. de promptum est, & in quo dicitur, quod viro, qui fornicariam dimisit, uxorem aliam ducere licet. Quia autem evangelicæ doctrinæ repugnat textus ille, ideo notat Gratianus : *Illud Ambrosii a falsatoribus dicitur insertum*. Non ergo sine delectu admisit Gratianus quidquid in Ambrosiastro continebatur; cumque circa hunc locum de infideli discedente nihil simile notaverit, inde est, quod doctrinam ibi traditam, doctrinæ & praxi ecclesiæ conformem agnoverit, illam procul dubio rejecturus, si ab hac discrepare existimasset, sicut rejecit illud, quod inox indicavimus.

CCX. Immerito interim dissertator, qui in historicis est adeo versatus, Innocentii III. temporibus barbariem africat, ut tanti pontificis eruditionem quodam modo deprimat, dicens illum quidem fuisse doctissimum, sed *pro temporum illorum barbarie*, cum certum sit secula XII. & XIII. plurimis & absolute doctissimis viris flouruisse, ut videre est in ecclesiasticae historiæ breviario, quod nuper edidit noster Berti.

CCXI. Examinat dissertator pag. 56. (105.) quis sit ille Innocentii III. prædecessor, de quo ipse dixit : *Licet quidam prædecessor noster sensisse aliud videatur*, & in eam sententiam propendet, quod fuerit Innocentius I., ex quo etiam voluit antea probare, quod, in casu Apostoli, matrimonium non solvatur, quia, inquietebat, juxta hunc pontificem, haec Christi verba : "Quod

„ Deus coniunxit , homo non separet , non mi-  
„ nus infidelium , quam baptizatorum matri-  
„ monia respiciunt . „ Quam autem vim habeat  
ista probatio , ostendi supra .

CCXII. Cum ergo existimet illum quemdam  
Innocentii III. prædecessorem fuisse Innocen-  
tium I. & ideo subdat pag. 57. (106.) *Teste Innocen-*  
*tio III. aliter sensisse videtur Innocentius I.*,  
&c. operæ pretium est ostendere , quod senten-  
tiam nostram stabiliat , dum illam sic impugnat ,  
quia , si fuerit ille quidam Innocentii III. præ-  
decessor Innocentius I. , hic autem floruerit ini-  
tio seculi quinti , manifestum est octo prioribus  
ecclesie seculis non fuisse constantem doctrinam  
matrimonium etiam infidelium.... ratum ac  
firmum manere apud infideles , etiam post con-  
versionem unius partis ad fidem , cum certum  
sit Innocentium I. non minus censuisse in casu  
Apostoli matrimonium solvi , quam censuerit  
& docuerit Innocentius III. Hujus itaque verba  
referamus , quæ sunt hujusmodi .

CCXIII. ” Nos consultationi tuæ respondentes  
„ distinguimus , licet quidam prædecessor noster  
„ sensisse aliter videatur , an ex duobus infide-  
„ libus alter ad fidem catholicam converta-  
„ tur , vel ex duobus fidelibus alter labatur  
„ in haeresim , vel decidat in gentilitatis erro-  
„ rem &c. , Quid est illud , in quo aliter quam  
Innocentius III. sensisse videtur Innocentius I.? Non illud profecto , quod asseruit Innocentius III. , dum dixit in casu Apostoli posse partem con- versam ad secunda , si voluerit , vota transire , sed illud , quod distinguendum dixit , nempe , an ex duobus infidelibus alter ad fidem catholicam convertatur , vel ex duobus fidelibus alter laba- tur in haeresim , vel decidat in gentilitatis errorem , & quod privata sua opinione distinguen-

dum non putabat Innocentius I., utpote arbitrans verba Apostoli: *Non enim servituti subiectus est frater aut soror in hujusmodi*, ad illum etiam casum se extendere, in quo ex duobus fidelibus alter in haeresim labitur, vel gentilitatis errorem, & odio fidei deserit partem, & consequenter matrimonium in utroque casu solvi, sive ex duobus infidelibus alter convertatur, sive ex duobus fidelibus alter pervertatur &c.

CCXIV. Casus itaque propositus hic erat:”  
„ An Christiano, in odium uxoris suæ Christi-  
„ tianæ ad gentilismum transeunte, uxoremque  
„ abdicante, hæc autem autoritate seu judicio  
„ archidiaconi ad alias nuptias cum Christiano  
„ no transente, postea vero, primo viro ad  
„ Christianismum redeunte, primum ejus ma-  
„ trimonium subsistat? „ Et arbitrabatur ille  
quidam Innocentii III. prædecessor, qui, juxta  
dissertatorem, est Innocentius I., non subsistere.  
Non ergo ab Innocentio III. dissensit, nec dis-  
sensisse videtur Innocentius I. in casu Apostoli,  
sed in alio, quem sub ipso arbitrabatur conti-  
neri, existimans, quod, sicut dissolvitur, aut  
dissolubile est matrimonium, dum ex duobus in-  
fidelibus alter convertitur, & a parte infidi-  
littimittitur, ita etiam solveretur, aut solubile  
foret, dum ex duobus fidelibus alter in haer-  
sim vel gentilitatis errorem incidit, compar-  
temque odio fidei repellit. Quod nobis tantum  
favet, quantum favere aliquid potest. Hinc si  
quidem possumus colligere, quod tunc tem-  
pis de nostra, circa casum Apostoli, sententia  
nullatenus dubitaretur, sed potius tamquam om-  
nino certa haberetur, & ita quidem, ut longius  
quam par erat, a nonnullis subinde extenderet-  
tur, sed quæ ultra limites extensio correcta est  
& suppressa, quod nostræ sententiæ numquam

contigit, utpote quæ semper illibata permanit,  
perpetuoque retenta.

CCXV. Ibidem dubitare se dicit dissertator,  
an idem cum Innocentio III. sentiam, " nam,  
,, inquit, juxta hunc pontificem, quamvis in-  
,, fidelis absque blasphemia divini nominis con-  
sentiat conjugi converso cohabitare, modo  
,, tamen id agat, ut conversum ad mortale pec-  
catum pertrahat, verbi gratia, ut latrocinia  
,, exerceat, liberum erit converso ad secunda  
,, vota transfire. „ At brevi dubium suum depo-  
net. Itaque

CCXVI. R. Me omnino admittere, quod ibi-  
dem dicit Innocentius III.: quia, dum pars infi-  
delis cohabitare non vult fidieli, nisi eam pertra-  
hendo in peccatum mortale, & proximæ ejus-  
dem occasione eam exponendo, perinde se ha-  
bet, ac si ipsi cohabitare non vellet, sicut non  
censetur velle coabitare, qui non vult *sine Creato-  
ris contumelia*, prout exponit Gagnæius infra  
citandus.

CCXVII. Invenientur forte nonnulli, qui, ut  
habeatur casus Apostoli, *mortale peccatum* re-  
stringent ad peccatum infidelitatis aut apostasiæ  
a fide: fed quid aliud inde sequitur, nisi, quod  
omnes admittentes in casu Apostoli matri-  
monium solvi, non omnes in his vel istis cir-  
cumstantiis admittant esse casum Apostoli, si-  
cūt omnes catholici admittentes charitatem per-  
fectam stata lege hominem justificare, non om-  
nes admittunt in hoc vel isto casu charitatem  
esse perfectam? Sed hoc non spectat ad substan-  
tiā doctrinæ, de qua hic agitur. Restringant  
nonnulli, extendant alii casum Apostoli, sicut  
extendisse illum videtur Innocentius I., de quo  
mox egimus, si fuerit ille quidam Innocentii III.  
prædecessor, hoc ad præsentem quæstionem non

spectat. Sufficit, quod nullus umquam negaverit, prout probari non potest aliquem negasse, in isto casu matrimonium dissolvi, sed omnes concorditer admiserint illud dirimi, licet casum illum alii magis, alii minus interdum extenderint.

CCXVIII. Quærit etiam utrum admittam sequens Innocentii ratiocinium huic casui applicari posse: "Et in hoc casu intelligimus, quod ait „Apostolus: Si infidelis discedit, discedat; frater enim vel soror non est servituti subiectus in hujusmodi, ET CANONEM, IN QUO DICITUR, QUOD CONTUMELIA CREATRIS SOLVIT JUS MATRIMONII CIRCA EUM, QUI RELINQUITUR." Sed ab ipso vicissim quæro, utrum canon hic, sive sit proprie loquendo canon, sive non, utrum, inquam, aliud significet, quam quod in casu Apostoli possit fidelis, qui relinquitur, aliud matrimonium inire? Non est sane his in verbis jota unum, aut unus apex, qui aliud indicet, cum verba illa nihil aliud importent, quam quod contumelia, quam infert infidelis Creatori, dum in odium fidei non vult cohabitare comparti, solvat jus matrimonii, quod habebat in comparatione, quæ relinquitur, sive, quod non amplius habeat jus manendi in matrimonio cum comparante, eamdemque sibi vinculatam tenendi. Quomodo igitur non admitterem, quod quærit, cum sit casus, quem propugno?

CCXIX. Inutiliter afferit dissertator pag. 59. (108.) nonnullos pontifices in suis decretalibus aliquando errasse, ut probet Innocentium III. pariter fuisse hallucinatum; nam, præterquam quod loci hujus non sit ista discutere, & hujusmodi parergis omnia possint eludi, ineptum sane est hocce ratiocinium: Erravit ille, ergo &

iste. Hoc unicum deduci potest : *Erravit iste,*  
*igitur errare potuit ille.* Sed a potentia ad actum,  
nemo nescit non valere argumentum.

CCXX. Pro coronide adjicit pag. 60. (109.)  
„ Argumentum, quod a Græcis schismaticis peti  
„ potest, quod, inquit, tale est. Si, qui modo  
„ in schismate Græcorum versantur, eamdem  
„ nobiscum, de casu Apostoli, sequantur opini-  
„ onem, sententia nostra talem obtinebit cer-  
„ titudinis gradum, ut ei amplius contradici  
„ non poterit: siquidem certum sit, quod eam  
„ ex ecclesiæ Romanæ praxi, qualis existit ab  
„ Innocentii III. tempore, non mutuaverint;  
„ cum jam ab ejus communione recesserant, &  
„ alia praxis, ab illo tempore, in aliquibus ec-  
„ clesiis, ecclesiæ Romanæ unitis, obtineret:  
„ ergo illam suam doctrinam & praxim ex doc-  
„ trina, hac ecclesiæ Romanæ praxi diu ante-  
„ riori, sive ab apostolica traditione haussisse  
„ dicendi sunt. „

CCXI. R. Retorquendo argumentum. Si ante tempora Gratiani eamdem nobiscum, in casu Apostoli, doctrinam tradiderint Græci, sententia nostra eum obtinebit certitudinis gradum, quo major esse nequit, cum certum sit, quod eam ex ecclesiæ Romanæ praxi, qualis existit ab Innocentii III. tempore, non mutuavere, sed ex ea ecclesiæ praxi, qua semper fuit, seu ex apostolica traditione hauserint. Atqui ante tempora Gratiani, idem, hoc in casu, nobiscum sentiebant Græci, sentiebant, inquam, quod, discedente infideli, fas esset fideli discede-  
dere, seu matrimonium solvere; ergo &c.

CCXXII. Probatur ex Photio, qui seculum nonum tristi schismate, etiamnum durante, fœdavit, cuius testimonium refert celeberrimus Gagnæius in cap. 7. i. ad Cor., ubi ita loquitur:

"Quod si infidelis discedit... & cohabitare non  
 "vult cum fidi, aut non vult sine Creatoris  
 "contumelia, quod idem est, discedat etiam fi-  
 "delis, & alteri (si velit) nubat, non enim  
 "subiectus est frater, id est Christianus, in hu-  
 "jusmodi. Quem locum sic Græcus Photius ex-  
 "plicat: *Non oportet, inquit, matrimonium*  
 "dissolvere, siquidem pars infidelis cum fidi ha-  
 "bitare consentit; sin autem seditionis est infide-  
 "lis & dissolutionem facit, non sic est illi fidelis  
 "obnoxius, ut discedere quoque illi non liceat:  
 "quin imo matrimonium infideli dissolvente, li-  
 "berum quoque est fidi discedere, verum tamen  
 "(inquit Photius) liber est, per infidelis defec-  
 "tionem, matrimonium solvere., Quid sit autem  
 apud Photium discedere, matrimonium solvere,  
 notum est ex ejus nomo-canonis cap. 4., de iis,  
 qui divortium faciunt, ubi ait: *Sine damno sol-*  
 "vitur matrimonium, si maritus per triennium,  
 post initum matrimonium, cum uxore coire non  
 potuerit. Et paulo post, ubi refert, quod tam  
 viro, quam mulieri ad meliora migranti, sol-  
 vendi matrimonii simul & divertendi potestas sit.  
 Quibus verbis nemo dubitat, quin vinculi ma-  
 trimonialis solutionem intelligat. Eam igitur  
 opinionem, quam tunc temporis Græci nobis-  
 cum habebant communem, etiam secundum  
 dissertatoris principia, ex apostolica traditione  
 huiuscemodi dicendi sunt.

CCXXIII. Insigne etiam hujuscemodi rei habes tes-  
 timonium in Matthæo Blastere, monacho Gra-  
 co, cuius meminit dissertator pag. 60. (109.) Ille  
 siquidem cap. 12. littera Gamma, de casu Apost-  
 toli loquens, dicit: "Vide tamen, quo pacto  
 "divinus hic Apostolus, quadam condescensio-  
 "ne utens, si pars fidelis, inquit, infideli co-  
 habitare velit, quo fit, ut, si cohabitare no-

„ lit, matrimonium sine dubio solvendum sit.  
„ Persuasus autem ipse sum, hæc fuisse prin-  
„ cipii, & quasi primordiorum prædicationis. „

CCXXIV. Sed notandum, quod, errore typographi, mendum irreperit, & sit legendum : *Si pars infidelis fidelis cohabitare velit, non au- tem, si pars fidelis infideli cohabitare velit, cum Apostolus, quem citat Blaſtere, non agat de fi- deli, sed de infideli coabitare volente, dicens 1. ad Cor. 7. v. 12. Si quis frater uxorem ha- bet infidelem, & hæc consentit habitare cum illo.* Et similiter v. 13. *Si qua mulier fidelis habet vi- rum infidelem, & hic consenteit habitare cum illa* &c. Ergo, juxta Græcum illum monachum, cu- jus non potest dissertator recusare authoritatem, cum eam in sui favorem advocet, a principio, seu primordiis ipsius prædicationis, eadem fuit ecclesiæ praxis, quæ nunc est.

CCXXV. Cum ergo, juxta dissertatorem pag. 61. (110.) si adversarius aliquis contrarium evi- rit ( nimirum ante tempora Gratiani eam- dem fuisse sententiam Græcorum, ac nos- tram ), argumentum pro opinione sua pro- tulisse videbitur, conclusum est contra ip- sum, quia probatum est, idem tunc sensisse Græcos, quod modo sentimus, tantumque subit mirari, cur Græcos schismaticos, qui a primæ- va praxi deflexerunt, in sui subsidium vocaverit.

CCXXVI. Ex praxi & sententia Græcorum adversus protestantes solidum ducimus argumen- tum, dum in hoc vel isto puncto ecclesia utraque convenit, id est, Latina simul & Græca, per hoc enim ostendimus, quod non nisi a Christo & Apostolis descendat, quod uniformiter docemus & semper docuimus. At, dum mo- dernos Græcos pro se citat dissertator, illos non citat in puncto, in quo utraque ecclesia, id est

## 254 PROSECUTIO DISSERTATIONIS

Latina simul & Græca convenit, sed in puncto, in quo ab ecclesia Latina diffidet Græca, cum certum sit, quod ecclesia Latina, in casu, de quo agitur, existimet matrimonium dissolvi. Quid ergo aliud est ad hodiernam praxim & sententiam Græcorum, ab ecclesiæ Latinæ sensu & praxi recentientium, provocare, nisi eorum errores citare & errantibus adhærere?

CC.XXVII. Hæc interim, in illo supposito dicta sint, quod Græci schismatici ejusdem modo cum dissertatore sint sententia, quod opera pretium non est examinare, sed quod ille admodum male probat *ex eo*, quod tenaciter impp. Græcorum legibus semper inhaerent... quæ tamen leges, inquit, casus Apostoli non meminerunt. Hoc siquidem argumentum est pure negativum, ex quo nihil potest deduci. Ut ex tenaci imperatorum Græcorum legibus adhæsione aliquid probaretur, ostendi deberet, non quod casus Apostoli non meminerint leges istæ, sed quod omnem alium solvendi matrimonii casum positive excluderint, quem ipsæ non expresserunt, & tunc ex tenaci illa dictorum imperatorum legibus adhæsione probaretur, quod modo non admittant Græci schismatici in casu Apostoli matrimonium solvi. Sed quid inde haberet dissertator, nisi quod Græci ab ecclesiæ sensu recelserint, ut imperatorum Græcorum legibus, evangelio contrariis, se conformarent, sicut ab illo recellet Balsamon, qui explicans Canonem 105. codicis ecclesiæ Africanae, quem Græci concilium Carthaginense nuncupant. & in quo matrimonii indissolubilitas adeo stabilitur, illi opponere ausus est novellam Justiniani, dicens: *Tu autem scias, quod 117. Justiniani novella aliter de solutionibus matrimonii statuit.* Vide opus,

cui titulus : *Tradition, seu histoire de l'église sur le sacrement de mariage.* Tom. 3. pag. 206.

CCXXVIII. A fine ad initium dissertationis meæ saltum facit ibidem, culpatque, quod in ejus procœnrio veritus sim, ne *contra Romanæ ecclesiæ sensum & praxim* introducta novitas graves excitaret cum in ecclesia, tum in republica turbas, addens : "Sed quod adversarius (ego) hic veretur, Augustinus non est veritus in exemplo a se adducto : neque enim legitur quod S. Augustinus S. Cyprianum accusaverit, vel etiam cum ipso sentientes, quod causa essent tantarum in ecclesia turbarum &c."

CCXXIX R. Non poterat Augustinus in exemplo adducto vereri ne excitarentur turbæ, cum ejus tempore, ob novitatem rebaptizantium, nimis jam essent excitatae. Malum præsens nemo amplius timet, ne contingat, sed dolet contigisse. Quod autem Cyprianum Augustinus accusaverit & peccati arguerit, patet, ut cætera præteream, ex lib. unico de baptismo con. Petilianum cap. 13. „O quam detestandus est error hominum, inquit, qui clarorum virorum quædam non recte facta laudabiliter se imitari putant... sic enim & nonnulli, Petro Apostolo comparari se volunt, si Christum negaverint; si vero etiam gentes Judaizare coegerint, vocitari germani ejus affectant. Hæc in illo tanto viro reprehensibilia fuerunt, sed tanta eminuit apostolica gratia, ut continue delerentur.... sic & in martyre glorioissimo Cypriano.... tanta ejus merita usque ad triumphum martyrii consecuta sunt, ut & charitatis, qua excellebat luce, illæ obumbratio fugaretur.... Hoc de Agrippino aliisque episcopis.... responderim, qui sic diversa fenserunt, ut.... in unitate persisterent, ubi charitas coo-

## 256 PROSECUTIO DISSERTATIONIS

„ perit multitudinem peccatorum... Nova... tunc  
 „ quæstio fuit , ... quæ nonnullos fratres... *ipsa*  
 „ novitate turbavit... Ego autem, ut, quod de  
 „ hac re sentio , breviter dicam , rebaptizare  
 „ hæreticos , quod illi fecisse dicuntur , tunc fuit  
 „ humani erroris &c. „

CCXXX. Videt igitur dissertator , quod Augustinus Cyprianum , aliosque cum ipso rebaptizantes , erroris & peccati accusaverit. In quo autem consistebat peccatum illud , nisi in eo , quod contra ecclesiæ Romanæ consuetudinem agerent , & , non obstante S. Stephani rescripto , novam praxim introducerent , quæ nata erat magnas inducere turbas , prout re ipsa induxit ?

CCXXXI. At , inquit dissertator , pag. 62. (111.)

„ Nimis ridicula est *comparatio* , quam *institui* :  
 „ agebatur , in casu Cypriani , de æterna salute  
 „ istorum hominum , de valore scilicet baptis-  
 „ mi ab hæretico collati... Hic vero agitur de  
 „ aliquot Judæis , vel aliis infidelibus , ad conti-  
 „ nentiæ regulas reducendis , quod ad fidem ,  
 „ quæ per dilectionem operatur , conversis per-  
 „ facile est.

CCXXXII. R. Atqui tamen in tanti momenti negotio , volentibus inducere novitatem sola opponebatur consuetudo , & huic acquiescere debebant Cyprianus & cum eo sentientes , peccabantque rebaptizando , etiam si a valore baptismi penderet salus æterna eorum , qui non rebaptizabantur ; ergo a fortiori , ubi agitur de re minoris momenti , ecclesiæ Romanæ , imo totius ecclesiæ consuetudo debet sufficere , ut , in casu Apostoli , pars conversa a secundis non possit nuptiis repelli , nataque est hæc novitas graves , cum in ecclesia , cum in republica , excitare turbas , quod ostendo.

CCXXXIII. Non agitur tantum de aliquot Ju-  
 dæis

*dæis, vel aliis infidelibus ad continentiae regulas  
reducendis*, prout vult dissertator, sed agitur de  
omnimoda familiarum perturbatione : Quotquot  
enim, in isto casu, secundo matrimonio juncti  
sunt, ab uxoribus suis separandi sunt, cum  
juxta dissertatorem, adulterina sint ejusmodi  
conjugia, & qui ex iis fuerint progeniti, decla-  
randi sunt a paterna vel materna hereditate ex-  
clusi ( saltem, si ex primo matrimonio nata sit  
proles, quæ adhuc fit superflues ) licet illos ex  
legitimo matrimonio natos censeat ecclesia. An  
hoc non erit graves cum in ecclesia, tum in  
republica, excitare turbas !

CCXXXIV. Addit dissertator : quod *casus hic  
adeo rarus sit, ut van Espen... cum serio exami-  
nare dignum non judicaverit.*

R. Sit casus ille in Belgio nostro rarus, ideo-  
ne adeo rarus est iis in locis, quæ innumeris  
Judæi incolunt ? Juxta dissertatorem pag. 33. (82.)  
*Similes casus sat frequenter contingere debebant,*  
dum Germania infidelibus erat referta ; ergo ni-  
hil impedit, quin sæpius contigerint, ubi mag-  
na est Judæorum multitudo. De cætero, quod  
sit casus iste rarus aut frequens, est omnino  
per accidens, verumque manet, quod senten-  
tia, quam impugno, per se loquendo, ad ec-  
clesiæ & reipublicæ perturbationem tendat, pro-  
ut jam ostendi.

CCXXXV. Sed quomodo, si dissertator lege-  
rit van Espen, potuit asserere, quod casum illum  
*serio examine dignum nou judicaverit*, quando-  
quidem ex professo illum discutiat & examinet  
in commentario ad 2. part. Grat. causa 28., ubi  
ita discurrit : " Cum ergo infidelium matrimo-  
niū non sit *ratum nec indissolubile*, queritur  
an, uno eorum ad fidem converso, liceat huis  
ab infideli recedere, & ad alias nuptias tran-

R

„fire? „Ecce casum, quem, juxta dissertatorem, *serio examine dignum* non judicavit van Espen, & quem tamen *serio ipse* examinat & discutit. Ecce insuper assertam a dicto authore distinctionem inter matrimonium *ratum* & *non ratum*, tametsi hoc sit legitimum, quam tantopere & tam infundate deridet dissertator.

CCXXXVI. Pergit van Espen, & ad quæstionem propositam respondens, ait: "Hanc quæstionem fuse discutit Aug. lib. i. de adulteriis, nis conjugiis, & ostendens, quod, juxta Aug., non liceat, id est non conveniat, ut ab infideли discedat fidelis conversus, dum ille sine contumelia Creatoris vult cohabitare, pergit ad casum, quo fidelis cohabitare non vult infidelis, dicens: "Si vero infidelis nolit absolute cum fideli cohabitare, sed recedere velit, aut fallit, nisi sub conditione fidei Christianæ adversante, tunc liberum est fidieli recedere, & ad alias nuptias transire, prout locis citatis late docet Augustinus &c." Veniat modo dissertator, & dicat, quod casum illum *serio examine dignum* non judicaverit van Espen. Perinde est, ac si diceret, quod author ille nequidem *serio* examinaverit, quod *ex professō* probavit.

Monet tandem dissertator cum Apostolo i. ad Thessal. 5. v. 21. *Quod bonum est, renete.* R. Monito parui, quod bonum fuit tenui, & si plura ex ejus scripto non tenuerim, imputet dissertator sibi.

CCXXXVII. Cum autem hac super re ultiore dissertationem non sim editurus, operæ pretium duxi in medium proferre argumentum quoddam ignoti quidem, sed tamen recentis authoris, qui etiam contendit in casu Apostoli matrimonium non solvi, hac ratione mo-

tus, quod, dum Apostolus 1. ad Cor. 7. ¶. 12. dicit: *Nam ceteris ego dico, non Dominus, si quis frater uxorem habet infidelem, & haec consentit habitare cum illo, non dimittat illam, per haec verba: Si quis frater uxorem habet infidem, non significet legitimō matrimonio junctos, sed eos, qui vivunt quidem, tamquam matrimonio juncti, sed tamen illicito inter se commercio utuntur.*

CCXXXVIII. Notandum interim, quod author ille simul sostineat, quod, si verba mox dicta de matrimonio junctis debeant intelligi, nullo modo negari posse, quin, in casu Apostoli, solvatur vinculum matrimonii. Verba eius eodem idiomate referam, quo conscripta sunt in libro, cui titulus. *Dissertation, ou l'on prouve que S. Paul dans le septième chapitre de la première aux Corinthiens ¶. 12. & 13. n'enseigne pas que le mariage puisse être rompu, lorsqu'une des parties embrasse la religion Chrétienne*, impresso Bruxellis (saltē ut p̄a se fert titulus) anno 1765., & in quo ita loquitur author pag. 283.

CCXXXIX. " Le seul cas, où l'homme soit en esclavage à l'égard de la femme, & la femme à l'égard du mari, c'est celui du lien conjugal, qui fait que l'homme est maître du corps de la femme, & la femme maîtresse du corps de l'homme; par consequent c'est du joug du mariage, dont parle St. Paul, lorsqu'il dit: Que si l'infidèle se sépare, la partie abandonnée ne doit point s'en émbarasser, parce qu'elle n'est point assujettie à la servitude. Donc si saint Paul parle dans le verset 12. a des gens mariés, il est clair qu'il leur déclare que le lien conjugal ne subsiste plus. Or il est impossible que saint Paul per-

„ mette ce que Dieu defend , ni que l'homme  
 „ entreprenne de defunir ce que Dieu à joint ;  
 „ donc l'Apostre ne parle pas au verset 12. des  
 „ gens mariés , mais des gens qui , sans ê-  
 „ tre mariés , vivoient comme maris & fem-  
 „ mes , au moment ou l'une des parties à em-  
 „ braffé la foi . „

CCXL. Hac potissimum ratione movetur au-  
 thor ille , ut sustineat Apostolum versu 12. de  
 maritatis non agere , quod Paulus ¶. 10. de il-  
 lis agat , qui sunt matrimonio juncti : *Iis autem ,*  
*qui matrimonio juncti sunt , præcipio , non ego , sed*  
*Dominus &c.* Et inter eos , quos alloquitur ¶. 12.,  
 antithesim ponat , dicens : *Nam cæteris ego dico ,*  
*non Dominus &c.* Ex qua antithesi seu opposi-  
 tione arbitratur versum 12. de illis necessario  
 esse intelligendum , qui matrimonio juncti non  
 sunt ; alias enim , si tam hi , quam illi , essent  
 matrimonio juncti , nulla , ut putat , posset in-  
 ter eos fieri oppositio.

CCXLI. Sed hanc rationem nullam esse ostendit Aug. de serm. Domini lib. 1. cap. 16. ubi  
 utrumque textum expendens , ait : ” Dicebat e-  
 „ nim superius ex Domini persona iis , qui sunt  
 „ in conjugio ; nunc vero ex sua persona cæte-  
 „ ris dicit : *Ergo fortasse iis , qui non sunt in*  
*„ conjugio.* Sed non hoc sequitur ; ita enim  
 „ sub jungit : *Si quis frater habet uxorem infide-*  
*„ lem , & hæc consentit habitare cum illo , non*  
*„ dimittat illam.* Ergo etiam nunc iis dicit , qui  
 „ sunt in conjugio. Quid sibi ergo vult , quod  
 „ ait : *Cæteris ?* Nisi quia superius eis loqueba-  
 „ tur , qui sic copulati erant , ut pariter in fi-  
 „ de Christi essent ; cæteris vero nunc dicit , id  
 „ est eis , qui sic copulati sunt , ut non am-  
 „ bo fideles sint : „ Proinde , juxta Aug. , antithe-  
 „ sis , quæ habetur , non est inter eos , qui sunt ,

& eos, qui non sunt in conjugio, sed inter eos,  
qui ambo fideles non sunt.

CCXLII. Hanc interim Augustini explicatio-  
nem & textus apostolici interpretationem res-  
puit author ille, contendens Augustinum, om-  
nesque alios cum ipso sentientes, in hoc fuisse  
deceptos, quod in editione, qua utebantur, le-  
gerent, sicut in vulgata nostra legimus: *Si quis*  
*frater uxorem habet infidelem &c.* Cum tamen in  
textu Græco non legatur *uxorem*, sed *mulierem*,  
quæ vox terminus est communis, perinde fig-  
nificantur tam non *junctam*, quam *junctam*, prou-  
ut multis exemplis probat. Ut ergo, juxta ip-  
sum, vox *mulier* significaret *uxorem*, ad istam  
significationem deberet determinari per prono-  
men possessivum, v. g. *mea*, *tua*, *sua*, *eius &c.*  
sicut ad illam determinatur ad Ephes. 5. v. 25.  
*Viri diligite uxores (mulieres) vestras &c.* Hoc  
autem non facit Apostolus 1. ad Cor. 7., sed  
simpliciter dicit: *Si quis frater uxorem (mulie-rem)* *habet infidelem &c.* Ergo nomine mulie-  
ris *uxorem* non vult intelligi.

CCXLIII. R. Verum est, quod vox *mulier*  
secundum se & independenter a circumstantiis,  
non magis *junctam* significet, quam non *junc-tam*. At non minus verum est, quod in tex-  
tu Apostoli significet *junctam*, nec possit sig-  
nificare aliam, quod probo.

Eadem est vis verbi possessivi ad determinan-  
dam significationem vocis *mulier*, quæ est pro-  
nominis possessivi: atqui dum voci *mulier* ad-  
jungitur pronomen possessivum *mea*, *tua* &c., sem-  
per significat *uxorem*, nec potest aliam signifi-  
care; ergo, dum regitur a verbo possessivo *ha-  
bere*, semper significat *uxorem*, nec potest sig-  
nificare aliam, nisi adjiciantur particulæ alien-  
antes, quæ alium sensum importent, prout

R 3

fit Joannis 4., ubi mulieri Samaritanæ Christus dixit : *Quem habes, non est tuus vir.*

CCXLIV. Inauditum igitur est, quod *habere virum*, *habere mulierem*, per se & ex natura sermonis idem non significant, quod *habere maritum*, *habere uxorem*. Hocque magis palpabile fiet, si tamen possit esse palpabilius, si utamur verbo præterito & plurali numero. Quid enim significat hæc propositio : *Ista mulier habuit duos viros, iste vir habuit duas mulieres*, nisi quod uterque bis fuerit matrimonio junctus, sicut quinies fuerat Samaritana, cui Christus dicebat : *Quinque viros habuisti?* Idem quoque est in Gallico idiomate : si quis enim dixerit : *Cet homme a eu deux femmes*, nemo est mortalium, qui non sit intellecturus, quod duas habuerit uxores, & hoc, quia per se & ex natura sua sensum illum dicta propositio significat.

CCXLV. Cum ergo simpliciter dicat Apostolus : *Si quis frater uxorem (mulierem) habet infidelem &c.*, de uxore necessario debet intelligi; & sic etiam intellexerunt omnes sancti patres, qui vim Græci sermonis nullatenus ignorabant. Proinde certum est, quod de solutione vinculi conjugalis agat ibidem Paulus, cum certum sit ipsum de maritatis agere. Frustra allegat author ille fieri non posse, ut *Apostolus permittat, quod Deus vetat*, non enim sua, sed authoritate divina agebat Paulus, nec erat donator, sed tantum promulgator privilegii illius, quod in favorem fidei concessit Christus, apud quem *non est impossibile omne verbum*.

CCXLVI. Prodiit ab aliquot septimanis disertatio alia, quæ dicitur excerpta ex tractatu de sacramentis, authore ILLUSTRISSIMO, CLARISSIMOQUE VIRO AUGUSTINO GERVASIO, eremita Augustiniano, in Vindobonensi

*universitate S. theologiae professore publico, nunc  
episcopo Gallipolitano in regno Neapolitano, in  
qua etiam sustinetur, quod in casu Apostoli  
matrimonium aliud inire non liceat.*

Magna ex parte desumpta est illa dissertatio, quæ in laudato tractatu de sacramentis contingenti dicitur, ex consultatione quadam Gallica, prout fateretur author pag. 20. (127.) & quæ est domini le Ridant, celebris advocati Parisiensis, ex qua etiam officina, pro majori parte, clarissimi dissertatoris opusculum prodiit, ut ante jam notavi. Hinc factum est, ut, quod in illa reperiatur, in hoc quoque, paucis demptis, habeatur, ut proinde respondisse uni, sit respondisse alteri.

Ne interim dissertationem illam penitus neglexisse videar.

CCXLVII. Dices cum illustrissimo tractatus authore, dissertationis pag. 6. (117.) " In iis, quæ ad sacramenta pertinent, tutiorem opinionem tenemur sequi... Atqui longe tutius est, si in proposito casu conjux fidelis in statu continentiae permaneat; nam, si hoc faciat, nullum inde metuendum est detrimentum: contra vero, si nubat, periculo frustrationis sacramentum exponit. "

R. 1º. Probari deberet, & non simpliciter afferi, quod *periculo frustrationis sacramentum exponat*, qui in casu Apostoli ad secundas transit nuptias, quia hoc ipsum est, quod negamus. Itaque

CCXLVIII. R. 2º. Tunc dumtaxat, sive in illis, quæ ad sacramenta, sive, quæ ad mores pertinent, debemus tutiora sequi, dum oppositum non est tutum, sed subest morale peccandi & sacramentum profanandi periculum, quod non sit in casu, de quo hic agitur, quan-

264 PROSECUTIO DISSERTATIONIS  
doquidem nullum tale periculum possit subef-  
fe, dum se se quispiam conformat praxi univer-  
salis ecclesiæ.

CCXLIX. Dico universalis ecclesiæ : Quia  
praxis omnium prorsus ecclesiarum particula-  
rium, est certo praxis ecclesiæ universalis; hanc  
autem esse praxim omnium prorsus ecclesiarum  
particularium, ex eo patet, quod nulla huc us-  
que potuerit assignari, in qua, dum casus con-  
tigit, prohibita sit pars conversa, infideli disce-  
dente, ad alias nuptias transire, prout saepe di-  
xi, ante illud tempus, quo nuper in Gallia e-  
venit casus, cujus supra memini. Hinc mirari  
satis non possum, quomodo dissertationis illius  
pag. 23.(129.) dicatur : *praxim ecclesiæ non esse ge-  
neralem, sed in aliquibus dumtaxat dioecesibus &  
provinciis vigere*. Quænam enim est, in universo  
orbe, dioecesis vel provincia, in qua vigeat,  
aut viguerit umquam praxis opposita? Assignare  
tamen illam oportet, ut possit dici, *praxim ec-  
clesiæ non esse generalem, sed in aliquibus dum-  
taxat dioecesibus & provinciis vigere*.

CCL. Objicitur etiam pag. 22., (128.) " quod  
,, olim habebatur tamquam præsumptum matri-  
,, monium... si quis virginem apud se quasi u-  
,, xorem habuisset, quam postea carnaliter cog-  
,, novisset, licet sub initio ipsa repugnaverit;  
,, nam ex hac cohabitatione deduci putabatur  
,, tacitus quidam ad matrimonium consensus. "  
Et quibusdam interjectis subditur : " Nunc ta-  
,, men, quem non puderet talia opinionum  
,, portenta sustinere, & practice usurpare? Fa-  
ctum est tamen. Quod ergo de praxi istorum  
,, temporum judicamus, comparete ad exposi-  
,, tas doctrinas, idipsum fortasse posteritas de-  
,, praxi, quæ in casu controverso usurpatur,  
,, judicabit. "

CCLI. R. Tota semper noscet posteritas, nullam posse inter utrumque casum paritatem institui. Matrimonii præsumptio fundatur in facto aliquo, seu in partium consensu, qui non nisi per externa potest innotescere; & ideo saepe contingit, ut præsumatur factum, quod seipso factum non est, quia externa frequenter fallunt. Patet hoc ex ipsa præsumptionis natura, quæ circa rem dubiam & incertam semper versatur, cum nihil aliud sit, quam conjectura probabilis ex signo aliquo, seu facto proveniens, & quam ipsimet judices neverunt non semper veritate niti, licet interim præsumptionem *juris*, seu eam, quæ per leges introducta est, recte sequantur, etiamsi factum tale semper non sit, quale præsumitur, quia tunc non errant in jure, sed in facto, sequunturque modum, quo, secundum leges, in judiciis est procedendum circa rem dubiam & incertam. Sed asserta potestas in casu Apostoli aliud matrimonium ineundi, non respicit factum, sed jus, quod fundatur in sensu scripturæ, & quam dispersa per totum orbem ecclesia sic interpretatur, ut parti conversæ, in casu, de quo agitur, ad alias liceat transire nuptias; in quo, si erraret, non facti, sed juris seu doctrinæ error foret. Erratum igitur aliquando fuerit in facto, quid inde poterit deduci ad probandum in casu Apostoli matrimonium non solvi, cum nemo necessitat, quod ab errore facti ad errorem juris duci non possit argumentum?

Cætera, quæ in dissertatione ista, sive ex scriptura, sive ex Augustino, sive aliunde adferuntur, in antecedentibus vel abunde soluta sunt, vel solutione non egent.

CCLII. Hoc unum pro coronide sufficerit adjicere, quod nonnulli varios, sive Augustini,

five aliorum patrum textus, in consultatione Gallica domini le Ridant productos, nimis bona fide arbitrati sint dictorum patrum mentem referre circa casum Apostoli, ideoque textus illos in ipso, ut ita loquar, fonte non examinaverint. Verbo, lapsi sunt in illud ipsum, quod theologis, interpretibus & canonistis omnibus exprobrant: hos siquidem afferunt sine ullo examine Gratianum suisse secutos: & ipsimet consultationem illam, absque ulla motæ questionis discussione, mox amplexi sunt.

CCLIII. Dico *absque ulla motæ questionis discussione*, quia, si illam discussissent, si SS. patres in illa consultatione citatos consuluerint, fieri non potuisset, ut in illam sententiam abiarent, in quam nunc abeunt, sed illam constanter tenuissent, quam primitus didicerant, cum certum sit, prout demonstravi, quod ex omnibus allatis SS. patrum textibus, ne unus quidem sit, qui casum Apostoli vel attingat, vel in isto casu afferat non esse licitum parti conversæ ad secundas nuptias transire; ut proinde opinio illa, quæ nullam habet a ratione, nec ullam habeat ab authoritate probabilitatem. Dignetur lector attente illos textus considerare, & assertionis meæ veritatem indubitatem comperiet. Qua igitur veri specie afferunt illam, quam tuemur sententiam, SS. patribus esse contrariam, & quānam sunt illæ rationes, quas vocant *certas & ineluctabiles*? Hoc itaque illis dictum esto, quod dicitur Danielis cap. 13., *Revertimini ad judicium.*

F I N I S.

*AD MAJOREM DEI GLORIAM.*